

A. IANI PARRHASII CO-
 SENTINI IN Q. HORATII
 FLACCI ARTEM POETI-
 CAM COMMENTARIA LV-
 CVLENTISSIMA, CVRA
 ET STUDIO BERNAR-
 DINI MARTYRANI IN
 LVCEM ASSERTA.



*Hosce commentarios ante decennium quisquam ne
 imprimito, neue impressos alibi uendito, Qui
 secus faxit, Cæsaris decretum uindexerit.*

Ampliss. præsuli Benedicto de Accoltis
Cardinali Rauennati Bernardinus
Martyranus felicitatem.

Arrhasius ciuis, et præceptor meus, uir
p magno ingenio, et doctrina, quum uitam
ageret Pater ampliss. ut maxime prudentē
deceat, tanquam e specula assidue prospiciens hominū,
in qua uiuimus, imbecillitatē, ne (ut ante nostra tem-
pora plerisq; accidit) simul cum uita nomen interi-
ret, omni opera, cura, studio, diligentia, noctes diesq;
usque adeo laborauit, ut non absq; posteriorū utilitate
immortalitatem sibi, uel ipsis inuidis approbantibus,
compararit. Sed fortuna, quæ (licet frustra) semper
quantum in se est, uirtuti aduersari non desinit, eum
opprimere, obscurūq; facere summopere conata est.
Nam de tot laboribus, de tot luculētissimis lucubra-
tionibus, de tot innumeris, ac pene diuinis eius operi-
bus, uix unum alterumue extat, ac lætitatur. Quod
non hercule eius negligentia uel improbitate peractū
est, sed quadam potius (ut ita dicam) hominum take,
qui alienæ laudis ob inuidiā impatientes, non qui sibi
prodessem, sed alios ut læderēt, omnes pene Parrha-
sij uigilias uix eo defuncto rapacissimis unguibus oc-
cuparant. Et quum ipse a patria tunc abesset, nec

tantam iniuriam propulsare possem, actum profecto
de ijs esset, funditusq; occidissent, ni Antonius Ser-
pandus uir nō minus pbitate, q̃ humanitate clarus,
huic obuiam p̃fessi produisset. Hic nempe a Parrhasio
h̃eres factus librorū, incredibili fide, sollertiaq; quas
Scyrones et Cacos expugnans, nōnullos e labyrinthi
latebris eduxit. Quas quidem, ut par est, ingenti li-
teratorum expectatione, ubi cōmodum erit, in lucem
dabit. Parrhasium enim ut uiuum, ita nunc cōmuni
mortalium fato defunctum et colere et ornare non
desinit. Ego uero, qui a Parrhasio ita semper et eru-
ditus et dilectus sum, ut uel uni patri cōcederet soli,
quantū illius manibus debeā, omnibus ut ostēderem,
ipsiq; mihi satisfacerē, et Roma, et Cosentia, quæ
utriq; cōmunis est patria, ac ubicunq; locorum fui,
quamuis grandioribus negotijs occupatus, quæ mihi
(ut qui sim Caesaris a secretis) domi militiaq; incū-
bebant, semper tamen ea diligentia usus sum, ac ita
me gessi in ipsius operibus inuestigandis, ut nemo sit,
quin eius dignitatis a me habitam esse rationem exi-
stimet. Sed tanta fuit ipsius magnitudo in me mō-
torum, ut mihi ipsi nunquam satisficiam. Verum
adhuc præter hæc in Flacti poeticam cōmentaria
mille sane laboribus acquisita, nihil reliqui consequi
potui, quæ etsi nō satis elucubrator nec auctoris manu
perscripta

per scripta, ac elimata p̄dierint, tamē ut aly scriptorū
Parrhasy occupatores, exemplo meo ducti, illa quæ
occulunt, propalare uelint nolint cogantur, typis cu-
denda tradere uisum est. Quumq; multū diuq; mecū
cogitarim, cui potissimum id operis nuncuparem, tu
imprimis occurrissi, ut qui literatorum omniū pater
et tutissimū confugium semper fueris, quum amore
incredibili, quo te prosequor, tum quod omnium bo-
narum artium ita culmen attigissi, et rem literariam
nutantem, ac in præceps labālem ita erigis et fulcis,
ut perpetuo in suo robore stare posse uideatur. unde
tibi immortalitatem gloriosissime adeptus es. Hinc
ego rem amplitudini tuæ haud ingratam me facturū
existimaui, neq; alienum duxi a dignitate mea, Par-
rhasyq; ipsius uigilias tibi uiro splendidissimo, eiusq;
nominis amantiſſimo dedicare. Sed si inuidi homines
(late enim patet hoc malum) qui aliena lyncæis, ut
aiunt, oculis obseruātes, in suis cæcutiunt, absq; eius,
tuiq; nominis reuerētia, calumniari eum ac mordere
uoluerint, illos admonitos uolo, ei clypeum et defen-
sorem non deesse. nodum in scirpo ne quarant. can-
dorem potius, latinitatem, doctrinā, ingenijq; acumen
inspiciant. Quibus bene inspectis et pensitatis, recē-
tes inter interpretes facile primas huic nostro cōce-
dent, ac antiquis cōparare nō pudebit. Contigit enim

illi, quod nescio an cuiquā huius nostræ tempestatis,
nō obscura scilicet breuitas, nec infinita copia, nec ie-
iuna siccitas, nec postremo nimium luxurians lætitia.
Quare citra inuidiam, tāquam literatissimū uirum,
omniq; laude dignum Parrhasium ament, colant, et
admirantur. Tu interea læta (ut soles) fronte Mar-
tyrani tui donum hoc accipe, Parrhasiumq; repone in
ornatissima tua, ac omnifaria bibliotheca. quo quum
animi relaxandi causa ab arduis rebus cōfugis, tan-
quam in iucundissimo secessu libentissime cōquiescis,
ac ubi otij aliquid nactus eris, lege quæso, et relege
non sine Molsa, Lactantioq; tuis. maximam etenim
ex ijs delectationem audacter tibi polliceor. sed ne
sus Minervam docere uideatur, de his haftenus, nam
plura forsā, quam opus fuerat. Vale decus
bonorum, literatorumq; Mecænas, et
præsidium unicū. Martyranumq;
tuum tibi ex animi pene-
tralibus deditissimū,
ut facis, re-
dama.

Index rerum et uerborum copiosissimus.

A

| | | | |
|-------------------------|-----------|-------------------------|--------|
| A quid significet | 72 | Archilochus accusatus | |
| Archilochus | 2 | ut ieptus a Critia | 36 |
| Alcman | ibidem | Archilochi uirtutes | 35 |
| Asbolus Centaurus ib. | | Agonum uictores quo- | |
| Ars quid præstet | 4 | modo honorati | 37 |
| Asina | 5 | Augustinus ad lachry- | |
| Aphricanus | ibidem | mas motus uirgiliana | |
| Adiabenicus | ibidem | lectio de Didone | 40 |
| Aemilij | ibid. 2 3 | Atheniensium mores | 41 |
| Agrippa | ibidem | Afri | ibidem |
| Aenobarbi | ibid. 2 3 | Asiani | ibidem |
| Accidentia | 8 | Assyrij | 42 |
| Amphora | 11 | Adiabenici | ibidem |
| Apelles a Protogene su- | | Achilles fortunatus et | |
| peratus quomodo | 14 | formosus | ibidem |
| Adriani carmen | 16 | Julius | 45 |
| Autumnitas | 28 | Argempasa | ibidem |
| Aurifodina | 29 | Augustus Sophoclis tra- | |
| Adpromitto | ibidem | gædiam uoluit inter- | |
| Adulteritas | ibidem | pretari | ibidem |
| Antistitas | 32 | Aulea | 49 |
| Archilochus in Lycam- | | Aetatis gradus | 49 |
| ben | 35 | Angelus et Autange- | |

I N D E X.

| | | | |
|-------------------------|----|-------------------------|--------|
| lus | 52 | B | |
| Aëtus comædiarum di- | | Barbati | 5 |
| stincti § 3. & quomo- | | Bubulci | ibidem |
| do cum apud græcos, | | Brutus | ibidem |
| tum apud latinos inter | | Brocchi | ibidem |
| noscerentur | 54 | Balbi | ibidem |
| Accius poeta | 61 | Breuitate quando uten- | |
| Alexandri industria cō- | | dum, & quando ea de- | |
| tra somnum | 62 | lectemur | 13 |
| Aeschylus | 63 | Breuitas Platonis i Ti- | |
| Antiquæ comædiæ ini- | | mao & Heracliti Sco- | |
| tium | 64 | tini | 13 |
| Archea comædia | 65 | Βασίλειος | 25 |
| Atellana fabula | 66 | Bombarda | 29 |
| Anticyra | 67 | Barones | ibidem |
| Arithmetica | 69 | Bæotij crassi | 41 |
| Albinorum familia ib. | | Breuitas | 70 |
| Animalia cantu detinē- | | Bidental | 84 |
| tur | 76 | C | |
| Aeneis uirgiliana | 77 | C quid significet | 72 |
| Argentarij | 79 | Casa & membra | 1 |
| Adulatores | 80 | Coclitæ | 5 |
| Aetna | 83 | Cognomina unde sum- | |
| Aula | 84 | pta | ibidem |
| Aristarchus | 81 | Cicerones | ibidem |
| | | Caprarij | |

INDEX.

| | | | |
|-------------------------|--------|--------------------------|--------|
| Caprarij | 5 | Corneliorū nomen | 30 |
| Celer | ibidem | Cæcilij unde | ibidem |
| Cursor | ibidem | Camurus quid | 31 |
| Coruinus | ibidem | Cato cum moribus bellū | |
| Coriolanus | ibidem | geſſit | ibidem |
| Cato | ibidem | Collocationis ptes | 34 |
| Cesones | ibidem | Cato Uticensis Archi- | |
| Compernes | ibid. | lochi imitator | 36 |
| Calpurnius Crassus ib. | | Comica oratio qualis | |
| et 66 | | 37. et 38 | |
| Cupressus et Cyparissus | 11 | Comædia 41. itē quo- | |
| Callimachus | 14 | modo inuēta 64. item | |
| Cacozelon | 15 | triplex comædia 65 | |
| Chamezelus | 16 | Carthaginensium mo- | |
| Cassius Seuerus primus | | res | 41 |
| a ueteri dicēdi graui- | | Cretenses | ibidem |
| tate receſſit | 17 | Cicero quid e græco cō | |
| Cassius Seuerus repre- | | uerterit et quō | 45 |
| bensus | 18 | Cyclicus scriptor | ibid. |
| Cōmētarij puerorū | 22 | Claudiana tonitrua | 49 |
| Cæcilius accusatus | 27 | Cornea porta | 52 |
| Capsis | 28 | Chorus | 53 |
| Campana | 29 | Cophon proſopon | 54 |
| Cinctutj Cethegi | 30 | Chori personæ nō sunt | |
| | | definita. et chori offi- | |

INDEX.

| | | | |
|------------------------|---------|------------------------|---------|
| cium | 54 | Daunius pes | 35 |
| Capitolium | 55 | Dauus | 41 |
| Chordarū nūerus | 56 | Diomedes | 48 |
| Carmina ex tēpore cō- | | Dido castissima | ibidem |
| dere perniciosum | 61 | Diangelos | 52 |
| Cherylus | 72 | Dij quando introducen- | |
| Coactores | 79 | di in quocunq; poema- | |
| Cauca | 84 | te | 53 |
| Clathri | ibidem | Dias | 60 |
| Carmina uirgæ apta | | Discus quid | 74 |
| quæ | 81 | E | |
| D | | Eupolis | 2 et 65 |
| Dispositio | 4 et 12 | Eloquutio et eloqui | 3 |
| Diadematus | 5 | et 12 | |
| Docendi uia duplex | 6 | Eloquendi figuræ tres | |
| Digressio quatenus fe- | | 12 | |
| renda | 10 | Ennius | ibidem |
| Diana Taurica | 11 | Episcopus | 29 |
| Domitiani tempora | 13 | Epicus | 34 |
| Domitij | 23 | Elegia | 35 |
| Demosthenes quare ma- | | Euripides reprehensus | |
| le audierit ab Aescby | | 39 | |
| ne | 27 | Euripides irrisus | 41 |
| Depudicare | 29 | Etymologia seruanda in | |
| Dulcioriloquus | ibidem | interpretatione | 45 |

INDEX.

| | | | |
|-----------------------|---------|-------------------------|--------|
| Ephebus | 49 | Faunus occurrit Anto- | |
| Exephebus | ibidem | nio | 59 |
| Exangelus | 52 | Frigo, et frictum cicer | |
| Eburnea porta | ibidem | ibidem | |
| Euax | 58 | Forarij | 79 |
| Effutire | ibidem | Facio idem tibi | 83 |
| Equitū turme tres | 71 | Fulmina lata | 84 |
| Emēdādi ratio | 79. 81 | G | |
| Empedocles | 82 | Gurgites | 5 |
| F | | Germani quātū Gallici | |
| Fabula 4. et quæ sint | | agri occuparint | 11 |
| utiles, quæ inutiles | 8 | Gallionis carmina tin- | |
| et 9 | | nientia | 16 |
| Flacti | 5 | Grandiloquum poetam | |
| Fronditij | ibidem | quid faciat | 17 |
| Fabij | ibidem | Græcis uocibus quomo- | |
| Frugi cognomentum | 6 | do utendum | 30 |
| Fictio | 7 et 70 | Gelasinus | ibidem |
| Formarū distinctio | 8 | Gymnica et palestra nō | |
| Fascellinis Diana cur | | recepta sunt a roma- | |
| dicta | 11 | nis | 37 |
| Figulinæ rotæ inuen- | | Galli | 41 |
| tor | ibidem | Græci | ibidem |
| Fretu | 32 | Gongosiros | 45 |
| Futatini | 58 | Genio uino faciebāt an- | |
| | | A. ij. | |

I N D E X.

| | | | |
|------------------------------|---------------|--------------------------|---------------|
| tiqui | 56 | Hirudo | 84 |
| Genius duplex | <u>ibidem</u> | Hanno cur in exilium | |
| Genij quibus affuerint | <u>ib.</u> | actus a suis | 41 |
| Græci literis præstāt ro- | | Hispanorū mores | <u>41</u> |
| manis | 66 | Homerus accusatus | <u>42</u> |
| Græcis quare Romani | | Homeri laudes | <u>46</u> |
| non pares | <u>ibidem</u> | quo tpe floruerit | 47 |
| H | | Hesiodi & Homeri | <u>cer</u> |
| Hercules Musagetes | 1 | tamen | <u>ibidem</u> |
| Hercules poeta | 2 | Homerus quare a pæ- | |
| Homerus <u>ibid.</u> & quare | | vix inceptit | <u>ibidem</u> |
| dormitasse dicatur | 73 | Hirquitalli | 49 |
| Historia | 4 | Hercules seruus | <u>apud</u> |
| Horatij uita | <u>ibidem</u> | Euripidem | 57 |
| Horatiorum familia | 5 | Helleborus | 67 |
| Heraclitus Scotinus | 13 | Homerus & Hesiodus | <u>taxati</u> |
| Heroici carminis maie- | | | 70 |
| stas | 25 | I | |
| Horatius quare non ce- | | I litera | 32 |
| lebravit Augustum he- | | Iambi usus | 2 |
| roico carmine | <u>ibidem</u> | Isauricus | 5 |
| Hostiensis portus | 33 | Inuentio | 6 & inue- |
| Heroici carminis inuen- | | nire | 12 |
| tio | 34 | Insomnium | 8 |
| Hiera | <u>39</u> | Iris quando mitti intro- | |
| | | ducitur | |

INDEX.

| | | | |
|-------------------------|---------------------|--------------------------|---------------|
| ducitur a poetis | 11 | Lælius autor fabularū | |
| Indocti cur uideātur | <u>50</u> | Terentij | ibidem |
| piofiores | 22 | Lucanus | 13 |
| Inusdeor | 31 | Lepidi | 23. <u>24</u> |
| Iulius portus | <u>32</u> | Ludus | <u>24</u> |
| Iambicū carmen | <u>35</u> | Lucanus quare exclu- | <u>da</u> |
| bus pes | 35 | tur a nonnullis Heli- | |
| Itali | <u>41</u> | cone | 26 |
| Iudæi | ibidem | Liuius patauinitatis ac- | <u>ce</u> |
| Ino | 42 | cusatus | 27 |
| Insaniæ species | <u>43</u> | Lupercalia | <u>28</u> |
| Imitatio | ibid. & <u>44</u> | Lucrinus lacus molibus | |
| Interpretum officium | <u>44. & 45</u> | inclusus | 32 |
| Iuuenes unde dicti | 49 | Labyrinthus italicus | <u>32</u> |
| Imberbus | <u>50</u> | Lyræ inæntio | <u>36</u> |
| Iambicorum diuersa ra- | | Lyræcorū chorus | ibid. |
| tio | 60 | Lyræcorum quis primus | |
| Illicit | 80 | & qui præcipui | ibid. |
| Incestum | <u>84</u> | Lacedæmoniorum mo- | |
| L | | res | 41 |
| Lentuli | <u>5</u> | Leucothea | <u>42</u> |
| Labeones | ibidem | Lenates | <u>66</u> |
| In loquendo quid obser- | | Lanati | ibidem |
| uandum | 12 | Licino | 67 |
| -- | | Lamiæ | <u>71</u> |
| | | A. iij. | -- |

INDEX.

| | | |
|-------------------------|------------------------|-------|
| Leges primo quernis ta | Mens | 51 |
| bulis, deinde æri inci- | Memoria localis | ibid. |
| se 76 | Monodium | 55 |
| Laudatio & laus 81 | Monas | 60 |
| M . | Melancholia | 67 |
| Musarum templum 1 | M. Valerius Messala | |
| Metra ibidem | 74 | |
| Murena 5 | Messalina ibidem | |
| Mamerci ibidem | Massalinus Cotta ibid. | |
| Mecænatis carmina ca- | Meta, quid | 79 |
| lamistrata 16 | Mors | 83 |
| Medicimonium 29 | N | |
| Manuari ibidem | Nigri | 5 |
| Murcida 29 | Numerij somniū ob uul- | |
| M. Cor. Cethegus 29 | gata mysteria | 9 |
| Mosen heroici carminis | Nocticolor | 29 |
| inuentorem affirmant. | Nedum particula | 33 |
| Iudæi 34 | Nereo homicidæ peper- | |
| Musa tres initio, & quo | cerunt græci ob for- | |
| modo facta sint no- | mam corporis | 30 |
| uem 36 | Numerus par & impar | |
| Mensurarum appella- | 60 | |
| tiones 39 | Numerorum uis | 77 |
| Matuta 42 | N. L. quid | 72 |
| Mellepbeus 49 | | |

INDEX.

| | |
|--|---|
| O | Poetices initiū atq, pro- |
| Ouicula 5 | gressus 1 |
| Orata ibidem | Pyndarus 2 |
| Oraculum 8 | Peridemes ibidem |
| Orphei mysteria 9 | Poematum diuisio ibid. |
| Ouidius 1 3 et quid in | Poematum genera 8 5 |
| eo sit notatum 1 5 | Poetam quæ scire oportet ibid. et 3 |
| Obscuritatem quid faciat 1 4 | Pedestrem orationē qui instituerint 3 |
| Ordo duplex 2 6 | De poetica qui scripserint 4 |
| Ouipara 2 9 | Pululli 5 |
| Ouidius latinorum tragicorum optimus 4 2 | Pilumni ibidem |
| Oculorum et aurium sensus 5 2 | Porcij ibidem |
| Orpheus 7 1 | Publicola ibidem |
| Orpheus Crotoniata Argonauticorum scriptor ibidem | Proculi ibidem |
| Oracula carminibus data, et quando cessauerint 7 7 | Posthumij ibidem |
| P 2 1 | Pæti ibidem |
| Poetica unde orta 1 | Pisones ibid. quorū familia accuratissime per censetur et 6 6 |
| Poetica laus 8 1 | Pomponij ibidem |
| | Pinarij ibidem |
| | Poetam a quibus abbor- |
| | A. iij. |

INDEX.

| | | | |
|--------------------------------|---------------|------------------------------|---------------|
| rere oporteat | 6 | Paræcia | 29 |
| apē wov | 7 | Pudicolor | <u>ibidem</u> |
| Pictura | <u>ibidem</u> | Plautus unde dictus | 30 |
| Poeta est loquens pictor | | Pecatu | 31 |
| <u>ibidem.</u> et 73 | | Pontina | 33 |
| Pictor mutus <u>poeta</u> ibi. | | Pythius uersus | 34 |
| Phantasma | 8 | Pentametrum monoco- | |
| Poetis quatenus fingere | | lon | <u>ibidem</u> |
| permissum | | Phrygum mores | 41 |
| Pythago. philosophia | 9 | Prudentia poetice <u>Mi-</u> | |
| Pacuuius | 12 | nerua dicta | 47 |
| Poetarum et pictorum | | Palamedis mentionem | |
| animos ex operibus co- | | cur non fecerit Ho- | |
| gnosci | 13 | merus | 48 |
| Poetas excitat principū | | Plausus quō fiebat | 49 |
| liberalitas | 17 | Pædagogorum officium | |
| Poeta quomodo <u>pdigia</u> | | seruile | 50 |
| faciat et monstra | 20 | Personarū numerus in | |
| 21. 22 | | comædys | 53 |
| Pacuuius reprehensus | | Pomærium | 55 |
| 21. 27 | | Plauto quid uitio datum | |
| Pauli | 23 | 62 | |
| Potenter | 26 | Planipedes | 66 |
| Peregrina uerba | 27 | Prætextatæ | 66 |
| Perpessio | 28 | Philosophia | 67 |
| | | Polydoro | |

INDEX.

| | |
|-------------------------|-----------------------|
| Polydoro īfixa tela 70 | Quintilius Varo 81 |
| Pan magnus īterīssē nū | R |
| tīatus p Tbānum 77 | Rhythmus et harmo- |
| Poetarum dicta pro ra- | nia 1 |
| tione ibidem | Ruffi 5 |
| Paulus usus poetarum | Rheni ortus 11 |
| testimonio ibidem | Res et uerba 12 |
| Poeta quid natura con- | Romanus sermo quādo |
| ferat, quid item ars 3 | corrumpti cœptus 27 |
| et 4. et 78 | R. R. quid 33 |
| Pangere 79 | Romam quanto tempo- |
| Præcones ibidem | re incolumem futurā |
| Præfica 80. et 35 | censuerit Vellius au- |
| Phanatici 82 | gur 55 |
| Q | Rerum modi 63 |
| Quibus uagari liceat in | Recinati 66 |
| scribendo 11 | Rinthonici ibidem |
| Quomodo quodlibet dī | Romani lucro dediti |
| cendi genus rebus de- | magis q̄ poetica 68 |
| beat accommodari 19 | Rhapsodia 81 |
| Q. Ennius e Sardinia | Rhabduchi ibidem |
| a Catone ductus 31 | Regius morbus 81 |
| Quibus carminum ge- | et 82 |
| neribus res quæq, tra- | S |
| ctandæ 34 | Scientiarum principia |

INDEX.

| | | | |
|----------------------------|---------|--------------------------|--------|
| unde | 4 | Siculi quo uitio laborēt | |
| Stolones | 5 | 19 | |
| Salinator | ibidem | Scauri diu iacuerunt i- | |
| Scrofa | ibidem | gnobiles | 23 |
| Superbus | ibidem | Solitautilia | 28 |
| Strabones | ibidem | Stapes | 29 |
| Scauri | ibidem | Silenta loca | ibidem |
| <u>Silones</u> | ibidem | Synoridem pro iugo di- | |
| Somnium | 8 | xit Hieronymus | 30 |
| Substantia | ibidem | Status seruile nomen | |
| Species | ibidem | erat | ibid. |
| Scientia per diffinitio- | | Salustius reſpēſus | 31 |
| nem | ibidem | Sputatilia | 32 |
| Spbinges cur pro tēplis | | Scythæ | 41 |
| Aegyptiorum | 9 | Syrj | ibid. |
| Stilus | 12 | Siculi | ibidem |
| Seneca | 13 | Suppara | 49 |
| Status | ibidem | Senatus a populo quādo | |
| Syllius | ibidem | secretus | 49 |
| Sermo qualis eſſe de- | | Siciniſtæ & ſititines | 54 |
| beat | 13 | Synodium | 55 |
| Sparthum | 14 | Satyræ uetusta | 57 |
| Saluſtius | 14 & 15 | Scenæ quomodo orna- | |
| & in quo <u>Tbu</u> cydidē | | bantur | ibidem |
| ſuperauerit | 15 | Spōdealia carmina | 58 |

INDEX

| | |
|-------------------------------|------------------------------|
| Saltare licitum matro- | Tyberij Cæsaris stilus |
| nis romanis 58 | 14 |
| Saltare unde ortum, <u>et</u> | T. Liuius Salustij ca- |
| quibus romanis id cu- | lumnator, quod Thu- |
| ræ fuerit ibidem | cydidis sententiã cor- |
| Salsum 62 | ruperit 15 |
| Sophocles 64 | Turpitudinis uitãda oc- |
| Syrmata ibidem | casio ibidem |
| Scenæ autor 64 | Theophrastus Athenis |
| Susariõis comædia 65 | hospes appellatus 27 |
| Sapientia v. 7. <u>et</u> 68 | Translationes cur in- |
| Suffragia quomodo <u>fe-</u> | uenta 28 |
| rebantur 71 | Tybris inundationibus |
| Sosij 72 | crebris quomodo oc- |
| Scripta sua quis primus | cursum 33 |
| publice recitauerit 80 | Tragicus sermo <u>qualis</u> |
| Sepulchroꝝ religio 83 | 38 |
| Sodes 81 | Telephus 39 |
| T | Terētius repbēsus 41 |
| Taurij 5 | Thebanorum mores <u>ib.</u> |
| Torquatus ibidem | Tagesman 45 |
| Terentij fabulæ a Læ- | Tanuti <u>ibidem</u> |
| lio <u>et</u> Scipione com- | Tardigemulus 51 |
| positæ. 12 | Tibiæ 54. 55 |
| Tibullus 13 | Tragicorū premiū 56 |

INDEX.

| | | | |
|-------------------------|--------|------------------------|--------|
| Tabernariæ fabulæ | 57 | Vocabula propria | 28. |
| Trimetros | 60 | et noua | ibidem |
| Tragœdiæ initium | 63 | Viuispara | 29 |
| Theatri inuentor | 64 | Vituperones | ibidem |
| Togatæ fabulæ | 66 | Varius poeta | 31 |
| Tbyrtheus | 76 | Verborum et uini ea- | |
| Tbreni | 80 | dem ratio | 32 |
| Thales Mileſius | 82 | Vſus et cōſuetudo | 33 |
| V | | et | 34 |
| V litera | 32 | Vlyſſus laudes et for- | |
| Verſus | 1 | ma | 47 |
| Vopiſci | 5 | Verecundiæ laus | 50 |
| Valgi | ibidem | Voluptas | ibidem |
| Viſio et uiſum | 8 | Varronis ſatyra | 57 |
| Virtutibus uitia proxi- | | Verborum elegantia in | |
| ma | 12 | quibus conſiſtat | 63 |
| Virgilij laudes | 19. et | Vrbanitas | ibidem |
| 20. et | 31 | Virgilianum opus | 69 |
| Varietas | 20. 21 | et | 70 |
| Virg. reprehēſus | 21. | Vocis cura | 79 |
| Vitia manifeſta ſequū- | | Venus obēſt uoci | ibid. |
| tur poetæ | 26 | Z | |
| Verba quomodo compo- | | Zelus. | 15 |
| nantur | 27 | | |

A. IANI PARRHASII CO-
SENTINI IN FLACCI
POETICAM
INTERP.

*Oeticam cælo ortam, & a dijs hominibus
p datam, uatum oracula dixerunt. Ille furor
quo uates agitati maiora mortalibus cōci-
piunt, & ante ullam de ea artē cōsummatissimi poetæ
inuenti testantur. Primi illi, non homines sed heroes
diuinis tantum rebus narrandis sunt usi. Defluxit
deinde paulum ad mortale genus, ut ab ea potissimū
sapientiæ initia auspicarentur. Hanc itaq; primum
admirantes gentes suspiciebant, ab hac efferi animi
tractabantur, paulatimq; in mansuetiorem cultum
redigebātur. Quippe quos mens illa diuino correpta
furore, organum se dijs immortalibus præstans, quo
uellet duceret, moueret, & impelleret. Hinc primum
dispersi in mœnia homines cōgregati, dissidentes cō-
ciliati, moribus legibusq; coniuncti. Contenderūt ad
hanc ipsam sane multi, pariq; studio uiam affecta-
runt, uix unus alterue ad metam peruenere, cæteri
intra spatium remansere. Neq; enim nisi undecunq;*

B.i.

IN POET. HORA:

perfecti illius aditis admittuntur. Garruli, glorioſi,
putiduli non iniuria ablegantur, ne in tam ſancta ſa-
cra perumpāt, atq; illotis manibus diuina attrectēt,
neue in ipſum ſacrariū refractis pudoris & reuerē-
tiæ poſtibus quaſi canes, muſcæ, pedes, pulicesq; te-
mere irrumpāt. Vnde merito eodem cum muſis ac-
ceptus templo Hercules muſagetes, qui monſtra abi-
gat, quem canes fugiāt, ad quem muſcæ nō introeāt.
Initium ea fertur habuiſſe apud Idumæos. per uber-
rimum fontem Homerum in Græciam inueſta eſt.
in Latio a Faunis, & aboriginibus celebrata eſt.
Obſeruauerunt eam mortales, quod harmonia &
rythmus natura nobis tributa ſunt. Metra rythmo-
rum portionem eſſe ſatis conſtat. quæ paulatim in-
ueſtis comparatiſq; compositionibus poeſim cudendo
genuerunt, legitimam quādam muſicam ruſticis illis
& inconditis ſcanſionibus modulatiorem. quas cum
uiderent uiliſſimas, certa temporum diſenſione &
acuminis grauitatiſq; moderata uarietate figurarūt,
moderatos impreſſere articulos, quæ cæſa & mem-
bra nominarunt. & ne longius pedum curſus pro-
uoluerent modum ſtatuērunt, unde reuerterentur.
& ab eo ipſo uerſum uocauerunt. quodq; ad certum
finem nō eſſet redactum, ſed tamen quadam nō ſine
ratione ordinatis pedibus curreret rythmi nomine

notauerunt. Auxit artem Archilochus, et cōmata
 uersibus applicando uariavit. Eupolis per plurimas
 species secuit. Alcman numeros minuit in carmen.
 Pyndarus magnitudinē asseruit, et libros innumeris
 modis edidit. sed antequam integrum corpus sorti-
 retur poetica, uirtutibus tantum celebrādis, et uitij
 laceſſendis adhibebatur. Vnde prisci poetæ aut he-
 roici aut iambici fuere. Primum res gestas heroum
 musicis cantibus cecinisse Peridemem, Varitonis et
 Chloridis filium ferunt. Iambi primus usus penes
 Archilochum manet. Incrementum deinde cœpiſſe
 poeticam florente Hercule testatur Philoſtratus,
 ipsumque Herculem fuiſſe admodum illius studiosum.
 Quippe qui cum Asbolum Centaurum cruci affi-
 xiſſet huiusmodi epigramma inſcripſit.

Contemptor diuum atque hominum, crudelis et idem
 Per terras ſcelere infamis, pro turpibus auſis
 Asbolum ex alta ſuſpenſus brachia pinu,
 Semifero nigros depaſcit pectore coruos.

Vltimam illi manū Homerus impoſuit, ut nec antea
 uideatur fuiſſe, nec ſpes ulla poſteris aſſequēdæ re-
 liſta. Hic complexus quicquid antea diuſum fuerat
 unum poeticæ corpus perfectum fecit, et admiran-
 dum, ut nulla imitatio ne ritu quidem dragmatico
 effingi poſſit, quæ nō in illo eluceat, ui ſua comediarū,

B.ij.

IN POET. HORA.

tragædiarum, dythiramborū, omniumq; poematum
 argumenta suis operibus inseruit. Poemata omnia
 aut æctiua sunt, aut enarratiua, aut ex his mista. In
 æctiuis personæ agunt, nullæq; poetarū partes appa-
 rent, ut sunt tragædiæ, comædiæ, satyræ, mimi,
 prætextatæ, attellanæ, tabernariæ, planipedes. In
 enarratiuis perpetua est poetæ loquutio nunquam
 interrupta, ut tres Virgilij Georgicorū libri primi,
 aut sententiæ scribuntur, ut Theognidis liber, aut
 genealogiæ, cōponūtur, ut Hesiodi Theogonia, aut
 Philosophia comprehenditur, ut Lucretij, Varrō-
 nis, aut astrologia, ut Manilij, Ciceronis de Arato.
 In communibus, et ipse narrat poeta, et personæ
 loquentes introducuntur. Sed hæc aut heroica sunt,
 ut Virgilij, aut lyrica, ut Horatij. Quemcunq; autē
 poetam rerum omnium peritum esse oportet, ut de
 una quaq; re possit copiose dicere. Mores populorū,
 consuetudines, iura, terrestrium, maritimarumq; co-
 gnitiones urbium, locorumq; descriptiones, agricul-
 turam, rem militarem, clarorū uirorū dicta factaq;
 pernoscat, graphidos peritus sit, geometriæ erudi-
 tus, architecturam edoctus, musicam sciat, scientiam
 cum naturæ et morum, tum differendi calleat, me-
 dicinæ non ignarus, iuriconsultorū responsa teneat,
 astrologiam, cæliq; rationes compertas habeat. Nam
 historiarn,

historiarum, fabularumq; cognitio, quæq; grammaticæ copulantur, in primis sunt necessaria. Qui enim poterit suo arbitratu inflâmare animos hominum, et extinguere iram, odium, dolorē incendere, aut ab his iisdem ad lenitatem et misericordiam reuocare, nisi uim omnē humanitatis, causas quibus mētes diuersæ agātur, quæq; de naturis humani generis ac moribus explicantur, penitus perspexerit? Illa carmina uel optima atq; ornatissima, ni sentētia subfit scientiaq;, inanem sonitum reddunt. Nam si dicendi uis arsq; defuerit oratoria, mutus illico erit poeta. Nihil tam est poeticum, q̄ eloquutio. unde pro eloqui, canere ueteres posuere. et ea omnia quæ illius continentur præceptis, ab ipso poeticæ fonte deriuātur. Cadmus, Phercydes, Hecatæus cum pedestrem orationem primum instituisent, metrum soluerunt tantummodo, reliquas poeticæ partes seruarunt intactas, et ad eum, qui nunc in manibus est, modum, tanquam ab ipso fastigio ad ima deduxerunt. Quæ singula, ni æque ac suos digitos norit poeta, nil agit. Neq; enim quisquam in eo quod nō optime sciat, potest esse disertus, nec diserte dicere de quo nesciat. Ante omnia oportet ipsum poetam esse sapientem, quæ boni uiri sint intelligat. quod non faciet, nisi ipse sit bonus, nisi omnibus abundet uirtutibus, nisi poe-

IN POET. HORA:

ticam omnem, id est sapientiam imbibere, careat ui-
 tijs, nec occupata illis mēs optima simul et deterrima
 medietas in cōtrarijs cōtrarijs uotis distrabatur, nihilq;
 perfecte, sed ne præclare quidem quicquā assequa-
 tur. et mala mente nihil laceratius, nihil occupatius,
 nihil inuenitur infelicius. Solus ergo ille poeta esse
 poterit, qui ingenio præstet artibus, prudētiaq; par-
 tibus, sit absolutus omni eiecta cupiditate, doctrina
 rerūq; sciētia firmatus, recto fidētq; uirtutis itinere
 gradiatur. Quod cum ita sit, non potest tanta res pau-
 cijsimis comprehendī. Nihilq; est periculosius ad eam
 tendentibus q̃ prima atate nō aberrare, et tædio la-
 borum ad desidīa diuertacula cōfugere, facilitatem
 tanquam utiliore sequi unde fundamenta iaciūtur.
 Impudentiæ uires præuenit fiducia, suiq; ipsius exor-
 ritur sine riuali amor. Deniq; multi ad poeticā per-
 uenirent, nisi putarent se peruenisse. Cum itaq; tam
 difficilis poetica sit, quæri solet an ulla possit arte
 constare, cum poetæ non fiant, sed nascentur, priusq;
 poetarū optimus apparuerit Homerus q̃ ulli essent
 artis scriptores, nec possit esse ars quæ non cognitis
 penitusq; perspectis rebus ab opinionibus arbitrio se-
 iunctis contineatur, nihilq; tam fallax, tam dubium,
 tam incertum sit, q̃ iudicij facilitatisq; condere præ-
 cepta, ingenij animiq; motus ad excogitandum acutos,

et uberes ad enarrandum cōprehendere. Certe illud apparet, aut nullam de ea artē esse, aut humana mēte non posse comprehendere. Sed hæc mutuis iuuātur auxilijs, nec pdest ingenij beneficio præstare, nisi præceptis, id est probatissimorū obseruationibus fulciatur. Sola ars nihil pingue, nihil grāde, nihil præstat copiosum, sed, ueluti amentandi ars uires iuuat, sic scribēdi ratio naturā adiuuat. Solum ingenium nihil cogitat ratione, et quodam quasi classico instructū, molitur grandia. Quæ desperata demum assequendā facultate deserit, ad ea quæ ad rem nō sunt defertur. Non sarcula, non hastas, nō pila, sed quæcunq; forte ad manum uenerint temere iaculatur. Nam q; nasci dicunt poetā, sane artem nō excludunt. Neq; cuiquā dubium est sciētiarum omnium principia ab ipsa natura traxisse originem, atq; hoc ut scitamus sic illud asserimus, nisi ad naturam ratio quædam confirmatioq; doctrinæ accesserit, raro solere præclarum aliquid aut singulare existere. Nam omnia natura largiri non solet, cuius etiam quæ bona sunt, doctrina fieri possunt meliora. Sint licet qui naturæ habitu prope diuino ipsi sibi uia fecerint, pauci tamen sunt quos æquus amauit iupiter. Nos artē amplectamur, nitamur illi, naturæq; nostræ quandam adiciamus doctrinæ confirmationem, unde optimi euadamus.

IN POET. HORA.

Neg; enim poetica eiusmodi ars est, quæ perfecta scientia certisq; terminis comprehendatur, sed quædam præceptionum exercitarum constructio, quæ peritorum hominū usu seruata, animaduersa, notata sit, quæ natura, doctrina, usuq; conslet, cuius omnis finis ad bene uiuēdum rationibus exēplisq; inuitare, mores, affectionesq; docere, res gerendas cum iocunditate præcipere, quæ deniq; ex historia dispositio; neq; cōslet ex fabulis. Historia describit loca, mores refert, cōsuetudines edocet. Dispositio uim habet ex neruum, ut omnia ante oculos ponantur. Fabulæ delectant, in admirationem trahunt, ex præsertim si de incognitis referātur. Scripserunt de ea ex ijs, qui ad nostram peruenere memoriā, Neoptolemus, Aristoteles, ex utrunq; imitatus est Q. Horatius Flaccus, qui eminentissima quæq; breui sed pretioso libello cōprehendit. Quem de arte poetica ad L. Calpurniū Pisonem, L. filium frugi inscripsit. Nam poetriam M. Tullius in ea oratione quæ est pro M. Cælio, rem fictam appellat. Horatium libertino ex præcone natū patre, Romæ educatū, Athenas philosophiæ causa profectum, indeq; Octauij ab togatis adulatoribus Augusti dicti surgente tyrannide amotum, ex M. Iunij Bruti partes sequutum, cumq; illo ex repub. uiētum, postmodum a Mecænate P. Virgilio

Marone & Lucio Alfeno Varo suadētibus in amicorum cohortem susceptum, fortunisq; honestatum, nemopaulum in libris prouectior ignorat. Venusinū ipse se fuisse ait, licet Horatiorum familiam Romæ Trigemini sub Tullo Hostilio, Coclutes, Puluilli, Barbatq; illustrarint. Flacci cognomētum demissæ nec erectæ, ut solent, aures imposuerūt. Cognomina Romani sumebāt aut a re rustica, ut Fronditiū, Stolonēs, aut ab inuentione, ut Piliū, Salinator, aut a leguminibus, ut Fabij, Lentuli, Cicerones, aut a pecudibus, ut Bubulci, Suilli, Caprarij, Porcij, Taurij, aut a casu, ut Diadematus, Celer, Cursor, Scrofa, Coruius, Torquatus, Asina, aut a rebus gestis, ut Coriolanus, Africanus, Isauricus, Adiabenicus, aut a moribus ut Brutus, Quicula, Cato, Superbus, Publicola, Aemilij, Gurgites, aut a piscibus ut Muræna, Orata, aut a nascēdi sorte, ut Agrippa, Cesonēs, Vopisci, Proculi, Posthumij, aut a corporis habitudine, ut Pati, Aenobarbi, Labeones, Strabones, Valgi, Vari, Scauri, Compernes, Brochi, Balbi, Nigri, Silones, Ruffi. Pisones ergo q̄ primi pinsere uel pinsare inuenerint, cognominati sunt. licet a pisciū leguminibus dictos uelint. Origo illis a Numæ Pompilio fuit. cuius filij quatuor totidem familijs dederūt initium. a Pomponē Pomponij, a Pino Pinarij, a Ma-

IN POET. HORA:

*merco Mamercij, a Calpo Calpurnij dicti. Māsit ea
 familia Romæ quāquam patritia diu intra famam,
 neq; fere quisquam celebratur ante L. Pisonem, qui
 primus Frugi est appellatus illis tēporibus, cum ho-
 minem inuenire nequam neminem hominem posses.
 in quem C. Gracchi extat oratio. Hic legem tulit
 de repetundis, cuius filius in Hispania prætor occisus
 est, nepos ad Pompeij tempora peruenit. Calpurnius
 Crassus Reguli comes in Africa captus Saturnoq;
 hostia destinatus, Balsatæ regis filiæ opera, q̃ ama-
 retur, euasit. Cum Mario cōtra Iugurtham legatus
 fuit Calpurnius qui in ferreo annulo prætura fun-
 ctus est. Et ipse Marius Calpurniā filiā bello cym-
 brico djs uictimam immolauit. Lucius Piso annales
 populi Romani scripsit simplicissima suauitate. Po-
 tissimus in honore ueterum est M. Piso, qui supra
 Taseam apud se habuit, de Hispania triumphauit,
 ad quem Cicero adolescēs a patre deducebatur. Post
 quem laudatur inter oratores C. Piso M. Glabrio-
 nis æqualis. Nec sua caret laude C. Piso Crassipes
 gener M. Tully. Nām Calpurnium illum Lanariū
 qui Liuium occidit Salinatorem, nō ausim in hac fa-
 milia numerare. Fuere et tres Caij, primus qui Pa-
 licano cōsulatum eripuit, alter Siciliam fugitiuorū
 bello liberauit, tertius legē de ambitu tulit in quem*

consulem lapides iacti. Gnei et duo fuerunt, unus qui Manlium Crispum accusauit, alter Catilinæ amicus in Hispaniam ablegatus est. Lucium uero Pisonem Cæsaris socerum uel hostem Cicero fecit immortalē. Post quem euersa repub. et cæsis per Octavianum ciuibus, familiæ omnes confusæ sunt. Lucius tamen Piso sub Augusto Thraciam uicit, a Tyberio urbi præpositus est. Sub Claudio Gn. Piso rigidissimus est habitus. Cum Nerone L. Piso consul fuit, a quo C. Piso interfectus. Post quem Piso Licinianus a Galba adoptatus. Sed omnium optimus Piso fuit, qui sub Galeno Thessaliam occupauit. Imperator salutatus est, tantæ autoritatis, ut hoc Frugi cognomētum in eo renouatum, et statua illi defuncto inter triūmphales, et currus quadriugi decreti, eo loci ubi nunc Diocletiani thermæ semirutæ inspicuntur. Vltimum puto, si tamen ex his est, Calpurnium Suram, qui Ephemerides uitæ Galeni scripsit. Horatius ad eum eiusq; liberos poeticam inscribit, qui Thraciā domuit, urbi præfuit, quem ebrietatis accusat Seneca. Daturus ergo præcepta, antequam opus aggrediatur, quæ poetæ cōueniant aperit, quæ totius operis perficiendi ratio sit ostendit. in qua si quis aberreret, frustra operam impēdit. Quumq; duplex docendi uia sit, aut uitanda ostēdere, aut sequenda præ-

IN POET. HORA.

cipere. Vtrunq; facit Horatius. quæ fugienda sunt, principio demonstrat. deinde quæ ex præceptis sunt, exequitur. Quinq; autem sunt, a quibus uult bonum poetâ abhorrere. Primum ne quid contrariū meditetur, ne discrepet inuētio, ne totius operis cōuenientia desideretur. Secundo uetat non suis locis poni multa etiam spectata, uagari longius a materia phibet, nec admittit quicquid superfluum est, flosculosq; omnes mendicatos excludit. Tertio dicēdi figuras ita negat sectandas, ut in contraria uitia decidamus. Quarto cum nihil magis poetæ sit quam uariatio, nimiam fabulis indulgentiā, nimiū eloquētiæ studiū, ineptumq; ornatū dānat et superfluū. Vltimo summa summarum subductionē nullā fieri taxat. Ordiri scire sane multos ingeniose, narrare elegāter, scribere decēter, uariare constāter, sed ea in re falli, q; nullum dicendi modum inueniāt, extremā manum norint imponere, nec ut iuncta simul perfectū reddāt corpus efficere. Erit ergo boni poetæ ante omnia ideam futuri sibi poematis statuere, et quod periti faciunt architecti, breui quasi tabella totius operis imaginē ante oculos proponere, ut prima ultimis, media utrisq;, omnia omnibus respondeant. Et quoniam inuētio potissimas sibi partes in poetica uendicat, principio circa illam uersatur.

Humano

V MANO CAPITI. non

solum in omni uita, sed etiam in ora-
 b tione nihil est difficilius q̃ uidere
 quid deceat, ^{ῥῥῥ} ^{ῥῥῥ} Græci uocāt,
 nostri decorum. Cuius ignoratione,
 cum in sententijs tum in uerbis peccant. Nihil æque
 uitandum ad contraria. Vitabimus autē si iudicium
 consiliumq; adhibuerimus. Quæ ueluti gustus atq;
 odor nulla possunt arte tradi. Sed ea assequemur uia
 si rationem quandam alte petemus, pluraq; pondera-
 bimus, ^{et} locis, temporibus, personis quæ dicēda sint
 accommodabimus. Maximam in primis curam exigit
 fictio, in qua tria seruari necesse est, ut aut qualia fue-
 rint, aut sint, aut qualia dicuntur ^{et} existimātur, aut
 qualia esse expediat, referantur. Est ^{et} suus conue-
 nientiæ labor adhibendus, ut quæ in naturam cadunt
 fingantur, illius ordo non perturbetur, nec rationalia
 cum ratione carentibus coniungantur, nec contraria
 copulētur, nec ab artis absint reſtitutione, omnia eo-
 dem tēdant, ab iisdem proficiſcantur, partes magni-
 tudine, natura, qualitate conueniant. Si Achilles ira-
 cundus, inexorabilis, exlex describitur, facile a bello
 abſtinebit, Græcorum omniū precibus nō flectetur,
 sua in bello munia nō præstabit. monſtrum erit ^{et} si
 Patrocli morte non agitabitur, ni Hectoris cadauer

IN POET. HORA.

*circa mœnia raptabit, ni ad Patrocli sepulchrum
Troianos mactabit. Erit contrarium si Tiresias
suam deploraucrit cæcitatem, si Polyphemus arietis
fortunam nō laudabit, quia cæcus. Nec uitio carebit
rursus poema, si pius Aeneas cum de spe tutandæ
patriæ deciderit, non patrem, uxorem, filium tu-
tabitur, non sacra suscipiet, penates custodiet, si ulla
frangetur tempestate, si clauo fixus cupidinis a Di-
donis sinu auelli non poterit, si deniq; pacem rogatus
negauerit. Ne ergo inter se pugnātia licentiosi poetæ
efficiant, sed uenustate, et pprio decoro conformata
describāt. HVMANO CAPITI CER-
VICEM PICTOR EQVINAM etc.*
*Naturæ imitatio est pictura, cui ni respondeat, por-
tentum faciet non pigmentum. R isum inquit conci-
tabit pictor, si tabellam proposuerit, effigiemq; effin-
xerit, quæ muliebri uultu et equino collo sit, corpus
habeat plumis obsitū, desinatq; tandem in piscis cau-
dam. Eadem est ratio in poemate, ut ni quadret una-
decunq; rideatur merito et explodatur. Bene poeti-
cam picturæ comparat, quum poeta nihil aliud sit q̃
loquens pictor, et pictor, mutus poeta. Vterq; oras,
regiones, formas, species, pugnas, acies, remigium,
bominum ferarumq; motus effingit. Vnde pictorū
poetarumq; portenta quæ de inferis traduntur fin-*

gunturq; uocat Cicero. uterq; pingit, sed poeta felicius, cuius colores tempore non senescunt, nō tempestatibus oblitterantur, non ui ulla delentur, sed ætate tanquā igni aurum redduntur pretiosiores. Amici etiam irridebitis. **VANAE SPECIES.** id est somnia. Omnium quæ uidere sibi dormientes uidentur quinq; sunt nomina. Somnium tegitur figuris et uelatur imaginibus. Visio est, cum id quis uidet quod eodem modo quo apparuerit eueniet. Oraculū cum a parēte uel a sacerdote uel a deo admonemur. Insomnia in ipso tantum somno sunt, nullamq; utilitatem uel significationem relinquunt, et talia se ingerunt dormienti qualia uigilantem fatigauerant. Visum quod fantasma Græci uocant fit cum inter uigiliam et multā quietem adhuc uigilare se existimans qui dormire cæpit, aspicere uidetur irruere in se, passim uagātes formas a natura seu magnitudine seu specie discrepantes. Somnia a quiete animi maxime pendent. Hinc fit, ut uirtute præditi meliora uideant somnia, apud etiam uigilātes meliora meditentur, animo uel corpore affecti deteriora concipiāt, ut et hominis morbo laborātis proposita animi sunt uitiosa, nec propter corporis perturbationem animus potest quiescere. **FINGENTVR SPECIES.** Quicquid usquam exisistit substantia est,

IN POET. HORA.

nam accidentium proprie esse, est alteri inherere. Substantia aut incorporea est, aut corporea. Hæc uel anima carens uel animata. Animata aut sensum non habet, aut sentit, ut animal, quod aut irrationale est, aut rationale, ut homo, qui species est dicta a nostris philosophis specialissima. & ita sit species ut genus esse nõ possit. Species ergo ea est, quæ dicitur de multis qui numero tantum discrepent. **VANAE.** & nusquã sint. Nam eorũ quæ non sunt nulla est diffinitio. & quæ non diffiniuntur, scientia non possunt comprehendere. **VNI FORMAE.** nam uniuscuiusq; speciei una est forma substantialis. Forma aut substantiã denotat, aut accidens. Substantialis est quæ dat esse rei. Accidentales infinitæ sunt. Nam uniuersæ res constant ex materia & forma, & a forma unumquodq; appellatur. **PICTORIBVS ATQVE POETIS.** Prouerbiũ de poetarũ licentia, quibus impune uidetur licere ut suo fingant omnia arbitratu. sed longe secus est. neq; enim libera datur potestas, uerum circumscripti quidam fingendi ambitus conceduntur, præsertim in fingendo, in quo magna est ratio adhibenda. Fabulæ enim si surium mulcendarũ tantũ gratia fingantur, & nihil subsit bonæ frugis, uel saltem ad cõmunem uitam, merito eliminantur. Illæ quæ in sapientiæ sacrario excogitatae

excogitatae sunt, ad quandam uirtutum speciem hominis alliciunt intellectum. Sed eae aut argumento ficto sunt, et per mendacia totus ordo cōtextitur, aut ueri fundantur soliditate et perfecta quaedam et composita proferantur. In illis nihil magnum, nihil arcanum. Eae omnem continent philosophiā. Verum et ipsae in aliam scissae discretionem diuiduntur. Aut enim narratio per turpia et indigna nominibus ac monstro similia componitur. Quod ipsum fieri uetat Plato. aut sacrarum rerū notio honestis testata uerbis, et decoris uestita rebus enuntiatur. Quod fecit Orpheus, qui suorum dogmatū mysteria fabularū intexit inuolucris, et poetico uelamento dissimulauit. Ad cuius exemplar Pythagoras suam ipse finxit formam, philosophiā. Neque enim natura nudam se aperitamque a quo animo ostēdi patitur, ne a uulgo indignis manibus attrectetur. Sed enigmatum nodis, et figurarum uelamētis gaudet operiri, ut a solis tractetur sapientibus. Hinc Pythagoras quibusdam praeceptis philosophiae uelauit. hinc aegypti pro templis septuaginta adponebat. hinc Numerio philosopho et eleusina sacra interpretanda uulgauerat, somnia prodiderunt eleusinas deas pro sedas in lupanari prostare poscinummias. Eae ergo sunt fabulae altissimis plenae mysterijs, rerum secretarum contemplationem totiusque

IN POET. HORA.

naturæ cognitionem complectentes. In his se poeta
exerceat, huiusmodi socraticis agatur furoribus.
quicquid hausurus sit, hinc hauriat. quicquid fin-
xerit, hinc deducat. nec sua temere immisceat, ne ser-
pentes auihus coniungat. PICTORIBVS.
Manet in incepta metaphora & respōsiūcula. PE-
TIMVS VENIAM. non placet Acro-
nium illud, ut ueniam petamus tāquam poetæ, de-
mus tanquam critici. Quin potius innuisse puto ut
alternis uitijs ignoscamus, & eodem scuto, cum opus
est uicissim nos obtegamus. atq; ideo uicissim subiun-
xit, q̃ & ueniam demus, & quasi debitum reddi pe-
tamus. Datur autem hæc poetis uenia, si quæ fingā-
tur ita consent, ut uni formæ respondeant, & rerum
congeries præter naturam non sit. Nec agni tigribus
copulentur. Quod facit poeta, cum sublimia humili-
bus, uetera nouis, poetica uulgaribus miscet. Id uitiū
κίπτασµὸν græci uocant. INCEPTIS GRA-
VIBVS. Recte post totius operis conuenientiam,
dispositionem, ordinemq; collocat. Neq; est quod
tam faciat a proposito discedere, nec in incepto persi-
stere, q̃ non omnia cōuenientiæ præcepta mēte, cogi-
tationeq; complecti. Natura rerū nihil habet ordine
præstantius, quo sublato, omnia hæc percant necesse
est, & in ueterem cōfusionem, antiquumq; chaos re-

uoluantur. Exercitus simul ac turbari cœpit, profligatur. Statuam effingas, neq; quæq; membra suis locis disponas, prodigium facies. poema hoc ipso ordine carēs, fluitat et tumultuatur. Qui sunt ædificaturi, licet saxa, arenam, et quæ ad opus sunt necessaria cōgesserint, nisi illis collocandis, disponendisq; adhibuerint artificium, nihil præclari operis surget. Si pro uestibulo cubiculum, pro aula lararium collocarint, non hæc solum membra, sed omnē domum perturbabunt. Sic quæ poeta meditetur, quātūlibet magnas afferat cogitationes, et diuina congerat inuenta, nisi magno ordine suis quæq; locis statuerit, meditata digesserit, et in se cōmissa deuinxerit, cumulum rerū faciet atq; cōgestum. Difficile est suo omnia loco disponere, ad quod magnum affert auxilium memoria, ut quæ quisq; dicturus concipiat, ubi conueniant, uideat, nec dissona alienis locis colloceat, inceptiue oblitus, longius a fine uagetur. Licet tamen a materia digredi paulum, et in ipso itinere si nō discedere, certe deflectere, ne lector similitudinis satietate fatigetur. Qui tamen fallendus est, ne sentiat se ablucri, sed ratione ipsa deferri putet. atq; hac potissimum in re, magna sunt ingenij frena adhibenda, ne ueluti segetes fecundæ et uberes emittunt herbas frugibus inimicissimas, sic illa, quāuis magna et utilia, aliena

IN POET. HORA.

tamen gignant. INCEPTIS GRAVIBVS. Magnum poematis uitium est ubi grandis proposita sit materia excessus fecere, et egressiones importunas, per locos præsertim cōmunes. Duo autē sunt ob quæ maxime hac in re peccatur. nimium ingenium cui imperari nō possit, et iudiciū inopia, quod si flosculos quosdam abdiderint, putent ab eruditis probari. sed cū illiusmodi descriptiones absint a proposito, uituperantur. Hi sunt poetæ illi quos pingue quiddam sonare ait Cicero, quosq; inæquales uocat Seneca. Non negarim tamen donanda esse ingenijs multa. sed cōdonanda uitia sunt, non portēta. Virgilius Georgicorum libro tert. sic pestilentia describit, ut nec discedat a materia, nec uagetur diutius. Idem facit in fama, et in suis catalogis. Lucanus in prodigijs, masiliensi nemore, catalogis, magiaq; nimius est. In hoc genere sunt omnes locorū, oppidorū, temporum descriptiones, quæ si nimium luxuriarint, sunt damndæ. Sunt et argumentationes, ne poeta non quicquid potest dicat, sed quicquid decet, nec argumentis argumenta colligat, et probationes, quasi nihil satis firmū sit, probationibus firmet. Nec minus digressio sit in eloquutione, et quædam poetica euagatio, cum plus dicimus quam conueniat. Quale est Virgilianum illud.

Num

Num capti potuere capi, Et Lucani.
 Temporis angustū mansit concordia discors.
 Messala aiebat in eo carmine uirgiliano,
 Quicquid apud duræ cessatum est mœnia Troiæ,
 Hectoris, Aeneæq; manu uictoria grauium
 Exit. hic Virgiliū debuisse desinere quod sequitur.
 Et in decimum uestigia rettulit annum.

Sed hæc poetis condonantur, nec tam paruis decet
 maculis offendaris, dummodo ratio et quidam eua-
 gandi modus adhibeatur, ut sequentia prioribus an-
 nexa unum corpus efficiant. Quod non faciet poeta,
 si grandia professus in uarias egredietur descriptio-
 nes, et pollicitus ardua tempestatum aut pluuiarum
 tenui occupatione occupabitur. quem iure figulo
 comparat Horatius, qui cum amphoras cœpit, urceū
 effingat. ASSVITVR. Pro panno flosculos
 ostendit, exiguasq; descriptiones, quæ licet purpureæ
 pretiosæq; sint, non tamen principio conueniunt.
 PROFESSVS GRANDIA. Ergo
 panegyricum, balnea, syluas et eiusmodi scribētibus
 uagari licet, q̃ magna nō polliceantur. MAGNA.
 tantum magna professis. ARA DIANAÆ.
 De Diana Taurica intelligit, ad cuius aram hospites
 mactarentur, Iphigeniæ et Orestis aduentu cele-
 brata. quibus illius simulacrum in fasce lignorū ab-
 Ciij.

IN POET. HORA:

seonditum auctum est, unde Fascellinis Diana dicta.
LVCVM dixit ob Aritiam ubi illi templum adifi-
 ficatum est. **RHENVM**. neutro genere protulit,
 ꝓ flumen dixerat. Diuidebat olim Galliam a Ger-
 mania, nunc Germanorum uirtute uicinis locis occu-
 patis, mediam pene interfecat Germaniam. e rheti-
 cis alpinis ortus septentrionali oceano miscetur.
ARCVS. aut rerum naturalium naturam uult
 ostētare scire. Per aram Dianæ uult intelligere res
 sacras Horatius, quas uult poeta ostentare callere se.
PLVVIS **ARCVS**. Irim intelligit. Poetæ
 tunc Irim de cælo mitti introducunt, cum rerū præ-
 sentium status est mutandus, ꝓ Iris inditium est aeris
 permutationis a sudo aere nubium concitans globos.
CVPRESSVM. Græci Cyparissum dicūt, i quo
 nos y in u uertimus, ut in cumino ꝓ gubernatore.
AMPHORA. Græca est dictio, nec uas est
 certæ mensuræ, cum sit ingētis magnitudinis. Figuli
 rotam inuenit Anacharsis, cuius circuitu uasa for-
 mantur. inde quia apud Homerum figuli rota in-
 uenitur, aiunt uersus illos falsos esse, ꝓ subditicios.
DENIQUE. Præceptum concludit, debere cst
 poema unum ꝓ simplex, ut cæptæ materiæ corre-
 spondeat, nec mistū aut implicitū sit. **MAXIMA**
PARS **VATVM**. Nulla uiuendi uirtus est

cui non suum uitium sit proximum. In uiuendo timiditas et astutia prudentiam asimulat, seueritas iustitiam fingit, temeritas uelatur fortitudinem, paritas tegitur temperantia. Ad quas si quis affectet, nisi doctrina rerumque cognitione firmatus fuerit, hallucinabitur, cæcutiensque quicquid se primum offeret pro recto sequetur. sæpeque pro uirtutibus uitia, quæ illarum mentita speciem obuiam ueniunt, amplectetur. In loquendo duo sunt quæ obseruatur, res et uerba. Res sedem uerbis, uerba rebus dant lumen. In rebus inuentio obseruatur, in uerbis eloquutio queritur, in utrisque collocatio. Quæ inuenienda, et quomodo inuenta collocanda, satis duobus præceptis dictum est ab Horatio. Iam suas partes exigit eloquutio, minor illa quidem inuentione, sed non facilius, et poetis maiori obseruanda diligentia. Inuenire enim et disponere, quâuis possit prudens et studiosus, eloqui, tamē. i. quæ mente conceperis promere, nō nisi ingeniosissimi, ut orator et poeta. Nec tamen ita est sectanda eloquutio, ut rerum qui nerui sunt poematis neglecta diligentia toti circa inanem uerborum sonitum occupemur, et uersiculari sermone opus non exornemus, sed effæminemus. Nam ueluti forma picta, ficta, colorata offendit, sic nimis cultū poema, luxuriosum, et plus æquo magnificum stomachum mouet. Sunt ergo elo-

IN POET. HORA:

quendi uirtutes, quas figuras dicimus, tres, in quibus
 omnis oratio non uitiosa uersatur. Grauis una, me-
 diocris altera, tertia attenuata appellatur. Sed uicina
 habent uitia et propinqua, in quæ facile incauti de-
 labuntur. Grauem qui sectantur tumidi fiunt quan-
 doque et inflati. Suffultam id genus appellat. Medio-
 cris studiosi, languidi sæpe euadunt et enerues, quod
 dicunt dissolutum. Attenuatæ figuræ amatores,
 aridi exeunt et exangues, quod exile appellant. Sed
 hæc omnia dicendi præstantissimus magister stilus
 cõmendat. cui omnis artis, ingenij, prudentiæque loci,
 omnesque se offerunt sententiæ. Hic uerba omnia, quæ
 cuiusque sunt generis maxime illustria eligit, collo-
 catque, et facit ut pure et latine loquamur, deinde
 plane et dilucide, tum ut ornate, ad rerumque digni-
 tatem apte et decore. Mutatur autem is crebro, talisque
 est stilus ut plurimum, qualis est uita. In Ennio, sub
 quo nascens primum nec satis firma poetica, lacertos
 mouere cœpit. Mera est natura, et simplex dicendi
 genus, ut castissimam illius seculi uideas integritatē.
 Pacuuius paulo ornator, cultior et elaborator. nam
 de Terentio nostro tam potest iri inficias, a Lælio et
 Scipione compositas fabulas quæ negari, ingentem illis
 fuisse grauitatem. Virgilius ubertatem, copiam, iu-
 dicio, et rerum illam dominam redolet Romanæ.

Cœpit Ouidius cum seculo luxuriari, nam Tibullū
 nemo neget otio marcescere, nec furor ille neronia-
 nus latet in Lucano. Senecam affectare nimis nō sui
 seculi sapientiam tragœdiæ indicāt. Sub Domitiano
 ut recte uiuere, sic recte scribere difficillimum fuit.
 Hinc durus Statius, quem plus conari sentias q̄ as-
 sequi. Syllium scias intellexisse quid melius esset, nec
 uoluntatem quin sublimius scriberet et excelsius,
 sed ingenium ac uires defuisse. Itaq; sane licet affir-
 mare, eundem ingenio colorem esse qui animo sit.
 Pictores plerunq; et statuarij quo habitu corporis
 sint, ipsis operibus cognoscuntur. sic poeta, si animo
 fuerit sano et composito et temperato, et sicum et
 sobrium habebit ingenium. illo uitiatō hoc corrum-
 pitur. Danda est ergo opera, ut sicut animū sic stilum
 excolamus. Optimum quenq; imitemur, nullum sit
 uerbum rubiginosum, nulli sensus tarda et inerti
 structura componantur. sit quod aures demulceat,
 quod oculos delectet. Deniq; sermo talis sit, quale ho-
 minis corpus, ut nec uenæ appareant, nec ossa nume-
 rentur, sed tēperatus ac bonus sanguis impleat mem-
 bra et exurgat toris, et ipsos neruos robur tegat,
 et decor cōmendet. BREVIS ESSE LA-
 BORO. Magna uirtus, res de quibus loquimur
 clare, atq; ut cerni uideantur enuntiare, nec in omni

IN POET. HORA:

sermone quicquam tam est elaborādum, q̄ ut intelligamur, nec lectorem fatigemus. Triplex est ad hanc rem uia. Aut enim sic loquemur ut nihil addi possit, aut ut nihil detrabi. est et inter utranq; tertia, ut nec tota assurgat oratio, nec penitus deprimatur. Breuitate utemur in rebus minimis, quæ dicuntur ieiunius, nec his potest orationis ubertas adhiberi. sed quicquid dilucidū est præclare dici uidetur, quæ si quis ornare uelit, rem agat puerilem, quum tantum debeāt plane et perspicue expediri. delectat breuitas, cum altiorē præbemus intellectum q̄ ipsa per se uerba declarēt, aut plus significamus q̄ dicimus, ut illud Virgilianū Demissum lapsi per funem.

Quo equi magnitudo demonstratur. aut etiam quod non exprimimus, innuimus, ut,

Quos ego. Illa autem laudatur potissimum, quæ plura paucis complectitur. Virgilius.

Et campos ubi Troia fuit.

Cui illud contrarium est.

Venit summa dies et ineluctabile tempus,

Dardaniæ.

Et Ouidianum illud.

Iam seges est ubi Troia fuit.

Sed huius breuitatis studiosi fiunt plerunq; obscuriores, non rerum obscuritate, ut in Timeo Plato, sed de industria, ueluti Heraclitus Scotinus, Obscu-

ritatem maxime facit inusitatorum, & exoletorum
 uerborum repetitio, eorumq; ambiguitas & non ser-
 uata proprietas. Sicq; multa uitabimus q̃ humilia
 putemus uerba, & infra rerum dignitatem, eaq; cir-
 cumscribemus, ut qui sparthum erat dicturus, hibe-
 ricas ait herbas. Fit rursus obscuritas cōtextu ne tā
 lōgus sit, ut cum nequeat intētio persequi, uel uerba
 differuntur diuq; expectata uix ad clausulas redeūt,
 uel medio sermoni aliquis sensus inscribitur, ut
 Saxa uocant Itali, medysq; in fluctibus aras.

Et rursus dum equinum inscribit pullum.

Nec uanos horret strepitus.

pluribus insertis, Quinto demum uersu,

Si qua, inquit, sonum procul arma dedere,

Stare loco nescit.

Vitanda & sermonis ambiguitas, ut

Aio te Aeaciden Romanos uincere posse.

Potissimam nubem inducunt sermoni, qui inania con-
 gerunt uerba, & cōmunem loquendi consuetudinem
 perosi, spe nitoris ducti, ita miscentes iungūt sensus,
 ut exolui nequeant, quiq; asperam amant & per-
 fractam compositionē, disturbant de industria si quid
 effluxerit placidius, nec iuncturam uolunt sine sa-
 lebra, uirilemq; putant & fortē, quæ aures inæqua-
 litate percutiat. Ex his sunt illi, quos deflexa uerba,

IN POET. HORA.

tanquam exquisitiora delectant. non secus quam po-
 miliones strumosi, distortisq; corporibus, majori apud
 quosdā sunt in pretio. Sic nihil delectat ex cōmuni,
 q̄ recta nihil ex ingenio habere putent. quæ pestis
 totā occupauit Aemiliam. Nec minor cōtrahitur ob-
 scuritas in similitudinibus, si ignotæ sint et obscuræ,
 quum quod illustrāde rei gratia assumitur, clarius eo
 ipso esse debeat, quod illuminatur. qualis est Virg. illa
 Qualis ubi hibernam Lyciam Xanthiq; fluenta
 Deserit, aut Delon maternam inuisit Appollo.
 Quos Horatius reprehendit. Hi sunt qui breuitatis
 æmuli necessaria orationi uerba subtrahunt, quibus
 sententiæ amputantur, et uerba ante expectatum ca-
 dunt. satisq; putant factum, si ipsi sua intellexerint.
 q̄ nolint lectorem otiosum. hincq; putant se haberi
 doctissimos. si quæ dicent interpretanda sint. Sue-
 tonius refert Tyberium Cæsarem morositate stilū
 obscurasse solitū. Fit enim plerunq; ut iudicij nimia
 seueritate, et tristi cēsura nihil absolutum putemus,
 nisi in quo uehementissime elaboratum sit. Hinc ni-
 mia cura quæ scribas, peiora fiunt, neq; tam lima po-
 liuntur q̄ exterūtur. Apelles hac se una in re a Pro-
 togene superari fatebatur, q̄ ille manum de tabella
 sciret tollere. Callimachus καὶ οὐτε λυγρὸς dictus est,
 quod nullum diligentiae finem haberet. In Salustio
 mira

mira cōtigit in breuitate felicitas. certabat cum optimis sententys, nec illas corrumpebat, sed uincebat. qui cum parente breuitatis Thucydide breuitate cōtendit, uicitq; et in suis castris eum cecidit. Sic enim sententiam a Thucydide dictam expreſſit, ut paucioribus comprehēderet uerbis, et nihil saluo ſenſu detrabi poſſit. ea eſt, Res ſecundæ mire ſunt utrys obtentui. Titus Liuius tamen corruptam hanc ſententiam obicit Saluſtius, non Thucydidis amore, ſed ut læderet quem non timebat, putaretq; facilius poſſe a ſe Saluſtium uinci, ſi antea a Thucydide uinceretur. ſed ueluti ex breuitate timenda eſt obſcuritas, ſic cauendum ne pro periphrasi periffologiam effingamus et macrologiam, id eſt longior q̄ oportet ſermo ſuſciendus, et ſuperfluis onerata uerbis oratio uitanda. Lepide Marcus Tullius, cum quidam filium in utero matris decem menſibus fuiſſe dixiſſet, alia inquit, in penula ſolent ferre. Eſt et uitium maximum ſententias repetendo corrumpere, et dum contentus nō ſis bene ſemel dixiſſe, facere ne bene dixeris repetendo. Ouidius cum Polyxena eſſet adducta, ut ad Achillis tumulū immolaretur, Hecubā facit dicēte.

— Cinis ipſe ſepulti,

In genus hoc ſeuit.

poterat hoc contententus eſſe.

adiecit.

IN POET. HORA.

Tumulo quoq; sensimus hostem.

Nec his contentus addit.

Aeacide facunda fui.

Pulchrum erat,

si quod bene cesserat, reliquisset, neq; enim minor
uirtus est scire desinere, q̃ dicere. sed sua non igno-
rauit Ouidius uitia, sed amauit, et quo peccabat, in
alijs reprehēdebat. nā cū Varronis carmina legisset.

Desierant latrare canes, urbesq; silebant,

Omnia noctis erant placida composita quiete.

Dixit meliores fore uersus, si secundi ultima pars
abscinderetur. Nec mediocri eget cura compositio,
ut non solum turpem sonum uerba iuncta nō edant,
sed ne occasionem turpitudinis dent, quale illud.

Incipiunt agitata tumescere. et Placidumq; petiuit.

Coniugis infusus gremio per membra soporem.

Quod si orator corrumpitur uerbis maxime impro-
prijs, redundantibus comprehēfione obscura, compo-
sitione fracta, uocumq; simulum aut ambiguarum
captatione puerili, certe si proprijs utemur uerbis
recto ordine, non in longum dilata cōclusionē, nihil
deerit, nihil supererit, apertum faciemus poema et
dilucidum. DECIPIMVR SPECIE

RECTI. Cacozelon uocant, quoties ingenium
iudicio caret, et specie boni fallitur, omnium in elo-
quentia uitiorum pessimum. Zelus est ubi sententia

tēperatur, ut nec modū excedat, nec infra deijciatur. Quod si plus æquo res extollitur cacozelus, si ad infima deijcitur chamezelus dicitur. Dionysius hæc. **SECTANTEM LEVIA.** Inter graue et attenuatum dicendi genus quodam est intermedium interiectum, et quasi temperatum, nec acumine posterioris, nec flumine utens superioris. cuius propriū est uno tenore fluere, solamque afferre æqualitatem et facilitatem, omnemque orationem uerborum sententiarumque modicis ornamentis distinguere, et dicendi quodam candido genere delectare, non arctis iunctum numeris, sed solutum liberius, non atrox, non mirabile, sed castum et ueracū, non quod animos perturbet, sed placet, non tam persuadeat quā delectet, concinnisque utatur sententijs et probabilibus. Debet autē hoc in genere neruorū uel minimum, suauitatis esse plurimum, quippe cui omnia dicendi ornamenta conueniant, et quod translationes quasi stellæ illustrēt. ut cum Ennius arcem et urbem orbas dixit. Alligātur et huic quidā lepores ut insignis et florēs sit oratio. sed nisi summa assequamur, dissoluti et neruis articularis; effracti euademus. In quod uitium decidimus desidia discentium et inscitia præcipientium. Sat enim putamus bonos nos poetas esse, si molliter fluxerit carmen, si cōmode cantetur, et ad fides referatur, si

IN POET. HORA.

numerum uariarit, si non uno semper modo cæsuras
 fecerit. atq; ita dum dulces esse uolumus, prædulces
 sumus et effraeti explicatione nõ splendida, sed ope-
 rosa, et cultu nimis acquisito, uerborũ compositione
 molli, oratione magis lasciua q̃ læta Quod si digre-
 diendum sit, malim poetam birta indutum toga q̃ fu-
 catum et meretricis uestibus insignitum. Feramq;
 cõmodius rudem Ennij musam, quam cultũ carmen
 Adriani. ut Animula, uagula, blandula, hospes, co-
 mesq; corporis, quæ nũc abibis in loca? Pallidula, ri-
 gidula, nudula, nec ut soles dabis iocos. Aut tinnitus
 Gallionis, aut calamistrum Mæcenatis, Debilem fa-
 cito manu, debilem pede, coxa, tuber adstrue gi-
 berum, lubricos quate dentes, uitam dum superem
 bene est. hanc mihi uel acutam si subdas crucẽ, ferã.
 Et alibi. Quid turpius amne syluisq; ripa comanti-
 bus? uide ut alueum lyntribus arent, uersq; uado
 remittat ortos. Et illud. Sol et aurora rubent, plu-
 rima inter saxa mouit aqua fraxinos, ne exequias
 quidem unus inter miserrimos uiderẽ eas. Quis cum
 hæc legit uerba tam improbe structa, tam negligẽter
 abiecta, tam præter omnem cõsuetudinem posita, non
 illum spadonibus comitatum supinum uideat et di-
 scintum? Quo ergo pulchriora sunt, quæ sensu et
 eloquutione dissolueris, eo orationẽ magis deformem
 facies,

facies, quod luce uerborum, collocationis negligētia deprehenditur. Primus Cassius Seuerus ab illa ueteri dicendi grauitate et directa uia flexit orationē. Deferunt nerui quoties firmus sane paries et duraturus non placet, nisi ornatus, pictus et expolitus, quod sit uerborum lasciuiā, sententiarū lenitate, cōpositionis licentia. PROFESSVS GRANDIA. Magna et ornata uerborū constructio, maiestas, amplaq; grauitas sententiarum grandiloquum faciunt poema, uehemēs, uarium, copiosum, ad commouendosq; et conuertendos animos instructum atq; paratum, in quo non minor sit uis q̃ copia, crebra epitheta, propria, probata, sine quibus nuda sit oratio et incompta. Volentibus id assequi, nūquam species ab utilitate diuidēda est. Sit illius studiosus, uerbis nitidus, magnus, sublimis, figuris iucundus, translationibus magnificus, cōpositione elaboratus, tanquā eloquentiæ propola. Grandiloquos plerunq; faciunt poetas, fauor popularis, et larga principum manus. Neq; enim potest tenue pectus magna concipere, nec nō nisi magno in opere probari. Nobiles equos lōgus cursus et magna spatia cōmendant, sic poetam latus campus ostendit, per quem nisi liber feratur et solutus, frangitur et debilitatur. Illum populi plausus accēdit, huic magni honores, diuitiā, muneraq; uires

IN POET. HORA.

ministrant. Mirantur Virgilium addidisse subitarium finem carmini canentem, at ego minus miror, cui enim diuinum nō excitet spiritum Augustus auditor, et uniuersus populus romanus spectator? qui illius inclytis uersibus in theatro assurrexit uniuersus et forte præsentem spectantemq; Virgilium ueneratus est sic quasi Augustum. non enim huic semper poetæ non assurgendum. Habet uenerem submissa quādoq; oratio, præsertim si quid dicendum incidat humile, cauendum ne tam graui dicendi generi macula inuratur. Virgilius.

- Cæsa, inquit, iungebant fœdera porca.

Fecitq; elegans fictio nominis ne uile esset, quod fuisset sane si porco dixisset. Ridetur poeta ille q̄ ait Prætextam in cista mures rosere Camilli.

At illud uirgilianum admiramur.

- Exiguus mus.

Facit additum epithetum ne plus expectemus, et casus primus minus dedecet, et inusitata unius syllabæ clausula gratiā facit. Si ergo semper ardens, semper grauis, semper acer fuerit, inq; hoc uno se exercuerit, aut huic tantum generi studuerit, uix sanus poterit iudicari. Capiunt sublimitatem in poemate quæ sensu carentia actum quendam et animū sumunt, ut

- Pontem indignatus Araxes, &

- Ferrumq; armare ueneno.

Sed ueluti modico usu ac opportuno attollitur, sic frequenti, tædio completur. Fit autem ex graui suffultum et turgidum, si insaniam affectabit, et grādius aliquid quam res postulet narrabit. Esset huiusmodi uirgilianum illud.

Templa dei saxo uenerabar structa uetusto.
nisi subesset historia. Cassius Scuerus reprehendi meruit, quod semper ardens, semper esset concitatus, et crebris plenus sententijs. Quod uitabit poeta, ni pro grandi turgidus fiat. SERPIT HUMILI.
humile dicendi genus numeris pene solutum esse oportet, tenue, uagum. Sed ne licenter errare uideatur, nimium cultū horreat, sed id ipsum decet, quod nihil habeat ornati, et sua sit pulchrum simplicitate. non gemmæ, non cincinnati, non calami stri appareant, fucus omnis repellatur, sola munditia, sola remaneat elegantia, acutæ sententiæ et crebra, quæ in hoc genere, etiam ex abdito erutæ delectant. sermo purus, in transferendis uerbis uerecūdus, in priscis parcus, in usitatis frequēs, translationibus delectetur, paulo etiam liberius et quam mollissimis, cōpositio placida, lenis, submissa, non uerba iterentur, non uenustates quarantur, non similiter concludantur, nō paria paribus referantur, nulla lumina assumantur illustria,

D.ij.

IN POET. HORA.

nec ψοποπαια fiāt, aut ab inferis mortui excitētur.
 Sales facetiæq; mirum q̄ huic generi conueniant.
 Proprium autem est docere omnia, et dilucidiora fa-
 cere, nō ampliora, subtili quadam et pressa ratione.
 nihil sordidum, nihil captatū, nil contra ullum pro-
 positum, sensus honesti, nec altius dicti, nec magnifi-
 ce, sed in sententiā coacti. absint stimuli illi acres, et
 subiti ictus sententiarum, furorq; ille poeticus, non
 elatus, uiolentus, currens, sed effusus, purus, fluens,
 Connexio non excitet, non pungat, non feriat, sed
 interdū praterlabatur otiosa, et sine tædio statietur.
 nec careat hoc suauis dicēdi genere, habet enī quādoq;
 plus uiriū remissa et lenis oratio, quam ille summus
 ardor et contentio. Cum de rebus dicitur grādiōri-
 bus, ipse res uerba rapiunt, ita fit cum grauior, tum
 splendidior. Sed tenues res dicuntur iciunius, quibus
 uix orationis ubertas potest adhiberi, satisq; habent si
 dilucide dicantur et perspicue. Sed cauendū ne dum
 nisi tritum uolumus et cōmune, in sordes incidamus,
 et aridi exanguesq; euadamus, ne dum plus iusto coli
 fugimus, plus iusto ornamenta negligamus, et dum
 crura nolumus, alas uellamus. Serpūt enim humi qui
 ita rem tractant ut debent, sed aliquanto minutius.
 Qui aculeis quibusdam, interrogatiunculisq; pungūt
 angustis, quibus licet lector assentiatur, nihil tamen
 animo

animo mutatur, idem abit qui aduenerat. serpit rursus humi, qui dum uitat ne ut flumen infinite feratur oratio, eneruat compositionē, ut nulla esse uis possit, quod uitium inesse Siculis refert M. Tullius. Non sit ergo poeta hoc in genere humilis, sed placidus, nō abiectus, sed nitidus, nō depressus, sed planus. SERPIT HUMI. Qui dum uult consuetudinem imitari, et putat se ob facilitatē posse assequi, experiens decipitur, et dum plurimum ne sit sanguinis cauet, omnem suctum demit, dumq; maximas uires studet subtrahere, non aduertit integram orationis esse oportere ualitudinem. Ne putet bonus poeta uno eodemq; genere semper utendum. admiscenda sunt hæc ipsa, et omnia simul copulanda, nec in uno diu perstandum, sed tãquam in aciem omnibus instructus armis poeta exierit, nunc hoc, nunc illo, ueluti res dicende exegerint, utetur. eodemq; in opere nūc dicit summissius, nunc aget pressius, nunc totus assurget, et exultabit audacius, nec id temere uel arbitrato, Sed quemadmodum dicendorum ratio poposcerit, moderabitur. Tripartitam hanc uarietatem, locum, tempus, personas inspiciet. Quoties probandum aliquid, quoniam necessitatis est, subtile sequemur et tenue, quum delectare placet, in quo omnis inest suauitas, modicum et mediocre genus tentabimus, dice-

IN POET. HORA.

*musq; explanatius, tum etiā uberius, et ad popularē
 intelligentiam accommodatius. Si uero flectendi sunt
 animi et mouendi, uehemens illud et arduum, cuius
 proprium est uincere, aggrediemur. atq; ita humilia
 dicemus subtiliter, temperata mediocriter, grauiter
 magna. Deniq; si quid de uita, de moribus, de omni
 cōsuetudine scripserimus, tenue erit, iucūdum, et ad
 delectationem accommodatum. Si quando animi per-
 turbantur, uehementēs incensumq; fuerit et concitatū,
 eadem utetur in stilo ratione. modo maturus erit et
 grauis, modo huic cōtrarius, ardēs, erectus, insensus.
 Cumq; proprius suus sit cuiq; stilus, et hic fluat et
 redundet, ille breuiter et circuncise dicat, hic siccus
 et sobrius quandam amet dicendi frugalitatem, ille
 pinguis florida lasciuiat oratione, bonus poeta nulli
 addicet se, nec quo illum fortuna tulerit tāquam ho-
 spes deferetur, sed permiscebit omnes stilos, et om-
 nia, et ex omnibus suam sibi eloquentiam conflabit.
 Virgilius, non iam hominis, sed poetica nomen, non
 eadem omnibus in locis, etiam in Aenea utitur con-
 tentione. Mutatur crebro, nōnunquā etiam ad quo-
 tidianum genus sermonis accedit, nec semper eundem
 perpetuumq; dicendi spiritum sine ulla cōmutatione
 obtinet. modo argutys agit et acumine, modo totus
 assurgit, modo a grauisimo discedens ad medium*

delabitur, modo arctatur, ut magis cōtra iram possit,
 nunc inundat copiosissimus ut nihil sit addendum,
 nunc siccus est et sobrius, nunc cultus et floridus,
 nunc hæc omnia permiscet, et facit unum quoddam
 ex omni uniuersitate pulcherrimū temperamētum.
 Hunc ergo imitemur, hunc sequamur, ab hoc ne latū
 quidem unguem digrediamur, si poeticam assequi
 desideramus. **QVI VARIARE CVPIT.**
 Nihil poterat post tria dicendi genera oportunius
 collocari quam ipsa uarietas, quum figurā in dicendo
 cōmutare oporteat, ut facile satietas uarietate uite-
 tur. atq; ideo uerborum sententiarumq; flores spar-
 gentur, non æqualiter, sed distincte, tāquam insignia
 quædam et lumina. Picturā nulla æque res cōmen-
 dat atq; uarietas. Musica reclamet si unam serues
 æqualitatē, nec flexiones admittas. Ipsa terra hic lata
 segetibus est et pratis, ibi syluis et rupibus hispida,
 hic siccæ arenis, hic irrigua fontibus, pars uasto ape-
 ritur mari. Nihil deniq; aut animo, aut corpori pla-
 cebit si uarietatem substuleris, quod maximis uolu-
 ptatibus semper fastidiū sit finitimum, et similitudo
 mater, sit satietatis. Poema sine intermissione, sine
 reprehensione, sine uarietate, licet clarum sit, licet
 pictum coloribus, nō tamen erit in delectatione diu-
 turnū. Homæologia sit quoties nulla uarietatis gra-

IN POET. HOR. A.

tia tædium leuatur, quæ non animo solum, sed etiam
 auribus est ingratisima. Itaq; bonus poeta nō in ea-
 dem semper hærebit sentētia, sæpe declinabit a pro-
 posito, sæpe se ipsum reuocabit, sæpe eadem multis
 modis uersabit, et quæ dixit, repetet, sæpe argumē-
 ta rationibus cōcludet, interrogādo urgebit, et rur-
 sus ipse sibi ad interrogata respondebit. nunc hominū
 mores describet, nunc muta quædam inducet loquē-
 tia, nunc similitudines comparabit. utetur exemplis,
 occupabit quæ opponi posse uideat, breuitatē seque-
 tur, modo rem diffuse subiiciet oculis, modo supra
 feretur quam fieri possit. nūquam deniq; in uno eo-
 demq; scribēdi stilo consistet. Verumtamen hæc nisi
 collocata, nisi structa, nisi nexa recte fuerint, syluis
 delphinum appingemus. nam quid poterit esse tam
 monstro simile, quam unā rem uariare indecore, nec
 personarū respicere conuenientiam, et lenem se pre-
 bere, ubi ui agēdum sit, asperum esse, ubi lenitas de-
 sideretur, nec scire dicendi genera et figuras apte,
 cōmode, suisq; locis collocare? An non etiam flucti-
 bus aprum collocabimus, si ad id quod nō proposue-
 ramus, alicuius placentis uerbi decore rapimur? si
 non ornamenta quæremus sed lenocinia? si non sat
 erit bene et præclare dixisse, etiam belle et festiue
 uolemus? si rebus nomina modum excedentia aut nō

accedentia imposuerimus: si nihil propriū placebit,
 et in transferēdis nimīū delectabimur splendoremq;
 conabimur accersere, et uerbis utemur aliud signi-
 ficantibus, et similitudinem non seruātibus. *Varia-*
bimus etiam prodigialiter, cum uno nimis uerbo ute-
mur, et in eius significatione iocabimur, ut in satyris
Q. Ennii. Nam qui lepide postulat alterū frustrari
 quem frustratur frustra, eum dicit frustra esse. Nam
 qui sese frustrari quem frustra sentit qui frustra-
 tur, is frustra est, si non ille est frustra. Nec minus
 agit prodigialiter, qui in aliam quam inceperit ma-
 teriam exijt. Pacuuius reprehenditur q̄ cum Zetum
 et Amphionem fratres de musica introduxisset di-
 sputantes, omnis disputatio in sapientiæ rationem, et
 uirtutis utilitatem consumitur. Virgilius male au-
 diuit, id est reprehensus et accusatus est, q̄ compara-
 tionem illā de Diana ad Didonē uariarit indecēter,
Qualis in Eurotæ ripis, et cætera. Quid enim
 simile, inquit Didoni, serio incessu incedenti inter
 tyrios principes operi instanti regnisq; futuris, cum
 Dianæ uenatibus ac lusibus et pharetra? sed licuit
 illi euagari, uariareq; similitudinē. Eidem uitio dant
 q̄ in Aetnæ descriptione uariarit indecenter tertio,
Portus ab accessu, et c. Voluissent nimium re-
 prehendi cupidī homines, illum aut rei causas ex-

IN POET. HORA.

quirere, ut Claudianus, aut spumantis materię flu-
mina ostēdere, ut Pindarus, sed artificiosus poeta, ut
ostēdat rei miraculum a portu aduersus Aetnam, ea
narrat, quę pcul potuere nauigātes deterrere. nam q̃
- Ad cętera, nubem

Turbine fumantem piceo, q̃ candente fauilla,
reprehendunt, q̃ non fumare soleant, quę sunt can-
dentia, puerile est. neq; enim fumantem dixit can-
dente fauilla, sed nubem candentē fauilla. Oblitusq;
est noster Gellius hanc loquutionem libro quinto no-
tasse pro Virgilio, contra Iulium Iginum.

Ipse quirinali lituo - etc. Nemo ergo poe-
tarum tam doctē hac usus est uarietate q̃ Virgilius,
pręsertim in catalogo, ubi potissimum discedit ab
Homero, nec ordinem urbium, populorumq; seruat,
nec eādem semper repetit figuram, sed uariat, quod
castę aures latinę crebram horreant repetitionem.
atq; illa in eo maxime delectat uarietas, quod nec sin-
gulos inducit duces pugnantes, quodq; plures inter
pugnandum nominet, qui prius non sint dicti, quod
nec duces manum conserant semper, nec in catalogo
nisi primi describantur. VARIARE. uarietas
inquit M. Tullius latinum uerbum cum sit, proprie
in disparibus dicitur coloribus, trāfferturq; in multa
disparia. Qui, inquit, uarium studet poema efficere,

atq; ut similitudinem uitet, plus iusto uacat eloquentiæ, ut quæ admirationem excitet, & noua inserit & miranda, nisi artem norit, in proximū uitium cadet, mediq; terminos excedet, & suæ illæ in poemate uarietates tam erūt prodigiosæ, quam si pictor in syluis delphinū pingeret, aut aprū in fluctibus. VNAM, Recte unam, neq; enim prodigium erit plures simul materias cōmittere unam eandem rem, sed eandem nimis discutere, nimis exornare, frustulatiq; rimari, id est quod uitio datur. Prouerbiū huiusmodi erat apud græcos, Delphinus in sicco, quod statim moriatur. Videtur autem Horatius suo se tælo iugulare, qui in odis scripserit.

Piscium in summa genus hæsit ulmo,

Nota quæ sedes fuerat columbis,

Et supertecto pauidæ natarunt,

Aequore damæ. quin & Ouidius.

- Et summa, inquit, piscem deprendit in ulmo, nec diu post.

Et modo qua graciles gramen carpere capellæ,

Nunc ibi deformes ponunt sua corpora phocæ.

Sed datur uenia, quod inundationem describant, quam fas est per amplificationem exaggerare. IN

VITIVM DVCIT, ob uirtutum uitiorumq; uiciniam, quæ maledicus pro libero, temerarius

IN POET. HORA.

pro forti, effusus pro copioso accipitur. CVLPÆ
 FVGA. Timendum est, ne dum alterū fugias ui-
 tium, in alterū cadas. In epistolis hāc repetit sententiā.
 Dum uitant stulti uitia, in contraria currunt.
 SI CARET ARTE. qui imperiti sunt, nec
 ullam nouere artē, licet magno sint ingenio, q̃ igno-
 rent quæ subiungenda sint magnis inceptis, quæ ful-
 cienda, quæ relinquenda, quæ uarianda, dissolutum
 poema faciunt, & ex diuersis cōgestum, ut coherere
 non possit, simile puerorum cōmentarijs, in quos ma-
 gnas sententias, & res bonas, nullo tamen ordine re-
 feruntur. Vnde fit ut indocti maiorem habere copiā
 uideantur, q̃ dicunt omnia. Doctis electio placet &
 modus. Debēt ergo in poeta spectari natura, doctri-
 na, usus. natura ingenio, doctrina sciētia, usus fructu
 continentur. AEMILIVM CIRCA LV-
 DVM. Bene ageretur cum poetica si quamlibet
 eius partem assequuti, in nostram tota ueniret pote-
 statem. Verumtamen quædam est totius forma, par-
 tiumq; cōnexio, ut si quid ulli membro defuerit, fru-
 stra sit in cæteris laboratum. Erunt enim multi, quos
 non deseret inuentio, non corrumpet collocatio, non
 stilus decipiet, non fallet uariatio, sed cum in unum
 omnia corpus redigentur, illa uenus decorq; poeticus
 destituet, nec omnia ubiq; paria sibi eademq; erunt.
 Bonus

Bonus poeta uno ibit gradu, una uia gradietur, sic collocabit singula, ut proximis respondeāt, nec stilus cum materia discrepet, aut uariatio cum inuentione discordet, aut dispositio cum conclusione dissentiat. Quin et in re etiam tenui sæpe occupantur poetæ, nec tam contextu quam flosculis ornamentisq; detinentur, maioremq; uni ornandæ parti operam q̃ cæteris impendunt. unde quicquid est, inæquale est, nec totum laudatur opus, si quædam emineant notabilia. non celebratur sylua in qua una arbor magna sit et spectata, nisi in eandem tota surgat magnitudinem. tota inspicienda res est, tractanda tota. poema non uno sit mēbro admirabile, sed omni corpore, nec solo laudetur membro, sed singulis. quin nec totum laudetur, si uni parti sua defuerit pulchritudo. nec recusato quo minus singula membra ornentur omnia. nō dicetur formosus adolescens, cuius oculi laudentur, aut os, aut manus, sed ille cuius uniuersa facies partibus singulis abstulit admirationē. Poetæ ergo nihil deesse oportet, nihil superesse. sciat æque desinere, ac dicere. nec quicquid erit patietur frigesce. semper crescat oratio, nouasq; uires eundo acquirat, cui cum ad summā perduxeris, quicquid adicias detrhere uidearis, ut facile deficiat q̃ descēdat. Potissima laus in summa subducenda consistit, quam nisi quis

IN POET. HORA.

recte oportuneq; putauerit, omnis ratio cōfundetur. Aemiliorum familiae patritiae et uetustae initium dedit Mamercus Numae filius uulgo creditus, sic dictus, et eodem fuerit nomine filius Pythagorae. Is cum mira esset sermonis lepiditate, ob id ipsum Aemilius est appellatus. nec diu Mamerci nomen in usu fuit post illum ter dictatorem, et anno ac semis cōforem. Trifariam inuenio diuisam familiam, ut alij Pauli, alij Scauri, alij Lepidi nominentur. Pauli celebratur ara in bello in Pyrrhum, ubi Valerius Torquatus absorptus, dedicata. unde postea oracula reddebatur. sed uigore fideq; in rempub. nescio an quisquā illum uicerit, qui ad Cannas sponte perijt. cuius filia Africani uxor fuit. filius autem patri non dissimilis celebratissimum illum e Macedonia uicto Perse triumphum duxit, quo tempore Domitij Aenobarbi sunt dicti. huius filij duo in adoptionem dati, alter Maximis, alter Scipionibus, duo uiuente adhuc patre mortui. in quo haec Paulorum defecit familia. licet quendam Propertius Paulum celebret. Scaurus dispar fortuna, quippe qui supra tres aetates iacuerint obscuri, usq; ad Marcum illum senatus principem, cuius pater carbonariam fertur artē exercuisse. hic ille est qui Varum accusatorem tam lepide luserit, ex cuius munificentia athletarum certamen tractum Romae,

qui de uita sua libros tris scripsit, Dolabellam accusauit, Metellam pontificis maximi filiam duxit uxorem, domumq; habuit magnificam in ea parte palatii, qua ad uiam sacram descenditur, cuius columnæ positæ postea sunt in theatro Marcelli, cuius filius, Sullæ priuignus scænam dedit temporariam, qui Tertiam Mutiam a Pompeio impudicitiae crimine repudiatâ uxorem duxit, accusatus, a Marco Tullio defensus est. hunc puto illum esse, quem in Syria præfectum dimissum ferunt a Pompeio, cuius sororem Antistia repudiata idem duxerat Põpeius. Fuere Scauri usq; ad Claudij imperatoris tēpora, inter quos declamator ille in pretio est, cuius orationes senatus consulto combustæ sunt. Ferturq; alius ad fasces prouectus, qui ancillarum suarum menstrua uorabat. Tandem ea familia in Scauro, qui etiâ Mamercus est dictus, maiestatis accusato extincta est. Nam Terentium Scaurum, qui Casellij errores notauit, nō puto ex his esse. At Lepidi nō tam antea utiles, quam postea perniciosi populo romano fuere. Laudandus, qui puer bello celtiberico ciuem seruauit, cuius statua in capitolio senatus consulto posita est, quiq; censor, et pontifex maximus, cum L. Flacco reipublicæ causa in gratiâ redijt. nec minus Porcina orator, et qui uiam a Placentia Ariminum perduxit, quiq; princeps se-

IN POET. HORA.

natus quinquies fuit. Execrandi uero, quem Pom-
peius Italia eiecit, & ante omnes,

Qui gessit socijs impia bella tribus,
Qui libertatem mutinensi Marte receptam,
Obruit auxilijs urbe gemente nouis.

Post quem secunda progenies auo similis, meritis pen-
dere pœnas sunt coacti. **LVDVM**. licet plerunq;
absolute litterarium intelligamus, attamen hoc loco
pro gladiatorio accipimus, ubi se exercent gladia-
tores, ut matutinus, ut gallicus, magnus. Indicat autē
eius statuarij tabernam, qui ungues exprimeret recte
& capillos. **IMVS**. id est in ima parte habitans,
ut ab summo ad imum. i. statim ultimus post ludum
æmilium. **EXPRIMET**. exprimere sciet.
VNGVES. non tam poetica ꝑ cætera corpora
ex ijs ipsis speciem accipere debent, ex quibus uires.
Si quis eadem corpora muliebriter comat, fœdissima
sunt ipso ferme labore, nec ornat corpus, sed mens
detegitur. Translucida illa & uersicolor quorūdam
eloquutio res ipsas effœminat, quæ illo uerborū am-
bitu uestiantur. Poema si toto corpore ualeat, ungues
polire, & capillos reponere non putemus ad nostram
curam pertinere. **MOLLES**. i. mobiles animatos
& uiuos, unde est illud uirgilianum.
Excudent alij spirantia mollius æra.

Imitabitur.

IMITABITVR. id est excudet. **SVMMA.** Quod nos breuiarium dicimus, olim, cum latine loqueremur summariū uocabatur. **TOTVM.** id est summam nesciet finire, uenustatem et decus poemati addere. Est enim quædam uenus quæ explicari nequit, sed ex diutino usu tanquam ex igne statim proficiente succensum lumen solet in animum irrepere. **PONERE,** coniungere, totam machinam finire. **HVNC,** talem huiusmodi poetam et fictorem, qui in summa peccabit. **CVREM.** uelim. **PRAVO,** turpi, **NASVM,** in quo plurimum est decoris. **NIGRIS,** pulchris, in odis ait.

Nigris oculis, nigroq; Crine decorum. et hi nigri sint decentissimi, mirumq; adiciant formæ augmentū. Coma ut nitida esset et discriminata maxime dabant operā lacedæmonij pueri, et Licurgi dictum illud esset, coma pulchros uenustiores fieri, deformes autem ferociores. **SVMITE MATERIAM,** non possunt uitia quæ ab Horatio fugienda notantur tam facile ulla uia uitari, quam se ipsum metiendo, suum ingenium, suas uires pensculando. cum enim se ipsum quis perspexerit, totumq; tētarit, intelligit quæ apta, quæ idonea habeat instrumēta ad id quod affectet, assequēdū, nec aggrediatur quibus se imparem esse cognoscet, sed quam quisq; nouit

IN POET. HORAT.

artem, in ea se exerceat. Inde exclamat ille.

Qua pote quisq; in ea conterat arte diem.
Virgilius nō dum deo plenus regum albanorum res
gestas exorsus omisit. Propertius & Horatius quo-
minus Augustum celebrarint heroici carminis ma-
iestate & sublimitate sunt deterriti.

- Dum pudor

Imbellisq; lyra musa potens uetat,
Laudes egregij Cæsaris & tuas
Culpa deterere ingeni.

Nibil ergo

turpius q̃ malignum p̃dus quod ferre nequeas ca-
puti cōmittere, quo mox cogaris poplitem flectere, &
ab incepto abstinere. Versandum animo, an possis co-
gitata exequi, & ad metam perducere. sed tamen ita
uersandum, ne dum benedicere desseramus, cupidi-
tate & labore cōsumamur. ad perfectum enim flu-
dio, non indignatione opus est. notumq; est illud Iulij
Flori. Stultum esse, uelle melius dicere q̃ possis.
Curandum ut q̃ optime dicamus, dicendum tamen
pro facultate, nec putandum sola illa bona esse quæ
latent, & quæ inuenire nequeamus. VERSATE.
Tractum a baulis, qui ueluturas onerū corpore suo
facilitant, quod genus græci βαρὺ ζῶντας uocant.
CVI LECTA. præmium subducit bene uersan-
tibus eorū materiam, CVI. cum ad sumendam pro

uiribus materiam inuitasset, opportune fructū ostē-
dit. **POTENTER**, quantū quis potest, nouum
aduerbium recte formatum. **FACVNDIA**, id
est qui non, ut uellet, sed ut potest materiam elegerit,
is nec ubertatem uerborum ditemq; dicendi copiam
desiderabit, nec dispositione confundetur. **ORDI-
NIS HAEC VIRTVS**, licet sint quam-
uis formosa quæ inueneris, nisi diligentia collocetur
omnis uenus, omnis suauitas desideratur. Nihil est
bonis ingenijs feracius, quæ ueluti fœcundæ segetes
non solum fruges, sed etiam herbas effundunt fru-
gibus inimicissimas, quas ordo euellet. Poeta impera-
torem imitabitur, suo quæq; loco ubi plurimū pro-
ficere et ualere possint, tanquam equites, pedites, le-
uemq; armaturam in maximis, opportunisq; partibus
collocabit, et ueluti ille in pugnando, sic in dicendo
hic facile uictoriam cōsequetur. Tanti autem est or-
do, ut uel deformia poemati inferere, non dedecet,
non ut emineant seu necessaria sint, sed ut suos locos
tenendo meliorē locū concedant melioribus, ut quæ-
dam in corporibus mēbra uidemus inesse. Schemata
et metaplasmos ita amant poetæ, ut manifesta etiam
uitia sequantur, quæ si detrahas, carmini suauissima
demas condimenta, sin unum in locum congerantur,
totū ut acre, putidum, rancidum fastidibimus. Ordo

E.ij.

IN POET. HORA:

igitur ea gubernans & moderās, nec apud se nimia,
 nec ubilibet aliena esse patietur. Summissa quādam
 impolitisq; simillima inter ipsos altos ac uenustos lo-
 cos sese interponens illustrat oratio. quā si sola sit
 projicitur tanquam uilis, si autem desit, illa pulchra
 non prominent, non in suis quasi regionibus, posses-
 sionibusq; dominātur, sibiq; ipsa propria luce obslāt,
 totumq; cōfundunt. AVT EGO FALLOR.
 ueluti corrigentis, id est, aut ego poeticam non noui.
 VT IAM NVNC DIC. ordo duplex est,
 naturalis primum, quo ita res exponēda ut gesta est.
 Alter artificialis dicitur, quo a medijs rebus incipi-
 mus. Ille historicis, hic cōuenit poetis. Hoc fecit Vir-
 gilius, qui a nauigatione incepit Aeneā, nō a Troiā
 excidio. Si enim primum excidium narrasset, non
 posset quā uoluit de Didone effingere. Hoc comici
 faciunt & tragici. Lucanus q; a principio belli ciui-
 lis ordiatur, a multis excluditur Helicone. IAM
 NVNC DICAT. id est modo utatur ordine
 naturali. PLERAQVE DIFFERAT.
 id est modo utatur ordine artificiali. PRAESENS
 IN TEMPVS. multa occurrunt quā si diffe-
 ras sint profutura, praesentia nihil efficiant boni, ut
 Virgilius in libro tertio.

• Classēq; sub ipsa,

Antandro,

Antandro, et Phrygiæ molimur montibus Idæ.
 Quo in loco omittit, ut lepidius referat in nono.
 PRAESENS IN TEMPVS. id est
 nunc differat. AVTOR poeta. HOC A-
 MET. id est quod est par suis viribus. HOC
 SPERNAT. quod non potest bene reddere di-
 lucidum. IN VERBIS ETIAM TE-
 NVIS. totius poeticæ fundamentum eloquutio
 emendata et latina, quam scire nō tam est præclarū,
 q̃ turpe nescire. Cæciliū et Pacuuiū male lo-
 quutos accusat uetustas, atq; eo acrius, q̃ in illa ætate
 ut innocentie, sic latine loquendi summa laus fuit,
 nemoq; Romæ uiuebat aliqua domestica barbarie nō
 infuscatus, qui nō recte loqueretur. Crescēte deinde
 imperio, cum ex diuersis locis inquinatæ loquentes
 confluxissent, paulatim uulgo cæpit romanus sermo
 corrumpi, ita ut candor ille latinæ linguæ Liuius ab
 Asinio Pollione patauinitatis accusetur. Eadem ratio
 et Athenis accidit, tantiq; fuit atticæ loqui, ut Theo-
 phrastus qui optime omnium loqueretur, ab attica
 anicula cum quanti aliquid uenderet percontaretur,
 hospes sit appellatus, quod fertur tulisse molestissime
 q̃ non hospitis effugerit speciem, cum ætatem ageret
 Athenis. quin et Demosthenes male fertur ab Ae-
 schyne audisse, q̃ nō uerba, sed portenta loqueretur,
 E. iij.

IN POET. HORA.

ob eamq; rem ut putidus exagitaretur. quo magis expurgandus est sermo, et diligens ratio adhibenda, et unumquodq; uerbum mittendum sub trutina, qualeq; sit inspiciendum. uerba enim quibus latinus sermo utitur, aut nostra sunt, aut peregrina, aut simplicia, aut composita, aut propria, aut translata, aut inusitata, aut ficta. Nostris utendum crebrius, quæ in latio sint nata, et cum urbe Roma educata. Peregrina non sectanda nec quærenda, ne curiose magis quam latine loqui uideamur. sunt autem peregrina ex omnibus fere gentibus, Prænestinis, Sabinis, Oscis, Tuscis, Atellanis, et omni fere Italia. quin et Gallis, Afris, Sardis, Hispanis, sed Græcis potissimum, unde nostra maiori ex parte deducta. qua ex re tanta romanæ linguæ mutatio facta est, ut primū fœdus inter Romanos et Carthagenenses iustum L. Iunio Bruto, M. Valerio consulibus, statim post eiectum urbe regium dominatum, ne antiquitatis quidem peritissimos pleraq; nisi difficulter intelligere potuisse, asserat Polybius. Quare illi uidentur errare qui eandem romanam latinamq; linguā putant, cum omnino latina illa sit uetusta, romana uero hæc noua ex multis compacta. Componuntur autem apud nos uerba, aut ex nostris tam integris quam corruptis duobus, aut ex nostro et peregrino, aut ex duobus peregrinis,

quinetiam ex nostris tribus, ut *Capsis*, id est *cape* si
 uis, *Lupercalia*, quæ a luendo per caprū componūtur
 nam a *luo* et præpositione *per*, et caprum *lupercalia*
 componūtur, *Solitaurlia*, quæ sue, oue, et tauro fie-
 bant. *Propria*, sunt certa rerum uocabula, pene cum
 ipsis rebus nata, quæ si abiecta, obsoletaq, sint, uitāda
 sunt, lectis et illustribus utendum. proprijs dignitatē
 dat antiquitas, sit enim sanctior et admirabilior ora-
 tio, si quædam non quibuscumque in usu inserueris. sed
 ab his abstinendum, quæ ab omni usu sint remota, et
 ex pontificum cōmentarijs, uetustissimisq; fœderibus
 cōtracta, unde famam eruditionis quidam affectant,
 ut quædam quasi soli scire uideantur. *Propriorum*
 uirtus est scire artium, studiorum, nauticæ, rei mili-
 taris rusticæq; et cæterarū proprietatē scire et con-
 suetudines. ne dictum cōsulem dicas, dictatorem re-
 nuntiatum aut designatū, legem factam, senatus cō-
 sultum promulgatum, aut latū. fugienda tamen ali-
 quando proprietates, ueluti in obscœnis, sordidis, et
 infra dignitatē humilibus. *Translata* necessitas in-
 uenit, et ut in uestitu accidit, delectatio celebrauit.
 Delectat autem maxime, quod ingenij specimen sit trā-
 silire ante pedes posita, et longe repetita sumere, fa-
 cereq; ut qui audit alio deducatur cogitatione, nec ta-
 men aberret. *Transferuntur* animi et referuntur.

IN POET. HORA.

mouenturq; sed obseruandum ut cōueniant, similia
 sint, et clariorem rem faciant. siquādo licentiosiora
 fuerint, aliquo uerecundo adminiculo fulcienda, ne
 omnino abrupta uideantur. fictis, nouisq; abstinentū,
 q̃ et agere cum decore formentur, et homines fere,
 quæ non recognoscunt aspernantur. Nouantur, aut si
 græca transferantur, aut latina coniungantur deri-
 uenturue, ut perpeſionē dixit Cicero, et Cato au-
 tumnitatem. quando tamen nouantur, uidendum an
 usquam in latina sint lingua, quæ sane ditior est q̃
 putent qui in illius adytum non penetrarunt. Omnis
 uerborum laus non rationis, sed consuetudinis, quam
 sequi debemus, et in ea exerceri. Caius Cæsar in li-
 bro de ratione latine loquēdi ad M. Tullium Cice-
 ronem ait, ac si ut cogitata præclare eloqui possent,
 nonnulli studio et usu elaborauerunt, cuius te pene
 principem copię et inuentorem, bene de nomine ac
 dignitate populi romani meritum esse existimamus,
 hunc facilem et quotidianum nouisse sermonē, nunc
 pro relicto est habendum. EGREGIE, docte,
 translate, cōmode. IN VERBIS ETIAM
 TEN. tenuē pro subtili posuit et molli nō aspero.
 SERENDIS, id est componēdis. Collocationes
 enim uerborum sunt, cōpositio, cōcinnitas, numerus.
 TEN VIS, in proprijs. CAVTVS, in trans-

latis, bona uerba sunt splendida, antiqua, propria, trās-
lata, mala uero uulgaria, obsoleta, aliena, gētilia, ob-
scura. EGREGIE. debent ergo uerba esse usi-
tata et eximia, quæq; in ueteribus scriptis sint fre-
quentata. NOVVM. ad id quod diximus allusit.
Nouantur etiam uerba si ex notis coniungantur, ut
aurisodina, nouū ut adpromitto. INCVTRA.
compositio. Laberius nimis licentiosus hac in re est
habitus, qui Medicimonium dixit, adulteritatem, et
depudicare, et manuari. i. furari, inuolare, multaq;
alia huiusmodi. SI FORTE NECESSE.
Si in qualibet arte nō ingenua solum et liberali, sed
et sellularia, licet ijs qui in eis uersantur, earū rerū
quæ nouæ sunt uocabula cōstituere, quo magis liceat
poetæ, cui de medio foro uerba arripere, et sordida
sint, plerunq; ne splendentia quidem, non licet. Sex-
cētæ res sunt, præsertim in philosophia, quæ nomina
desiderent, nec habent, quæ cum habeāt, fastidio no-
stro perdiderūt, id autem est indignius, et in ægestate
fastidium non conuenit. Nouanda sunt igitur uerba,
sed si careamus, ne si asilum habemus, tu æstro in-
culces. atq; ideo forte addidit. INDITIIS, in-
ditiis animorum sunt uerba. ABDITA RE-
RV M. aut de occultis rebus. i. naturalibus intelli-
git, aut de ijs quæ inueniūtur in dies, et in hūc diem

IN POET. HORA.

latuerunt, ut nihil sit quo prohibeamur bombardam
dicere, campanam, & stapedem. nam barones, episco-
pus, paræcia apud Ciceronem leguntur. Vir nostro
tēpore utraq; lingua doctus Gaza, Quiparis & Vi-
uiparis optime usus est. Næuius in his formandis ni-
mia est usus luxuria, quippe apud quem pudicolor di-
catur Aurora, nocticolor Memnon, & silentia loca,
mucida. i. ignauæ, dulcioriloquus & uituperones
legantur. **CALLIDA IVNCTVRA.** docta
compositio & docte sapienterq; coniuncta. **CIN-
CTVTIS CETHEGIS.** licet eloquentiâ
in Bruto, Valerio, Appio, Fabritio, primisq; illis
romanæ reipub. fundatoribus fuisse negari non
possit, de quo tamen extet memoriæq; sit proditum
eloquentem extitisse, primus est M. Cornelius Ce-
thegus, quem his celebrat carminibus Ennius.
Additur orator Cornelius suaui loquente
Ore Cethegus Veturio collega Philoni.
Is dictus ollis auris popularibus olim,
Qui tum uiuebant homines atq; æuum agitabant.
Flos delibatus populis, & suada medulla.
Huic si tanta fuit eloquentia quantam in eo præ-
dicat Ennius, cum infans esset latina res, multa no-
uare fuit necesse, ut quasi autor esset conditorq; uer-
borum. Ob hoc Horatius noua uerba Cethegis ait

nō exaudita, atq; ideo subiunxit. CINCTVTI S.
 ꝑ is mos fuerat Cethegis, ut seminudi in bellū pro-
 ficiscerentur. unde Lucanus.

Exertiq; manus uestana Cethegi. ꝑ alibi.

Nudiq; Cethegi. Syllius octauo libro.

Ipse humero exertus gentili more parentum,
 Difficili gaudebat equo. ꝑ Nam ꝑ Ouidius
 cinctutos dixit luperco. Primis illis Romæ tempo-
 ribus, tunicæ in usu nō erant. statuæ Romuli in ca-
 pitoiio, ꝑ Camilli in rostris togatæ sine tunicis ui-
 sebantur. quo habitu delectatum ferūt Catonem, ut
 capistro sub toga cinctus in forū prodiret. quod uo-
 lens innuere Horatius cinctutos dixit Cethegos, ni
 malis cinctutos pro expeditis accipi, nec discinctis, id
 est ad pugnam paratis, unde præcincti strenui dice-
 bantur, unde *ἐνζυγος* strenuus græce appellatur.
 utcunq; dum cinctutos dixit, id uoluit intelligere, nō
 illis audita, quibus licebat undecunq; noua uerba ef-
 fingere. Cethegi dicti sunt Corneli, quod nomen in
 multis romanis familijs ascitum est. Corneli enim
 appellati Scipiones, Lentuli, Sullæ, Cinna, Labeo-
 nes, quod etiam sumpsere sibi Celsus ꝑ Tacitus,
 Ruffini, Nepotes, Cossi, Asina. PVDENTER.
 nō scurriliter. Theophrastum refert Cicero dixisse
 metaphorā uerborū debere esse pudendā. PARCE

IN POET. HORA:

DETORTA GRAECO. quoties interpretamur, si uno uerbo græcum uerbum exprimere non possumus, idem pluribus uerbis tentabimus, uel græco utemur, si latinum non occurrerit, ut in ephippijs. quæ parce sunt detorquēda, ut propola, qui ille est, qui uenum res exponit. ut Plautus in Aulularia, Gelasius. Schænobatem sunt qui nolit. Diuus etiam Hieronymus imparce synoridem dixit pro iugo. QUID AUTEM. argumentatio sumpta ex M. Tully tertio de finibus, apud quem ipse Cicero Catonem alloquitur. Si enim Zenoni licuit, cum rem aliquam inuenisset, inusitatum, inauditumq; ei nomen imponere, cur non liceat Catoni? CAECILIO. hic ille est Statius, qui a M. Tullio malus latinitatis autor perhibetur, cui Volcatius Sedigitus palmam statuit de comico. seruus is fuit, nam Statius seruale nomen erat. postea uersum est in cognomentū, appellatusq; est Cæcilius Statius. Cæcily Romæ dicti sunt Metelli orti a Cæculo Prænestis conditore, uel a Cæcade troiano Aeneæ comite. PLAVTOQUE. Plautus latinæ linguæ genus M. Accius dictus est, et a pedum planicie plotus, mox Plautus dictus. M. Catonis ætate Romæ floruit. P. Clodio. L. Porcio consulibus, Catone cēfore mortuus est, centum XX annis ante consulem Ciceronem,

acronem. VIRGILIO. Virgilius acerrimi uir
iudicij quāuis uerborū nouationibus non delectetur,
sic tamen antiquis usus est, ut tanquā usitata eluccāt.
Ollis dixit, quia nam, pone, pollucet, cernere ferro,
cæteraq; iussu pro iussu. Idemq; dum nihil posset
fingere, quod non insigniter asperum, durum, absur-
dumq; esset, maluit græcis uti, ut spelæa ferarum,
trietrica, thyas, et orphi, inousq; Palemon. quod de
præceptore suo Parthenio sumpsit. Lychnū maluit q̃
lucernā, quin et peregrina amauit. Vros enī dixit et
- Camuris hirtæ sub cornibus aures. id est
in se redeuntibus. VARIOQUE. Varius poeta
Virgilij Horatijq; amicus Thyestem tragædiā edi-
dit, in qua summopere laudatus est, ut in Medea O-
uidius. sed nō defuerunt qui de laudum cumulo de-
merent, q̃ Virgilij scripto eam edidisset pro suo.
Fuere tamen eodem tempore, et Varius poeta, et
Varus dux, licet et hic e poetica nō expūctus. Vari
Alfeni dicti sunt et Actij. INVIDEOR. non
nouum protulit, sed ante a Plauto usurpatum, qui
in Truculento ait. Qui inuidet, egent, illi quibus
inuidetur rem habent, ni uelis impersonale dictum,
antea inuideor nusquam. Mire tamen cum de noua-
tione loqueretur uerborum, uerbum aut nouauit, aut
uetustū protulit tanquā renouatum. P O S SVM.

IN POET. HORA.

Scilicet recte nouare uerba et parce detorquere a
græco fonte. CATONIS LINGVA. cum
intelligit Catonem, quem tam necessarium fuit nasci
reipub. quæ Scipionem. alter enim cum nostris hosti-
bus, alter cum moribus bellum gessit, unde Censori-
nus, quasi malis moribus deuictis appellatus est. Can-
terio uehebatur hippoperijs impositis. Cornelius ne-
pos ait, eum quæstorē ex Africa redeuntem Q. En-
nium e Sardinia deduxisse. quod non minoris existi-
matum, quæ quilibet amplissimus Sardinensis trium-
phus. Carmē scripsit de moribus. Salustius a Leneo
Pompei magni liberto reprehensus est, quæ Catonis
uerborum ineruditissimus fur esset, unde noto in-
cessitur epigrammate.

Et uerba antiqui multum furate Catonis,

Crispe Iugurtinæ cōditor historiæ. ET ENNI.
cum duo fuissent Enny, nec id indocti animaduertis-
sent, factum est ut de patria et libris ambigatur.
Hic tamē ille est Rudiensis, qui primus res romanæ
beroico carmine complexus est, quem imitatos Cice-
ronem et Virgilium non impune accusat Seneca,
quippe cui respondet Aulus Gel. SIGNATVM.
perstat in sumpta metaphora ab ære. uir perfectissi-
mus dixit, uerbis utēdum esse ut nūmis publica mo-
neta signatis. VT SYLVAE FOLIIS.

Cōfirmaturus nouari posse uerba, male inquit, ageretur de re latina, si cum multa intereant, non noua orirentur. Intereunt autem uerba, et nostro fastidio, et politiori iudicio, et antiquis rusticanus placebat sermo, et qui plenioris sonus esset, sequēs ætas facta delicatior manum iniecit, et ueluti disciplinam pristini seculi, ita et sermonem fastidire cœpit, et noua uerba parturire, antiquatis illis noua substituit, antiquorumq; illam pinguitudinem exilitate sermonis castigauit. Hinc V littera paululum cœsit de medio, et I cœpit delectare, ut Manibiæ, libido, maximus, commissator, delixus, arispex, contimax, aucipium. sed uerborum eadem ratio est quæ et uini, ut nec nouum placeat, nec nimis uetustum ullam habeat suauitatē, quædamq; in eo sit ætas, cum non de musto ac lacu sumitur, nec natū consule Tullo, aut Opimio queritur. Delectant tamen quædam antiqua repetita, ut peccatu dixit Cicero, et fretu, et antislitas. Afferunt enim plerunq; uetusta uerba, quia intermissa sunt, gratiam nouitatis similem, quæ etiā antiquitatis autoritate iuuatur. Modus ergo adhibendus, semperq; Cæsaris illud notum ante oculos, ut tanquam scopulum sic insolens uerbum effugiamus. non minus oblitterata repetenda, ut exantlare, pro sapia, apluda, floces, flaces, ballucinari, caperatum, et

IN POET. HORA.

plurima id genus, quæ illi solent libenter usurpare
 qui sero in litteris profecere, ut quæ nunquam didi-
 cerint, cum semel scire cœperint, magnifaciant. Si-
 senna usitati sermonis emendator a Caio Rustio cum
 Sputatilia dixisset lepide irrisus est. VT SYL-
 VAE. comparatione ostendit nihil stabile in rebus
 humanis. INTERIT. perit, extinguitur. Plau-
 tus, qui per uirtutem peritat non interit. NATA.
 ficta, nuper facta. VIGENT. uigorem habent,
 delectant. NOS NOSTRAQUE. argu-
 mentum a maiori. si nos, inquit, nostraq; omnia etiam
 grandia, et quæ immortalia putantur, peribunt, an
 putamus uerba non interitura, quæ tanquam folia
 singulis annis decidunt et renascuntur, nec habent
 quicquid stabile? RECEPTVS. De Lucrino
 lacu intelligit a Caio Iulio Cesare magnis molibus
 incluso, quod opus Virgi. celebrat lib. II. Georg.
 Iulia qua ponto. - etc. Augustus
 deinde profecturus in Pompeium, portum Iulium
 apud Baias immisso in Lucrinum et Auernum mari,
 lacum effecit. RECEPTVS. inclusus. REGIS
 OPVS. puto intelligi de italico labyrintho, quem
 fecit sibi Porsena rex Ethruriæ sepulchri causâ,
 simul ut externorum regum uanitas quoq; ab italicis
 superaretur. Plinius meminit libro trigesimo sexto.
 Sterilis.

STERILIS, de Pontina intelligit, quam duo annes faciunt Aufidus et Vulsus. XXIII urbium loca occupabat. eam excauit Cornelius Cethegus consul, cui ea provincia obuenerat, agerque ex ea factus est. Caius Iulius Cæsar quin siccaret morte præuentus est, idemque hostiensem portum rei diffcultate deterritus omisit, quem postea Claudius imperator perfecit. VICINAS VRBES. Anxurem, Pipernum, Saturam, Seciam, sed et Capenates, Lucumque, Feroniam. AMNIS, Tybris. DOCTVS. ab Agrippa nomine Augusti. INIQUVM. Tybris cum omnia longe, lateque inundaret, et crebro magnam iacturam agro romano inferret, Augustus alueo purgando animam adiecit. Et quoniam nihil est quod tam faciat inundationes, quam sinus fluuiorum, quod recto non possint cursu deferri, quum ad uelabrum Tyberis flecteretur, dato Agrippæ negotio, in hunc quem cernimus rectum alueum redegit, totumque purgauit, terminos in ripa disposuit, quos effossos uidimus hac inscriptione. IMP. CAE. DIVI FILIVS, AVG. PONT. MAX. TRIBVNITIAE POTEST. XVII EX SENATVS CONSVLTO TERMINAVIT. R. R. EX PROX. CIPP. PED. XL. S. Id est, Rudibus reiectis ex

IN POET. HORA.

proximis cippis, pedes quadraginta semis. **MORTALIA FACTA**, quid enim aliud agūt nouæ leges, nisi ut ueteres pellant, & prioribus derogent? quin & cæli hæc marisque, facies conflagrabit uniuersa, & in antiquū chaos fundetur. **MORTALIA FACTA PERIBVNT**, est enim necesse ut quæ ortum habeant occidant, eaq; potissimū, quæ homines fecerint. Stultum enim esset putare mortalem quemquam posse aliquid perficere immortale. **NE DVM**, si ergo mutātur omnia, neq; quicquam tam magnum est, quod non uices patiatur, an mirādum est uocabula interire, & noua renasci? utimur hac particula nedum præposita maiori re. **VIVAX**, quæ diu uiuat. **VSVS**, cum ubiq; possit, omniumq; rerū sit dominus, in uerbis tamen potissimum dominatur, qui illorum sit solum quoddam & fundamentum. Is ille est optimus dicendi artifex & magister, quo duce multi paruo ingenio, nullis pene litteris, ut bene loquerentur sunt consequuti. **M. Varro** in illis libris de lingua latina ad **M. Tullium**, qui desiderantur, in omnibus pene uerbis cōsuetudinem dominari affirmabat. omnis enim analogiæ & anomalix disputatio, quarum alteram **Aristarchus**, alterā **Crates** peritissimi grammaticorum græcorum summa ope defendebant, solo usu consuetudineq; terminatur. Da-

rius ille magnus Asiæ regnator quanti esset usus uolens ostendere, accitis ad se græcis, qui eius parerent imperio, rogabat, cuius nam pretij magnitudine patres mortuos comederēt, nūquā se facturos responderunt, tunc uocatis ex India qui Callaciæ uocitantur, apud quos esitandi parētes mos est, adhuc græcis adstantibus, quo præmio sciscitatus est admitterēt, ut parentum corpora cremarētur, responderunt Darium loqui meliora. hoc pacto ostēdit usus et consuetudo quanti esset. Afranius togatarum poeta, sapientiam usus et memoriæ filiam dixit, quod sapientem non disciplinis tantum instructum, sed in noscēdis, periclitandisq; rebus uersatū esse ostēdit, Eius uersus est.

Usus me genuit, mater peperit memoria,
Sophiam uocant me græci, uos sapientiam.

Cauēdum est autem in uerbis ne decipiamur, ut pro usu abusum sequamur, qui illius mētītus speciem imprudentibus se offert, neq; enim uitia, etiam quæ inuaserint ciuitatem, probamus. si enim usum putabimus quod plures faciant, periculosum erit et formidabile, cum plures semper pro malis accipiantur. Erit ergo usus ut uiuēdi consensus uoluntasq; bonorum, sic loquendi consuetudo, et quædam quasi coniuratio eruditorū. VIS, ratio. RES GESTAE.

unumquodq; poema materiā in se continet et tracta-

IN POET. HORA:

tionem. materia in uerbis, tractatio in uerborum est collocatione. De uerbis copiose dictū est ab Horatio. Superest ut collocationes exequantur, quarū tres partes feruntur, cōpositio, concinnitas, numerus. & quia non eundem numerum unaquæq; res desiderat, quo carmine quæcunq; cupias sint complectenda, ostendit. ne res grandes tenui humiliq; carmini cōmittas, aut amores conuiuiaq;, quæq; iocos exigunt, heroico tradas enarrāda. Heroici carminis inuentionē Apollini acceptam ferimus, & eo carmine oracula olim respo-
debant. Hinc & Pythius uersus dicitur, & interfecto ab Apolline Pythone actolæ hexametrum heroicum sex spondeis compositum cecinerunt. deinde soluta spondei altera syllaba sine damno temporis cœpit inseri. Iudæi Apolline excluso putant Moſen hoc carmine primum cecinisse. Apud græcos licet dubitari nō debeat, quin ante Homerum fuerint poetæ, quod ex eius carminibus intelligi potest, quæ apud illum in procorū epulis canebantur, tamen primus heroum res gestas hoc uersu cecinisse putatur Homerus, hinc heroicus dictus, nam & Epicus dicitur, & sermonum capax, & per eius pedes simplicius & facilius uerba eant & decurrāt. Hunc Ennius longum uocauit. Dignitate primus est, plena oratione grauis, & grauitatis honore sublimis, multa; pulchritudinis uenustate

nustate præclarius. Huic carmini potissimum conueniunt, fabula, allegoria, antiqua historia, cõueniẽs dictio. **VERSIBVS IMPARITER IVNCTIS.** elegiã quis primus scripserit in ambiguo est. sunt qui Etheoclem Naxium primum ueluti furem hoc carmen cecinisse, nec desunt qui Archilochi tribuãt, Terẽtius Callinõum putat. Hoc sane cõstat, defunctorũ laudes hoc carmine celebrari solitas, unde sibi nomen elegia sumpsit. hinc et miserabiles uersus dicti ab Horatio ad Tibullum. Crederim ego, præficas, quæ cõductæ plorabãt in funere, hoc carmine usas, lugubrem nẽniam cecinisse. Pentameter licet hexametro subiũgatur, legimus tamen et monocolon, ut illud in Cõmodũ imperatorẽ, Commodus berculeum nomen habere cupit, Antoninorum non putat esse bonum.

lege Lampridium. **IMPARITER.** Terẽtius Scaurus in cõmentarijs in arte poetica libro decimo, impariter aduerbium figurasse inquit Horatium. **INCLUSA.** an inclusa id est descripta et comprehẽsa, an ad id alludit, et necesse sit sententiã duobus uersibus concludere, **COMPOS.** ut illud propertianum.

O me felicem, o nox mihi. et c. Callimachus et Philetas primas sibi in elegia uendicant partes
F.ij.

IN POET. HORA.

*apud græcos, ex nostris Tibullus cum Propertio cer-
tat. EXIGVOS. tenues, molles. LIS EST.
irridet grammaticos, q̄ de re leui & inutili certent.
GRAMMATICI. qui & critici sunt appellati.
sed Horatius eos irridet, seu respexit, quia eorum
est omnia indagare. ARCHILOCHVM. iam-
bico carmine primum conuicia sunt explicata, unde
Ouidius de amorum remedys.*

Liber in aduersos hostes stringatur iambus.

*Dictus pes ex lambes nomine famulæ Celei, licet a
triumphante Baccho quasi Thriambum dictum pu-
tent. sed a Marte ortum sane placet, atq; ideo breui
longaq; syllaba conficitur, q̄ in iaculando breui pri-
mum accessu, deinde in extēsum possum pferimur,
unde a priscis appulis, Daunius dictus est, q̄ is pri-
mus aduersus Diomedem gradariam illiusmodi pu-
gnam instituisse. Primus eo usus fertur Archilo-
chus in Lycambem socerum, q̄ Neobolem filiā de-
sponsatam illi negasset, tantq; felle conuicia miscuit,
ut Lycambes laqueo se suspenderit. Erant in Archi-
locho breues uibrātesq; sentētia, plurimum sangui-
nis atq; neruorum, uerum tamen nimis obscænis ma-
ledictis in uisam sibi domū lacerauit, unde eius libri
a lacedæmonys e ciuitate exportati q̄ eorū lectiōne
puerorū animi inficerētur. Eius interfectores Apollo*

arguit Delphis. Aristophanes quemq; iambu in eiu
 longissimum optimū putabat. Claruit regnāte Ro-
 mulo, quamuis Cor. Nepos scriptū reliquerit fuisse
 eodem tēpore, quo Tullus Hostilius summā Romæ
 habuit. Cretias lepide eum accusat, ut hominem in-
 eptum, qui de se ipso multa pbra dixerit, quæ aliter
 nesciremus. nam & seruæ filius fuerit, & patriam
 ob paupertatem relinquēs in Thasum uenerit, & &
 hic inimicus sit habitus, & sine discrimine amicos ini-
 micosq; momorderit, præterea & mæchus libidino-
 susq; fuerit, deniq; & scutum abiecerit, nunquā pro-
 fecto sciremus nisi ex ipso. Hæc Elianus de uaria
 historia. Iambus a romanis, ut proprium opus cele-
 bratus non est, a quibusdam tamen interpositus, ut a
 Catullo, Bibaculo, & Horatio. Cato tamen Uticen-
 sis præcepta sibi Lepida nomine uxore, iambos in
 Scipionem scripsit imitatus Archilochum. PRO-
 PRIO. id est a se inuento, & si proprio, id est solo
 & nō misto, sed ipse uerus integerq; exiēs. SOC-
 CI. comediæ. GRANDES COTHVRNI.
 id est tragædiæ. VINCENTEM STRE-
 PITVS. id est altius strepitu sonantē. REBUS
 AGENDIS. dramático poemati. MUSA
 DEDIT FIDIBVS. lyrā primus fertur
 Mercurius inuenisse, inuentaq; Apollinem donasse,

IN POET. HORA.

*sumpto ab illo caduceo . Hæc lyricis uatibus nomen
 dedit, ad quam carmina sua cantabant, statuebaturq;
 eis chorus quinquaginta uirorum, ac tauro donaban-
 tur. Hi sunt qui primi deorum immortalium laudes
 cecinere, qualis Orpheus & Linus, hi cōuiujs adhi-
 bebantur, qui heroum res gestas celebrarent . mox
 palmas athletarum, pugilum, iuuenumq; amores, &
 conuiuia decantarunt. Primæ apud illos dantur Pin-
 dario, quem putat Horatius, spiritus magnificentia,
 sententiarum uerborumq; copia nemini imitabilem.
 Post hūc Stesichorus, Alcæus, Simonides, Alcman,
 Anacreō, Bacchylides, sed & Sappho Corinnaq; mu-
 lieres memorātur. Ex nostris solus fere legi dignus
 Horatius. MVSÆ. Iouis & Memoræ filia, licet
 cæli & terræ putet Alcmaeon. Initio tres fuere, &
 omnis sonus triformis esset, aut enī uoce editur, aut
 flatu, aut pulsu. Quædam ciuitas earum simulacra
 Apollini dedicatura, terna tribus locauit artificibus,
 ut qui pulchriora formasset ab illo potissimū electa
 sumerentur, contigit ut æque pulchra fabri facti-
 tassent, cumq; discerni nō possent pulchriora, placuit
 omnia dedicari. Hinc nouē existimata, quibus postea
 Hesiodus nomina imposuit. P V E R O S. filios
 deorum, id est heroas. P V G I L E M V I C T O -
 R E M. nobilibus athletis qui Olympia, Pythia,*

Isthmia, Nemea uicissent, græcorum maiores, ita magnos honores instituerunt, uti non modo in conuentu stantes cum palma & corona ferrent laudes, poetarumq; carminibus cantarētur, sed etiam cum in suas reuerterētur ciuitates, triumphantes quadrigis inuehebātur, & republica perpetua uita institutis uetigalibus fruebantur. Romani palæstrā non admisere nec gymnica, & nudare inter ciues corpora flagitij principium sit, unde auersa præposteraq; uenus concitetur. **IN CERTAMINE**, in cursu, in olympiaco stadio, & quo uis ludo. **CVRAS**, amores, libera conuiuia & comessationes, quæq; genium oblectant. Putarim ego ueteres cantiones, ut Antiocham, aut Andromacham lyrico fuisse carmine descriptas. **SERVARE VICES**, nihil poterat ab Horatio post ea præcepta, quæ, quo carmine quæcūq; res describendæ sint, continentur, subiungi opportunius, quam illi respondere, qui forte e media turba exclamasset confundi se tam uario carminū genere, scire se aut heroicum, aut quoduis aliud carmen cedere, omnia simul ignorare. lepide hunc submouet Horatius & irridet, & poeta dicendus nō sit, qui non suo arbitrio quocunq; carmine tanquam miles telo utatur. Potest & hoc præceptum ad ea quæ sequuntur coniūgi, ut de ordine, dispositione, uicibus, id est per-

IN POET. HORA.

sonarum proprietatibus ad res ipsas pertinētibus intelligat, atq; ideo colores, id est orationis ornamenta subiūxit. **DESCRIPTAS.** expositas enarratasq; uices. si aut nescio aut non possum seruare, cur uolo inter poetas numerari? uel descriptas, id est dispositas, determinatas, datas psonis et rebus. **OPERVMQVE COLORES.** id est causas probabiles, quæ dant dignitatem poeticâ operibus. Terentius in Adelphis, ubi Mitio pater Aeschinū accusat filium, optime seruat uices et colores operum, ut cum Mitio dicat, In qua ciuitate tandem te arbitrare uiuere? Ne id nimium sit, Mitionem introduxit leniter accusantem, et Demeam durissime blandientē, si enim acerbius et crudelius inuectus fuisset Mitio, color debitus nullus fuisset seruatus. **SALVTOR.** uocor, dicorq; poeta, poetæq; nomen mihi adscisco. uel ad ueterum alludit salutationes matutinas, qui honor non nisi dignioribus exhibebatur. **VERSIBVS EXPONI.** præceptum dat comicæ materiæ describendæ simul et tragicæ, si enim comædiâ scribas, tenui utēdum est stilo, ut sermo potius quam poema sit, nihilq; aliud quotidiani sermonis dissimile habeat, nisi ut quibusdā uersiculis sit astrictus. Neq; enim ut nos prorsus uulgo loquimur, pronunciant comici, neq; tam procul a natura

recedunt, quo uitio periret imitatio. sed morē huius
 cōmunis sermonis quodam scenico exornant. Dubi-
 tatum est a plerisq; an comædiā poema esset, & humi
 serpat, characterq; sit humilis. Horat. *Serm. primo.*
Ingenium cui sit, cui mens diuinior atq; os
Magna sonaturum, des nominis huius honorem.
 Idcirco quidam comædia nec ne poema esset quæsi-
 uere, & acer spiritus ac uis, nec uerbis, nec rebus ma-
 est, unde uisum est nōnullis platoniciis Democriti lo-
 quutionem, & si absit a uersu, tamen & incitatus fe-
 ratur, & clarissimis uerborum luminibus utatur, po-
 tius poema putādum q̃ comicorum poetarū. Cultum
 ergo exigit comædia inornatum, & quandam negli-
 gentem diligētiam, sermonem purum ab omni fūco
 alienum, sententias acutas & breues, & nescio unde
 ex abdito erutas, ante omnia sūlibus postulat assergi,
 tam facetiarum q̃ dicacitatis. Tragicos contra decet
 ampla sententiarum grauitas, uerborum maiestas,
 grandiloqui sint, uarij, copiosi, uehementes, moueant
 potius q̃ delectent. Sunt hæc propria cuiusq; sed
 temperanda interdum & uarianda, neq; tragico om-
 nibus locis eadem cōtentione utēdum, sed nōnunquā
 etiam ad quotidianum sermonis genus accedendum.
 neq; comico serpendum semper humi, assurgendum
 quandoq; est ad coturnū. atq; hac una in re maxime

IN POET. HORA.

exoritur poetę difficultas, dum studet, ut quid debeat
seruetur, ne aut persona aut loco aut tempore offen-
dat, quod non eadem res probetur semper aut reijcia-
tur. Illud celebratissimum decere observandum, ut sit
consentaneum, nec in factis solum, uerum in dictis,
uultu deniq; et gestu, incessuq; respondeat. COE-
NA THYESTAE. id est tragædia. INDI-
GNATVR. non patitur. NVMERIS. uer-
bis, sentētys. PRIVATIS. humilibus. SOCCO.
comædia. QVAEQVE. tam comædia q̃m tragæ-
dia. SINGVLA. ut comædia humilem stilum,
grauem tragædia. utraq; personarum seruet digni-
tatem, pro ut cuiusq; exigit autoritas. DECEN-
TER. cum decoro. TOLLIT VOCEM.
exclamat Terentius in Adelphis, O cælum, o terra,
o maria Neptuni, ubi Donatus ait esse, quod dicit
Horatius in poetica.

Interdum tamen et uocem comædia tollit.

DELITIGAT. aduersum seu seruum seu fi-
lium. CHREMES IRATVS. id est quæ-
cunq; persona irata i comædia introducatur. TRA-
GICVS. tragica persona introducta. PEDE-
STRI. humili, comico, comparatione equestris.
EXVL. cum introducuntur in tragædia pauperes
et exules. TELEPHVS. Hercules filius a cerua
nutritus

nutritus diu medicauit, regnoq; caruit. imperauit autem Mysiæ, quam cum inuaderent græci, ne troianis finitimis suppetias ferrent, Telephus ultum iniurias procedit, uulneratusq; ab Achille, a quo apud Troiâ postea sanatus. Pugnauit etiâ cum illo Hiera coniux, quæ a Nereo occisa, græcorû seniores parci corpori ob formam iusserunt. Intacta ab Homero est, quod Helenâ omnibus rebus supauerit. TELEPHVS ET PELEVS. Euripides reprehenditur ab Aristophane, q̃ Telepho & Pelco regno pulsus uerba nimis superba dederit. SEX QVIPEDALIA. longa præter mensuram, id est gloriosam & tumidam orationē. Mensurarum appellationes, quibus utimur, sunt duodecim, digitus, uncia, palmus, sextans, pes, cubitus, gradus, passus, decēpeda, ætus, stadium, miliarium. Digitus est in pede pars sextadecima. Palmus quarta. Sextās habet digitos duodecim. Pes palmos quatuor. Cubitus pedem & semis. Gradus pedes duos semis. Passus pedes quinq;. Decēpeda pedes decem. Aëtus pedes centum uiginti. Stadium pedes sexcentos uigintiquinq;. Miliarium pedes quinquies mille. PROLICIT, abijcit a sese, & non utitur uerbis ampullosis. SI CVRAT. si, inquit, uult spectatores moueri querelis tragicarû personarum, necesse est ut in poematis, non doctrina

IN POET. HORA.

solum sit, sed uenus appareat, quæ auditorem rapiat,
 ex in quos uoluerit affectus deducat. PVLCHRA
 docta undecunq;, DVLCIA SVNT O, ex
 ueteribus legibus sumpta uerba, dulcia, id est mollia,
 suauia, quæ lacrymas concitent, non quæ terrorem
 incutiant, ut sexquipedalia. Neq; enim sufficit poe-
 mata ornare, nisi uerba loquentibus ac ommodata ad-
 hibeantur. QVOCVNQVE VOLVNT.
 nihil agit poeta, nisi omnē auditoris affectum in suā
 redegerit potestatem, ut nunc flere cogat, nūc risum
 cōcitet, nunc iram p̄mouet, nunc admirationem ex-
 citet, quod si hæc uis abfuerit, actum est, aliud agent
 spectatores. VT RIDENTIBVS, ad id
 respondet quod magnū ac mirabile uideatur, hominē
 toties omni motu animi cōcitari, præsertim in rebus
 alienis, quod ait facile fieri posse, si in sententys lo-
 cisq;, quos agas tractesq; dicendo, nulla appareat si-
 mulatio, sed ea sit orationis ad alios permouendos na-
 tura, ut poeta in scribendo motum inducet. ITA
 FLENTIBVS ADSVNT. ita, inquit,
 affectus omnes in animis nostris sunt, ut ex quacunq;
 imagine moueri possint. SI VIS ME FLERE
 poeta cum opus scribit, personā eius inducat oportet,
 quem introducit, ex eisdem affectus concipiat, nec si
 lugentē faciat, leuis animus ac remissus in uerbis ap-

pareat. hinc a Platone Democritog, i scriptis relictū
 est, bonū poetā sine inflammatione animorū existere nō
 posse, et sine quodam afflatu quasi furoris. quomodo
 enī poterit is qui audit, dolere odisse, inuidere, et ad
 fletum misericordiamq; deduci, nisi omnes hi motus
 in ipso loquente impressi atque immisti uideantur.
MALE MANDATA. non cōuenientia sibi.
AVT DORMITABO. signa libenter non
 audientis sunt, oscitari, loqui cum altero, meditari,
 horas exquirere, aut dormire. nam qui delectantur,
 erecti sunt, intuentes, taciti, et uultu probantes au-
 dita, qui ut aues cātu, sic oratione suspensi tenentur.
 atq; hoc debet aucupari poeta. populi enim aures, ut
 est apud M. Tullium, tanquam tibiæ sunt, quæ si in-
 flatæ sonum non referunt, abiciuntur. **RIDEBO.**
 irridebo, non mouebor. **TRISTIA MOE-**
STVM. si mæstum, inquit, introduxeris, sint uer-
 ba illius tristia. humanarum miseriarū casus grauitur
 accipiuntur, si dolenter referātur. Afflicta et pro-
 strata uirtus maxime luctuosa est, quæ si recte de-
 ploretur uirtus, qui audit, ea quæ de altero dicuntur
 ad suas res reuocat, quas aut tulerit acerbis, aut ti-
 meat. Diuus Augustinus motum se ad lachrymas
 fatetur Virgiliana de Didone lectione, quem enim
 non moueat.

IN POET. HORA.

Dulces exuuia,
PLENA MINARVM. *quid enim turpius*
q̃ mitia dare iratis uerba? aut totos implere nume-
ros, uel longius exordiri? Recte uirgilius.

- Me ne incæpto desistere uictam? et alibi
Heu stirpem inuisam. - et Dido apud eundem.

- Sed et moriemur inulta. et alibi.

- Proh Iuppiter ibit. Debet autem

irarū sermo nō solum incipere ex abrupto, sed bre-
uibus sententijs, et crebris figurarum mutationibus,
ueluti inter æstus iracundiæ fluctuare. FORMAT
ENIM. *ratio præcepti, si enim, inquit, lingua ani-*
mi interpres est, oportet ut ea quæ lingua exprimit,
prius animo impressa uideantur. HABITVM.
statum et qualitatem rei. FORTVNARVM.
tam bonarum q̃ malarum. IUVAT. *prohibet ne*
irascaris. AD HVMVM. *humilitatem, et ad id*
alludit, q̃ in mœrore solebāt p̃strati iacere. EQVI-
TES ET PEDITES. *id est uniuersus populus.*
uel alludit ad equestrem ordinem, cui propria erant
constituta loca in theatro. DEDVCIT. *declinat*
quencunq̃. ANGIT. *exagitat. EFFERT.*
manifestat, aperit. ABSONA. *non conuenientia.*
INTERERIT MVLTVM. *nihil tam*
uarium q̃ hominum mores, qui probe sunt poetæ
pernoscenti,

pernoscenti, ut unicuique personæ proprii actus tribuantur. Hinc irrisus Euripides, & frequentius ex philosophorum decretis, ut Anaxagoræ, & sapientium aliorum dicta quædam uel barbaris mulieribus uel seruis narranda cōmisset. Terentius sapiētiores dominis seruos introducit, quod licet in palliata, secus in togata. idem seueras sententias lepide ridiculis personis tribuit, ut magis delectent, nec caruit latoribus, & Sosia dederit nimis grauem sententiā, Ne quid nimis. Est igitur obseruandum quantum quæque persona sublineat, & quid illius sit propriū, ut cum comædia imitatio sit uitæ, speculum consuetudinis, imagoque ueritatis, nō discrepet a natura, scriptor fabularum. personæ sint rebus competentes, sententiæ uitæ cōgruentes, ioca non infra soctū, seria nec usque ad cothurnū, rara corruptela, & uti errore concessi amores. sit leno periurus, amator feruidus, callidus seruus, amica illudens, uxor inhibens, mater indulgens, patruus obiurgator, sodalis opitulator, miles præliator. sed & parasiti edaces, parentes tenaces, meretrices procaces. Mores etiam populorum inspicendi. Athenienses paruo momēto irascūtur, iidemque rursum ad misericordiā facillime conuertuntur, magistratibus formidolosi, hostibus benigni. Carthaginenses fere crudeles, magistratibus obtemperantes,

IN POET. HORA:

*in subiectos intollerabiles, abiecti dum timēt, superbī
 cum imperant, quos nec lusu, nec gratia demulceas,
 quando enim Cleoni roganti ut differrent cōcionem
 ꝓ hospites domi haberet, paruissent? aut Alcibiadi
 coturnicem quæ concionanti effluxerat, certatim ca-
 piendam reddendamq; curassent, cum Hannonem ꝓ
 leone onerario pro iumēto uteretur, in exilium ege-
 rint? Lacedæmonij seueri, Thebani cupidi, ꝓ suis
 multa condonantes, Bæotij crassi, deniq; Scythæ soli
 crudeles, Itali regali nobilitate præfulgidi, Galli su-
 perbi, stolidi, leues Græci, Afri subdoli, auari Syrij,
 acuti Siculi, luxuriosi Asiani, ꝓ uoluptatibus oca-
 pati, Hispani elata iactantia animositate præposleri,
 Cretenses mendaces, uentres pigri, Phryges timidi,
 semiuiri, Iudæi cordis peruicacia obdurantes. DA-
 VVS. frequēs in comædys seruus, Philostratus ait,
 ꝓ quemadmodum in fabulis utitur uulpe Aesopus,
 sic in comædys comici Dauo utitur ministro. MA-
 TVRVS. cui sermonis grauissimæ partes debentur.
 LOQVATVR. uerba sunt accomodanda
 pro qualitate personarū. FERVIDVS. ardens
 amator, impotens, imbecillis. SEDVLA. diligens,
 officiosa. VAGVS. qui multa uiderit ꝓ norit.
 VIGENTIS. in quodam codice uetusto est ui-
 rentis. COLCHVS. seuus natura Assyrius,*

astutus Adiabenicus, prope Parthos sunt Assyrij, id est post Assyriam. AVT FAMAM. scripturus poeta si ueram uult historiam contexere famam sequatur, nec scribat quæ prorsus excedant ueritatem, si mauult fingere, constet sibi ipsi, fingat res uerisimiles. HONORATVM. an propter illud Alexandri dictum nobile? O fortunate adolescens, qui tuæ uirtutis præconem Homerum inuenisti, an quod nunquam sub Agamemnonis imperio fuerit? hinc quoties eius persona in tragædijs inducebatur, licet regalia sceptra nunquam tenuerit, diademata tamen semper erant. REPONIS ACHILLEM. iterum summis ab Homero cantatum Achillem. Plato lib. tertio de republica Homerum accusat, quod Achillem nimis sæuum fecerit, hominum deorumque contemptorem, qui Apollinem perniciosissimum deorum uocet, quodque nimiam illi attribuerit lamentationem, quod auarum fecerit et crudelem, ut cadauer Hectoris circa muros iliacos traxerit, et captiuos supra Patrocli rogum immolarit, qui deæ filius fuerit, et a Chirone sapientissimo educatus. Achilles molli, et aurea casarie fuit, uarijs hinc inde nodulis pendenti, et per collum fluctuanti, naribus pene aduncis, supercilij tenuibus et leniter inflexis ad lunæ formam, fronte niuea, oculis cæcis, tanta gratia et uenustate, ut cum aciem

IN POET. HORA:

oculorum fleſſeret, omnium in ſe oculos alliceret, ut
 autor eſt Philoſtratus. IRACVNDVS. ob ra-
 ptam Briſeidem. INEXORABILIS. quem
 nec Phœnix nec Neſtor potuerit placare. ARMIS
 putet ius eſſe in armis. FEROX. in fratrem, pa-
 truum uiri, filioſq;. Ouidius una Medeæ tragœdia
 facile omnes latinos tragicos ſuperauit. IN VI-
 CTA. quæ non tulerit Iaſonem alterâ capere uxo-
 rem. IN O. Athamâtis uxor quæ cum Melicerta
 filio in mare ſe præcipitem dedit, Leucothea a græ-
 cis, a noſtris Matuta. Matuta ædem ancillis Romæ
 neſas erat ingredi. una introducebatur, q̃ ea alaxiſ
 cædebatur. Ab hac romana matronæ bona filijs non
 optabāt, ſed nepotibus, q̃ in filijs fuerit infeliçiſſima.
 PERFIDVS. in ſocerum, in Iouem, in Iunonē,
 quippe qui Iunonem amarit, proq; ea nubi ſit permi-
 ſtus, quæ omnis fabula contra manis gloriæ ſeclato-
 res compoſita eſt, qui gloriam quaſi uirtutis imaginē
 amplectētes, nihil ſincærum aut ſibi conſentiēs ope-
 rantur. TRISTIS ORESTES. an tri-
 ſtis q̃ ex cæde materna mœſtus expiari cuperet, mor-
 temq; paternā defleret, furioſq; agigaretur, an ad in-
 ſaniæ ſpeciem alludit, quæ cum plures ſint, alia bila-
 res, alia triſtes reddat. quidam ſunt qui imaginibus,
 non mente falluntur, qualem inſaniētem Aiaceſ uel
 Oreſtem

Orestem poetarum fabulæ ferunt, quos necesse est ob id tristes fieri. qua insanix specie multi qui ingenio claruerunt uel in studijs philosophiæ, uel in republica administranda, uel in carmine pangendo, laborasse feruntur, ut de Hercule legimus, Bellorophôte, Empedocle, Socrate, Platone. atq; hic ille est morbus quem melancholiam græci uocant, nostri atrâ bilem.

SI QUID INEXPERTVM. id est si uis nouam personam introducere, quæ a cæteris poetis intacta sit, ut de Didone Virgily, licet antea quædam de ea dixerit Ennius, sic tractandum est, ut omnia sibi respondeant. INEXPERTVM. id est nouû, uel quod ante in scenâ nō uenerit, ut Octauia Seneca. IMVM. id est ad finem, exitum. DEDVCIS. cōponis. IGNOTA INDICTAQVE. id est non cōmunia, sed recondita. ILIACVM. id est sumes imitadum Homerum. DIFFICILE EST PROPRIE. magnā rem aggreditur, difficilem et periculosam, qui uult secare mare nullo duce, nec sibi saltem Vrsa proposita. quem si contingat portum apprehendere, nulli dubium est errasse illum diutius, longiusq; iter emensum esse, quam si stellam sequens, clauo hærens, quo eundem erat uela cōuertisset. eadem in poemate conficiendo ratio. duce autoreq; opus est, quem sequamur, cui hæreamus, et

IN POET. HORA.

quem nobis imitandum ante alios proponamus. Notatur sane alibi ab Horatio imitatores tanquam serui, sed illi notatur quorum imitatio est uitiosa, qui circa uilia et singula quæq; uersantur. Ducimur natura ipsa in quod uis scribendi genus, sed ea non satis perficere possumus, nisi imitationem adhibeamus, id est tota mēte atq; animo quem optimū putamus, intueamur, nec ad amūsim sequamur, aut facilia quædam insigniaue et pene uitiosa imitemur, sed quæ maxime excellent, ea diligentissime persequamur, ut quem elegerimus imitando effingamus. nec nos terreat quod eadem multi dixerint. aperiuntur sapius a poetis materiæ, quæ præripiantur. Aetnam montem quo minus Cuidius tractaret nihil obstitit quod iam Virgilius impleuerit, nec Seuerum quidem Cornelium ueterq; deterruit. Multæ sunt eadem in re res tractandæ, nec inuenturis inuēta obstant. Optima est ultima cōditio, parata inuenit uerba, quibus aliter instructis nouam potest faciem facere, nec illis manus incit tanquam alienis, sunt enim publica, et iuris cōsulti negant quicquam publicum usu capi. Multum igitur cōfert imitatio, si tamen caute et cum iudicio apprehendat, ut illa sola contenti non simus, de nostro adiciamus, nec sequamur perpetuo, nam necesse est semper posteriorē esse qui uestigia sectetur. Debet autē

ante omnia imitator quæ acceperit, ingenij sui cura
 et facultate in unum saporem uaria illa libamenta cō-
 fundere. ut, licet unde sumptum quidq; sit appareat,
 aliud tamen esse uideatur. ut in nostris corporibus fa-
 cere uidemus naturam, alimenta enim quādiu in sua
 qualitate in stomacho perdurant, onera sunt, ubi mu-
 tantur, in uires sanguinemq; transcunt. Idem in ijs
 quibus aluntur ingenia, præstemus, quæcunq; hausi-
 mus, concoquamus, ut in ingenium eant, non in me-
 moriam. Sententias nō aucupemur, quod ipsum im-
 periti esset. sed si quas acceperimus, transformemus,
 ut solēt fures, qui earum rerum quas ceperūt, signa
 commutant. ob hanc imitationem maiorum uestigia
 præstat indagari. nam si tantum modo ad indicia ue-
 teris memoriæ fiat, curiosi potius est quam ingeniosi.
 Cuidius Porcij Latronis nimis studiosus habitus est
 imitator, ita ut multas eius sententias in uersus suos
 transferret. COMMVNIA. quæ ab omnibus
 accipi possent, id est intacta et non scripta a cæteris.
 PROPRIE DICERE. id est proprijs uer-
 bis, ut propria dicentis esse uideantur. ILIACVM
 CARMEN. id est personas descriptas ab Homero,
 quæ facilius scribuntur illo duce. IN ACTVS.
 in scenam. Omnis enim fabula quinq; actus habet.
 DEDVCIS, colloca, ponis. PROFERRES.

IN POET. HORA:

scriberes, pferēda dares tuis personis. PRIMVS. id est non imitator. PVBLICA. nota. monet quo pacto fieri possit imitatio, ut licet materia nota sit tua tamen uideatur. fiet autem inquit, si non totum undecumq, uolueris imitari, & quādā prætermittes, quædamq; de tuo addes. PVBLICA. ut bellum Troianum, Thebanum. PRIVATI IVRIS ERIT. eius qui scripserit. SI NON CIRCA. id est si non uoles totum opus imitandum circuire, & quæ dicta sunt ab illo sumere, quod ipsum uile tuum faciet poema. MORABERIS, occupaberis, id est circa ea quæ scripta sunt ab illis, quos imitaris, persistes. VILEM. quod ipsum te uilem faciet. NEC VERBUM VERBO. In interpretatione uerbum uerbo non reddendum, testes sunt quicumq; de bonis litteris præcepta ediderunt. Genus omne uerborum uisq; si fieri possit, seruanda. quod si aliter fieri non possit, idem pluribus exponendum, sententiæ eadem, earumq; formæ, rerumq; ordo custodiendus. uerba nō contemnenda omnino, ni abhorreant a more nostro, quod ipsum difficile est, & non nisi utraq; lingua cōsummatissimi uiri. occurrūt uerborum proprietates, uarietates figurarum, ipsum postremo suum, & ut ita dicam, uernacula linguæ genus, quæ nisi uariantur apposite, resonant dissonè &

absurde. M. Tullius cum Protagoram Platonis, & Oeconomicon Xenophontis, Aeschynis, Demosthenisq; duas cōtra se pulcherrimas orationes interpretaretur, multa prætermisit, multa addidit, multa mutauit, ut proprietates alterius linguæ suis proprietatibus explicaret, nec uoluit uerbū de uerbo, sed sensum de sensu exprimere. Multa apud græcos bene dicuntur, quæ si ad uerbum transfferamus, in latino nō resonant. & contra, quæ apud nos placent, apud illos displicēt. Aulius, ferreus scriptor a Lucillio appellatus est, q̄ Sophoclis Electram male conuertisset. Ante omnia seruanda est Etymologia, neq; id magni putandum, si diuersis quædam uocentur nominibus. Scythæ Gongosiron Apollinem uocant, Neptunum Tagesmana, Venerem Argempasam, Vestam Tannuti. necesse est si uertas, etymologia appareat. quāta autem interpretādo sit utilitas, uel ipse testis est Cicero in de oratore libro primo. quo in genere exercitationis proprietas, splendorq; uerborum, copia figurarum, uis explicandi, præterea imitatione optimorum similia inueniendi facultas paratur, intelligentia & iudiciū acquiritur. REDDERE. interpretari, transfferre, sed sensum sensui curabis reddere. NEC DESILIES. redigaris. Caueat inquit poeta, qui alium est imitaturus, ne imitatione

IN POET. HORA.

eo perducatur, unde egredi non possit. ut accidit Augusto, qui cum Sophoclis tragœdiam uellet traducere, propter nimiam figuram dicendi persequi non potuit. ARCTVM. angustū locum. REFERRE PEDEM. egredi e materia. LEX. quæ uult ut conuenientia sit in poemate. NEC SIC INCIPIES. multum est, scire bene incipere, ut inceptus possit stilus bene seruari, & semper maiora legentibus se offerant q̃ in primo aditu sit propositū. Vnde nihil æque est quod principia cōmendet, ac uerecundia, non elatis incensa uerbis, sed potius acuta sententijs. Quid enim in rerum natura est omnium, quod se uniuersum profundat, & quod totū repente euolet? Omnia quæ fiunt agūturue, leuioribus principijs natura ipsa prætexuit. Poeta naturæ imitator granditer turgideque incipiet, ut maiora appareant principia his quæ sequentur? Illud Virgilij.

- At nunc horrentia Martis

ideo putarim a Tutta Varoq, emunctæ naris uiris seu poetis sublatum, q̃ nimis alte sonaret, & a uerecundia principiorum abesset. Probat id debere fieri Horatius boni maliq; poetæ cōparatione. INCIPIES. nō id principiū tuo pœmati dabis. SCRIPTOR CYCLICVS. Cyclicus a cyclo, id est circularis, quod circulator esset & circumforaneus.

Antimachum nō credo intelligi, quem clarū poetam uocat Cicero, et Plato tanta feratur attentione audisse. FORTVNAM PRIAMI. carmen Cyclici poetæ de illius nitido poemate trāslatum. NOBILE. superbum, magnum. FORTVNAM. prosperā et aduersam. NOBILE. ad quod tot reges, duces et heroes aditi sunt. PROMISSOR. hoc de se modestè usurpat Quintilianus in primo, Quid dignū feret hic promissor. FERET. afferet in medium. TANTO HIATV. ore tam lato, tam sublimi uoce. PARTVRIENT MON- TES. prouerbium græcum in eos qui nullo cōsilio, magno impetu, nullo p̄specto sine, grādia aggrediū- tur. Quo diuus Hieronymus utitur in Iouianum. PARTVRIENT. laborabunt ut pariant. Liuius, Aliquādo dolor populi romani pariat quod iam diu parturit. RIDICVLVS MVS. sic et Vir.

- Exiguus mus. Casus singularis magis decet, et clausula unius syllabæ nō usitata gratiam addidit, Quintilianus libro octauo de ornatu. QVANTO RECTIVS HIC. Home- rus cōcentu prope diuino mirabilq; quadam musica præditus cunctos poeticos modos attigit. Omnis poet- tas ea uirtute qua quisq; ipsorum esset eminētissimus superauit. heroica sublimitate supra Crpheū attolli-

IN POET. HORA.

tur, uenere sententiarumq; lepore Hesiodum uincit, omne pugnandi genus ante oculos posuit, pacis quietisq; officia, cantus, amores, conuiuia describit, opus rusticum decenter attingit et cōmode, anni tempora, nauigationes, armorumq; fabricationes cōmemorat ea diligentia, ut in magnis rebus sublimitas eluceat, in paruis appareat proprietas, ac modo copia, modo breuitate mirabilis, undiq; autem perfectus conspiciatur. Poetarum quos improbat uersus tanquā aliud agens, non minus iucunde quam urbane cōmutat, et reddit meliores, quod cum plerisq; apud Hesiodum fecit, tum maxime ubi ille cycni clypeū fingit, Gorgonis imaginē nimis demisse, nulloq; ardore poetico insignem descripsit. Homerus humilitatē quasi eius corrigens ait.

*At clypei medio stant Gorgonis ora Medusæ,
Fluminibusq; micat torue et furiale uenenum,
Perq; caput uarijs stectuntur nexibus angues,
Quam circum horrendæ pestes terrorq; pauorq;
Extremos clypei tractus gyrumq; coronant.
Orphei similiter theologiā in multis locis, et Musæi oracula eodem modo correxit. Paphus etiam ex antiquioribus poetis uolens Iouē principium et causam rerum omnium dicere, ait.*

*Iuppiter omnipotens ex stercore condite turpi,
Mulorum*

Mulorum simul atq; ouium. / at contra Homerus.
 Iuppiter omnipotens celsi regnator olympi.
 Pugnas deorū quas facit, pugnātemq; cum Apolline
 Neptunum, uictumq; a Pallade Martem, iuxta ue-
 teris theologiæ Orphei; arcana orgia secretiore
 mysteriorum ratione ponit. Quo tempore floruerit,
 variæ sunt sententiæ. plures centesimo sexagesimo
 post Troiam euersam anno. Ferunt illū in certamen
 cum Hesiodo apud Euboeam descendisse, Ea; pro-
 nuntiasse carmina, quæ de Atacibus composuerat,
 quibus acies amborū ductu in ordinem redactas in-
 superabiles fuisse commemorat. cum Hesiodus ea
 protulisset, quibus fratrem monet ut omni studio agri-
 culturæ incumberet, ne ea fortasse neglecta alienæ
 opis indigens uagari cogeretur. Septem uero urbes
 de eius patria certabant.

Smyrna, Rhodus, Colophon, Salamin, Ius, Argos,
 Athenæ. Appion quidem grammaticus
 sub Cesare Augusto tota circulatus est græcia, &
 in nomen Homeri ab omnibus ciuitatibus adoptatus.
 Is aiebat Homerum utraq; materia consummata &
 Odyssæa & Iliade, unum principium adiecisse operi
 suo, quo bellum troianum complexus est. huius rei ar-
 gumentum afferebat, q̃ duas litteras in primo uersu
 posuisset ex industria librorum suorum numerum cō-

IN POET. HORA:

tinentes. HIC. fecit Homerus. INEPT E.
 alludit ad id, q̄ omnes græci inepti nuncupantur, ut
 etiam a M. Cicerone in libris de oratore, quasi uelit
 solum Homerum ex græcis carere hoc uilio inepti-
 tudinis. DIC MIHI MVSA VIRVM
 CAPTAE. uersus Homeri nō ad uerbū de uerbo
 traducti ex p̄cipio Odysseæ. DIC. expone, narra.
 VIRVM. Vlysses, cui uoluit semper comitē esse
 prudentiam Homerus, quam poetico ritu Mineruā
 nominauit, qua duce omnia horrenda subijt, omnia
 aduersa superauit, cyclopi specu egressus est, a solis
 armento abstinuit, ab inferis remeauit, Scyllam Cha-
 rybdimq; præternauigauit, Circes poculis nō muta-
 tus est, ad Lothophagos non remansit, ad Sirenas nō
 accessit. Erat Vlysses ingeniosus et eloquentissimus,
 ad inuidiam p̄nus, apud eum ficta simulataq; omnia,
 aspectu pallidus et subtristis, semper cogitabundus,
 affectatam præ se ferens humanitatem, res militaris
 mediocriter doctus, pluris tamen habitus est q̄ esset,
 naualis pugnae oppugnandiq; baud ignarus, sagittādi
 peritissimus habitus, post captam Troiam maior, q̄
 equum ligneū excogitauerit, q̄q; illic inclusus prom-
 ptior et gaudacior cæteris extiterit, statura exigua et
 simis naribus fuit, oculorum lumen crebris uariisq;
 tum suspicionibus, tum cōmentationibus distractum,

atq; aberrans, cogitabundum hominem exprimebat. In fabulis semper palliatus introducitur, siue q̄ ali-
quando insaniam simulauerit, quo tempore tectum se
esse uoluit, ne agnitus cogeretur in bella prodire, seu
ob singularem sapientiam, qua tectus munitusq; plu-
rimum socijs pfuit. CAPTAE. post deletū Ilium.
FVLGORE. flamma, igne, ex magno principio.
EX FUMO. re tenui & debili principio. DARE
LVCEM. luculentum opus cōponere. EX FV-
MO. prouerbiū de fumo ad flāmam. DEHINC.
post tenue principium. PROMAT. edat, narret,
exponat. ANTIPHATEM. Lestrigonum regē,
qui humana carne uestebātur. CHARYBDIM.
uoraginem. NEC REDITVM. eos reprebēdit
qui nimis alte longeq; ordiuntur, cum poetarū pro-
prium sit a medys incipere, ut Homerus fecit a pre-
cibus Chrysæ sacerdotis, & Virgilius a septimo an-
no erroris Aeneæ. quo uitio uidētur fere latini om-
nes poetæ, præter Virgilium, laborasse. REDI-
TVM DIOMEDIS. id est scripturus fabulam
de reditu Diomedis. MELEAGRI. fratris Ty-
dei, patruī Diomedis. INTERITV. a princi-
pio familiæ. DIOMEDIS. Diomedes corpore
fuit agili, oculis cæsis, recto naso, crinibus tortis, ac
sine ullo lenocinio hirtis & globosis. GEMINO

IN POET. HORA.

OVO. *a partu Leda, sed a precibus Chrysa.* IN
 MEDIAS RES. *iuxta finē, inter principium et*
finem eius quod scribere intendit. AD EVEN-
 TVM FESTINAT. *ad finem properat, nec*
principia dicit, sed apte rapit auditorem, ut quae prae-
cesserunt, apte et cōmode intelligat. QVAE DE-
 SPERAT. *neq; enī omnia cogitur poeta narrare.*
 De Palamede Neptuni nepote uiro fortissimoq; iu-
 stissimo fraude insidusq; Vlysis cāso nihil meminit
 Homerus, licet ferant Homerum cum Ithacam ap-
 pulisset, Vlysis anima euocata res troianas didicisse
 hac conditione, ut nullam de Palamede faceret men-
 tionem. MENTITVR. *nō solū omittit multa*
bonus poeta, sed si uiderit nō posse quadrare, mutat,
ut Virgilius de Didone, quam constat fuisse castissimam. REMISCET. *nō solum semel, sed saepe*
miscet. PRIMO. *ab initio, omnia omnibus respon-*
deant. FALSA. *ficta.* TV QVID EGO.
praeceptum quo pacto quisq; poeta possit attentum au-
ditorem habere. id autem fiet, si mores cuiusq; aeta-
tis seruabuntur. neq; enim satis est personarū decorū
seruare, ni seruetur et aetatis. EGO. *iudex seuerus,*
doctus, et criticus, id est censor. POPVLVS. *in-*
doctus. PLAUSORIS. *plausus manū collisione*
debantur. post ludis peractis quo maior ederetur
plausus,

plausus, clavi & lapides in labrum conijcebantur. Claudius deinde Pulcher instituit, ut lapidum collectus ita fieret, ut ueri tonitrus similitudinē imitaretur, quæ Claudiana tonitrua sunt appellata. EGES. id est uis plausum dari tuæ fabulæ? MANENTIS. expectantis. AVLEA. usq; ad finē fabulæ. Aulea pictus erat ornatus ex attalica regione Romam usq; perlatus, pro quibus suppara posterior ætas accepit. erat autem minutum uelum, quod populo obfistebat, dum fabularum actus cōmutabantur. MANENTIS. expectantis, ut quater obducerentur aulea. i. totos actus, totā fabulam. SESSVRI. sedebant enim in theatro, sed senatores in orchestra. Senatus a populo secretus ludos spectare coepit. P. Cornelio Scipione. Gn. Sempronio Longo cosq; quæ res uulgi animumq; fauorē a Scipione auertit. ET VSQVE. nunquam discessuri usq; ad finē. CANTOR. actor comædiæ, qui cantica pronuntiabat, quæ modis temperabantur, non a poeta, sed a perito artis musicæ, nec iisdem semper modis, sed mutatis. DONEC VOS. spectatores. NOTANDI. exprimendi, significandi, aperiēdi. DECCR. ornatus gratia, uenus. MOBILIBVS. quæ in horas mutantur. AETATIS CVIVSQVE. Varro quinque ætatis gradus æquabiliter putauit esse

IN POET. HORA:

diuisos, unumquemq; scilicet præter extremum, in annos quindecim. itaq; primo gradu usq; ad annum quartumdecimum pueros dictos, q̃ sint puri & im- pubes. secundo, ad trigesimum adolescentes, ab ado- lescendo sic nominatos. tertio ad quintum & quadra gesimum iuuenes appellatos, q̃ rempu. in re militari possent iuuare. quarto ad sexagesimum seniores uo- catos, q̃ tunc primum senescere corpus incipiat. inde usq; in finem uitæ quintum gradum factum, senesq; uocitati. Hippocrates septem ætatis gradus fecit, ut prima ætas infantia esset, secūda pueritia, tertia ado- lescentia, quarta iuuentus, quinta uirilis ætas, sexta æui maturitas, septima senectus. Solon decem fecit ætatū ordines per annos septenos, ut prima ætas in- fantiæ sit ad emissionem dentium. pueritia ad pubem & genitalia tentamenta, in cuius fine crassior fit uox & inæquabilis, unde hircuitalli dicti. adolescentia ad barbæ longitudinem. sed huius tres gradus, in prin- cipio mellephebus, in decimosexto ephebus, in deci- mosextimo exephebus. iuuenta ad uires, uirilis ætas ad stirpem relinquēdam. cui & sexta hebdomas depu- tatur ad prudentiæ processum & sirenuæ agendum. æui maturitas septima & oētua hebdomade cōtine- tur, ad sensum uigentem & linguam consummatam. senectus reliquias habet uiriū. decrepita morti ma-

tura est. *Seruius Tullus ætatis gradibus tribus contentus fuit, cum cēsum Romæ insituerit, ut qui minores essent annis septemdecim pueri, inde ad annum quadragesimum sextū iuniores, supra eum seniores appellarentur.* SCIT PVER. post septimum annum firmatis dentibus, uoce et pede, inter septimū et quatuordecimum. CERTO PEDE. non uario, non imbecillo. SIGNAT. figit uestigia. GESTIT. cum gestu cupit. PARIBVS. cum æqualibus. IRAM. cito irascitur. TEMERE. sine causa, nullo consilio. MVTATVR IN HORAS. homo a stirpe ipsa neq; absolute bonus, nec malus nascitur, sed ad utrumq; proclive illi est ingenium. habet semina utrarumq; rerum, quæ educationis disciplina in partem quamuis alteram emicāt, atq; ideo docendi sunt pueri, ut sciant quæ sequenda, quæ fugienda. Nihil autem eam ætatem æque commendat, ac uerecundia, ut enim in senibus grauitas, in iuuenibus alacritas, ita in adolescentulis uerecundia, quædam quasi dote naturæ commendatur. Hinc pietas oritur, hinc honor erga senes, hinc tuta sit castitas. bonus enim regēdæ castitatis pudor comes est, qui se prætendat, et quæ prima pericula sunt, pudicitiam tentari nō sinat. Hæc illa est, quæ motum, gestum, incessum tenet, nam mentis habitus in corporis

H.ij.

IN POET. HORA.

statu cernitur. Hæc deniq; linguæ frenum adhibet.
 quod qui fecerit omnes uirtutes in una uerecūdia cō-
 sequetur. IMBERBIS. imberbum libētius di-
 xere maiores q̃ imberbem. Varro imberbi iuuenes,
 et Cicero imberbum dixit. quin et kalendis ianua-
 rijs de lege agraria imberba iuuētute. T. L. ius im-
 berbes putat dixisse uulgariter. REMOTO. post
 sextumdecimum annum sumpta uirili toga. TAN-
 DEM. ad iuuenū desīderiū alludit. CVSTODE.
 pædagogō, magistro. quod officium apud maiores no-
 stros seruile erat. APRICI. patētis, quem sol ape-
 riat. CERTVS. facilis, mollis. FLECTI. inest
 nostris sensibus implicita boni imitatrix, malorumq;
 omniū mater uoluptas, cuius corrupti blanditijs, quæ
 natura bona sunt, q̃ quadam illecebra dulcedineq; ca-
 rent, non cernimus. difficileq; est in illo ætatis quasi
 flexu stare, aut sine casu aliquo p̃lapseoneue ingredi.
 Illæ enim cupiditates quæ nobiscum sunt genitæ ac
 educatæ, cum diutius inclusæ, et prima ætate et pa-
 rētum cura, et pædagogorum magisterio compressæ
 constrictæq; fuerint, ubi primū libera toga sumitur,
 quasi carcere emissæ subito se nonnunquam profun-
 dunt, atq; eijciunt uniuersæ. Tunc itaq; magna est cu-
 ra adhibēda, dum facilis animus est et adhuc tracta-
 bilis, dum idoneum tempus est laboribus, ingenijs per
 studia

studia agitandis, & corporibus per opera exercendis.
ASPER. durus, qui non facile monitorem ferat.
TARDVS. quia nō cogitat. **SUBLIMIS.**
 tumidus, elatus, superbus, gloriosus. **AMATA**
RELINQVERE. si forte consuetus fuerit.
PERNIX. calor plurimus qui in iuuenibus est,
 facit ut motu plurimo uehementissimoq; inquietetur,
 quo desistente prudentiores esse incipiūt. atq; ideo nō
 tantū mente ualent iuuenes, q̃ mēs uicem gerit apud
 nos instrumēti, sed a natura dati. cæteræ enim omnes
 scientiæ artesq; nostra opera sunt, mētem uero ipsam
 opus esse naturæ fatendum est, & quemadmodū ma-
 nus statim a principio suum opus non exequitur, sic
 mens non nisi ætate procedente cōsummat & ab-
 soluitur. hinc uirilis ætas prudentior. **CAVET.**
 fugit cōmittere, unde dicendum sit illi, non putaram.
AETAS VIRILIS. post trigesimū annum.
HONORI. ambitioni per uirtutē. **MVTARE**
LABORET. nec temere incipit, nec cito desistit.
MVLTA SENEM. quemadmodū ex amphora
 quod est syncerissimum effluit primum, grauissimum
 quodq; turbidumq; subsistit, sic in ætate nostra quod
 est optimum primo est, quod cum exhauseris sola fex
 remanet. Hinc senectus mala ætas a Plauto dicitur.
 & Virgilius noster.

IN POET. HORA.

• Melior quoniam pars acta diei.

Prima ergo ætatis pars optima, nam deinde.

• Subeunt morbi, tristisq; senectus.

MISER ABSTINET. calor qui eam
continet sedem, qua speramus et sapimus, facit ut se-
curo animo simus, unde iuuentus sse plena est, senes
parū sperare possunt, et quia non sperant partis par-
cunt. **GELIDEQUE MINISTRAT.**
gelidi enim et frigidi sunt senes. hinc excrementosa
sunt et uigiles, minusq; concoquunt. siccitas autem
quæ in eis est, facit ut nigrescant, parumq; uideant,
quod siccitas cutem induret. **SPE LONGVS.**
nō q̄ ardēter speret, habet enim minus sse senectus,
sed q̄ multa animo constituat, nepotes, pronepotesq;
meditetur, nec sentiat uicinā mortē. **DILATOR.**
q̄ differat negotia. **DIFFICILIS.** quem om-
nes oderint, querulus, unde Næuius tardigemulum
senium appellauit. **LAUDATOR TEMPO-**
RIS ACTI. uitio malignitatis humanæ, uetera
semper in laude, præsentia in fastidio sunt. Romanis
lex erat quæ a quinquagesimo anno militem non co-
gebat, a sexagesimo senatorē non citabat. **CASTI-**
GATOR. senes adolescentium uitam ex sua libi-
dine moderantur, quæ tunc est, non quæ ante fuit.
ANNI VENIENTES. tota ætas uirilis.

FERVNT. offerunt, quia uires, ingenium, uirtus, mens, diuitiæ, doctrina, hæc omnia ea ætate cre-
scunt. **RECEDENTES.** in senectâ, id est mala
 ætate. **MORABIMVR.** hæc omnis nostra sit
 uis. **ADIVNCTIS.** in illis rebus quæ sunt ætati
 adiunctæ et aptæ. **NE FORTE SENILES.**
 seruandæ sunt partes personarum, ut si puerû intro-
 ducas et scribas, loquatur quæ puero congrua sint,
 nam si adolescētem auarû, leuem uirum, senem pro-
 digum describas, natura ipsa non constet, sed cōtraria
 coniungatur. **ADIVNCTIS.** in illis quæ illi
 ætati, quam descripseris, adiuncta sint et propria.
MORABIMVR. circa ea uersabimur. **AVT**
AGITVR RES IN SCENIS. in tragæ-
 dijs græcorû tria sunt, Angelus, Exāgelus, et Aut-
 angelus. angelus est is qui nuntiat ea quæ accidunt,
 exangelus qui nūtiat ea quæ fiunt intus, illis qui sunt
 extra, quem Thucydides diangelon appellauit. aut-
 angelus autem est qui a nullo missus nuntiat sponte
 sua. **RES.** materia quæcunq;. **REFERTVR.**
 nuntiat. **IN SCENIS.** quæ facta sunt domi.
 neq; enim cōuenit omnia in ipsa scena fieri, sed multa
 narrare, ut de Medæ sæuitia. **AVT AGI-**
TVR. unde dramatica dicta est fabula. **SE-**
GNIVS. non tam acriter atq; ardentem irritat,

IN POET. HORA.

mouent. Duo sunt quibus animi mouentur, oculi *et*
 aures. sed oculorū sensus maxime est acerrimus, qui
 ponit pene in conspectu animi quæ cernere *et* uidere
 non possumus. Vnde recte illi fecisse uidentur, qui
 primi localem memoriam inuenerūt, ut quæ auribus
 aut cogitatione perciperent, etiam oculorum cōmen-
 datione animis traderētur. DEMISSA. nuntiata.
 FIDELIBVS. plus enim oculis q̄ auribus credi-
 mus *et* mouemur. unde carēt libri spiritu illo, ppter
 quem maiora eadem illa cum agūtur q̄ cum legūtur
 uideri solent. Hinc portam illam corneam oculos uo-
 lunt significari, q̄ *et* cornei sint *et* cæteris membris
 duriores. nam eburnea os significat *et* dentes, q̄ quæ
 loquimur falsa esse possunt, quæ uidemus sine dubio
 uera sunt, iuxta illud Plauti, Pluris est oculatus te-
 stis unus, quam auriti decem. Socrates tamen ad phi-
 losophiam percipiēdam plus auribus dedisse uidetur
 q̄ oculis, quo cum sentit Lactantius, q̄ doctrina *et*
 sapientia auribus percipi possit, oculis solis nō possit.
 TRADIT. uidet, sumit, de se iudicium facit.
 PROMES. deduces, propones oculis. TOLLES
 EX OCVLIS. dabis auribus nuntianda. FA-
 CVNDIA. nuntius dilucide narrās. NE PVE-
 ROS. huiusmodi, inquit, ex oculis tollenda sunt *et*
 uerbis explicanda. NARRET. introduc nuntiū

*narrantem. INCREDVLVS. uel quod putem
sic fieri debere, uel tanto casu attonitus non credam
posse fieri, ut mater filios trucidet, aut homo in an-
guem uertatur. POSCI. bona fabula. NEVE
MINOR. omnis comœdia siue tragœdia quinque
actus habet, hoc est quiquies in scena dicitur. Comœ-
dia enim uetus choros habuit ut tragœdia, qui actus
diuidunt excluso choro, ut aliqua quies spectatoribus
daretur, actus interpositus est, dum tibicen populum
delectaret. nonnulli in proscenio, ne locum quidem
reliquerunt. unde apud illos dirimere actus quincus-
partitos difficile est. POSCI. placere quæ uult et
delectare. SPECTATA. quæ semel acta et
uisa est. REPONI. iterum recitari. Eunuchus
Terentij tanto successu et plausu primo est acta, ut
rursus esset uendita, et ageretur iterum pro noua.
PRODVCTOR. prolixior. NEC DEVS
INTER SIT. deos introduci solitos in comœdys
uel testis est Amphitruo Plautina, in qua non solum
Iuppiter et Mercurius sub Amphitrionis Sostiæq;
personis agunt, sed et ipse Iuppiter perturbato tâtis
malis Amphitrioni confessus deum, et qualis uideri
solet cœlicolis adfuit, illumq; bono animo esse iussit.
Introducuntur et dy in comœdys, prologis narrâdis,
ut Lar i Aulularia, Auxiliû in Cistellaria. Poteft et*

IN POET. HORA:

*ad inuocationes referri, quas suis locis. i. difficillimis
et arduis opportune fieri conuenit. ut*

Pandite nunc Heliconæ deæ, cantusq; mouete.

*Sed et magna semper arte in quocunq; poemate dij
introducuntur, cum eo res deducta est, ut uiribus hu-
manis perfici non possit. Aeneas interfecto Priamo,
tenentibus omnia græcis et igne, nunquam e regia
euasisset, nisi*

- Ducente deo flammam inter et hostes.

*nec Turnus troianis castris erupisset, ni Iuno uires
animusq; ministrasset. hinc Minerva medys cœtibus
grauum cobibendo Achilli interuenit soli perspicua,
at aliorum nemo tuetur. Hinc illa uirgiliana matrona
in medys millibus auxiliabunda fratri conuersatur.*

- Miscetq; uiris, nec cernitur ulli.

INTER SIT. in comædijs interueniat uel quo-
cunq; poemate. **NODVS.** difficultas, res difficilis,
quæ aliter explicari non possit. **VINDICE.**
uindicante, exponente et liberante te ab ignoratione
rerum. **NEC QUARTA LOQVI PER-**
SONA. in dramate tres personæ solæ agunt, quarta
muta est, quamuis latini plures personas in fabulis
introduxerint, ut spatiosiores frequentia facerent.
Ea muta persona Cophon Prosopon facit, unde illud
Martialis.

Comædi tres sunt, sed amat tua Paula lupercos.

Quatuor et Cophon Paula Prosopon amat.

plures tribus introducuntur recte, si tumultum non fecerint, sed dum duæ aut tres loquuntur, cæteræ taceant. Potest et quarta persona ad scenicos primariæ secundarum, tertiarumq; partium referri, neq; enim solent mutæ personæ magnas partes habere in fabulis, sed tres aut quatuor, reliquæ parum loquuntur.

ACTORIS PARTES. chorus personas non habet definitas, quippe omnes iuncti loquuntur quasi uoce confusa, et concentum in unam personam formant, nunc circa fumantes aras spatiâtes, nunc gyros reuoluentes cum tibicine concinunt. Est autem eius officium laudare uirtutes, persequi uitia, a dys ueniâ impetrare, et fauere infelicibus. Potest esse tam uirorum q; fœminarû, ut i Troade Senecæ.

ACTORIS. histrionis in scena et mimi. **OFFICIUM VIRILE.** solet seruari in choris, ut si uir laudandus sit, uirorum sit chorus, si mulier, mulierû. Hinc ait defendat partes actoris. i. quas partes quisq; actor fecerit, uiriles, an muliebres. sit tamen chorus ut lubet, sermonē semper grauem et uirilē esse oportet.

VEL ACTORIS PARTES. id est unum commendet ex actoribus, non omnes simul, et officium uirile defendat. i. si quid egit uiro dignū laudet

IN POET. HORA:

DEFENDAT. *suscipiat sibi.* MEDIOS
INTERCINAT ACTVS. *recte me-*
dius actus, nam quemadmodum personis mimisq; de
proscenio in scenam redeuntibus, apud latinos actus
distinguebatur, sic apud græcos ascēdente in orche-
stram choro. INTERCINAT. *chorus cātet.*
QVOD NON PROPOSITO. *quicquid*
canit chorus debet ad argumentum referri, & ple-
rūq; ad eum ipsum actum quem distinxit. PRO-

POSITO. *rei argumento.* HAEREAT. *accō-*
modetur materiæ. REGAT. *mitiget, moderetur,*
ut in Hercule furēte. TIMENTES. *pauētes,*
ut Hippolytum. DAPES. *frugalitatem.* SALV-

BRUM. *quæ salutem det custodientibus.* OTIA.
pacem. APERTIS PORTIS. *cum tuta sunt*
omnia. COMMISSA. *quæ eius fidei sunt credita.*
MISERIS. *ut Hec̃tori.* TIBIA NON VT

NVNC. *tibiæ quanto in pretio fuerint apud popu-*
lum romanum, bonos tibicini a Numa Pompilio ad-
hibitus testatur, quo per tribunos consulari potestate
spoliati cum excessissent Tiburq; petissent, magna
arte reuocati, ingentiq; letitia excepti sunt. Eorum
opera in ludis, sacris, nuptys, funeribus erat necessa-
ria, quod modulatione rationalis anima oblectatur,
licet apud mortuos non tibicines, sed sicinistæ & si-
ticines

ticipes canerēt quodam proprio tubæ genere. Sybaritæ in Italia ad tibiae dimicabant. idem in Græcia Lacedæmonij, qui nec pugnabāt nisi musis litassent. Amazonum regina cum ad Alexādrum ueniret ut cōciperet, tibicina pro maximo munere regē donauit Inuenisse autem tibiae Pallas perhibetur, et ob oris deformitatem reiecissee. et Aristoteles octauo Politicorum, nō tam ob deformitatē reiectas putat, quam quod nihil tibiæ usus confert ad intelligēdum, unde tutore Alcibiade attica iuuentus desyt tibijs canere, et lyram sumpsit. Comædias ad tibiae agi solitas uel illud indicat, quod Roscius in senectute tardiores sibi fecerat tibiae. quin et in antiquis comædijs acta inuenimus paribus tibijs aut disparibus, aut seranis, aut dextris, aut sinistris. Monodio unam tibiā inflabant, synodio utranq; dextræ sua grauitate seriem, diſtinctionemq; comædiæ pronuntiabant, sinistrae et seranæ acuminis leuitate iocos ostendebāt. utrisq; mistos grauitate iocos denūtiabant. FORAMINE PAVCO. quatuor enim a principio fuerant. aucto eorum numero creuit uox tibiæ, de cuius foraminibus uicinis acutus sonus emittitur, de lōginquis uero et termino proximis grauior, item acutior per patentiora foramina, grauior per angusta, et utriusq; causæ ratio una, quia spiritus ubi incipit fortior est, deſectior

IN POET. HORA.

ubi desinit. VINCTA. compacta. AEMVLA.
 magnitudine uocis. TEN VIS. ad ornatum.
 ASPIRARE. cupere ut sonaret. SEDILIA.
 caueam. SPISSA. plena spectantibus. QVO.
 flatu. MEMORABILIS. i. rarus. VICTOR.
 Romulus pomærium posuit a foro Boario ubi æneū
 tauri simulacrum erat, ut magnam Herculis aram
 complecteretur, inde certis spatijs interiecti lapides
 per ima montis Palatini ad aram Consi, mox ad cu-
 rias ueteres, tum ad sacellum larum, forumq. roma-
 num. Capitolium non a Romulo, sed a Tito Tatius
 additū, mox pro fortuna pomærium auctū, nec nisi
 ijs qui protulerint imperium terminos urbis propa-
 gare dabatur, non tamen romani duces quanquam
 magnis nationibus subactis usurpauerunt, q. nunquā
 prouinciali sed italico agro acquisito mos proferre
 fuit. Lucius Sulla ultimus romanorum ducum id fe-
 cit. Cæsar campum martium urbi addere cogitabat,
 Augustus deinde protulit, quem imitatus Claudius
 nouos urbi terminos posuit. Marcus Varro libro an-
 tiquitatū duodeuigesimo scriptū reliquit, Vectum
 augurem non ignobilem solitum dicere, si ita esset
 ut tradebant historici de Romuli in urbe condenda
 augurijs ac duodecim uulturibus, quoniam centum
 uiginti annos præterisset incolam populus roma-

nus, ad mille et ducentos peruenturum. EXTENDERE. augere imperium. PLACARI GENIUS. genio maiores nostri uino non hostys faciebant natali die, unde illud,

Funde merum genio. id autem ea fiebat

causa, ne die qua ipsi lucem accepissent alijs demerēt.

Genio facta neminem oportebat ante gustare quā eum qui fecerit. Est autem genius cuius in tutela quisque

natus uiuit, dictus quod nobiscum sit genitus, uel quod

statim nos genitos suscipiat et tueatur. Duplicem omnibus omnino genium nobis datum affirmant sapientes,

quibusdam etiam datum uidere suum genium, sed quos

multiplices ornauerint uirtutes, hinc in Homeri carminibus non deos immortales credendum cum uiris

fortibus colloquutos, nec adfuisse pugnantibus, sed

familiares genios cum iisdem uersatos, quorum adminiculis enituere, Pythagoras, Socrates, Numa, superior

Scipio Africanus, Marius, Octavius Augustus, Brutus, Constantius, Iulianusque imperatores.

FESTIS. statis constitutis. IMPVNE. sine legibus.

PLACARI. sacrificare. DIVINO. ad diem perducto.

IMPVNE. sine ulla lege sumptuaria, quæ multiplex erat. plures enim leges sumptuariæ latæ fuerūt, quæ sumptum cohercebant in cibis.

QVID ENIM SAPERET. romani

IN POET. HORA.

mores per accitam lasciuia paulatim euertere ceperunt. hinc aucta tibia, aucta fides, auctum loquendi genus, mensuraq; theatri moles posita. nam antea subitarijs gradibus et scena in tempus structa ludi edebantur. quin et uetustiora si repetas, stantem populū inuenias spectauisse. Eo deinde luxu uentum est, ut procures romani in scena polluerentur. SAPERET. cur non corrumpere. LIBERQVE LABORVM. tutus ab omni bello. VAGVS. tibi. SIC. ex hac luxuria. SEVERIS. grauib. FLIDIBVS. praeter tibias, et fides maiorem uocare. pere. Ante tres chordae erant, post septem, deinde decem, quoniam tot sunt humanae harmoniae uarietates. Lacedaemonij, et Timothei fidibus neruos demi iusserunt, quod plures quam septem haberent. PRAECEPTS. facta ob luxuriam. SENTENTIA. philosophia. DIVINA FUTURI. per quam possimus futura conijcere. DELPHIS. obscuriora sunt dicta eorum philosophorum responsis delphicis et apollinis. OB HIRCVM. ob nomen tragediae et uetus morem. nam olim tragicis autoribus tragos. i. hircus praemium catus proponebatur. hinc tragediae libero patri dicata. MOX. deinde cum uidit tragedia non placere, nec iocos habere. AGRISTES SATYROS. uetustissima satyrae genus sola carminum

minum uarietate mistum erat, unde sibi nomen sum-
psit. eam primum tragici poetæ induxerunt, ubi li-
ceret licentius lasciuires. nec ut putant multi ex luctu
in gaudium finiebat, sed perpetuum risum eleganti,
scenicoq; modo habebat, ut apud Euripidem Hercu-
les emptus a Syleo uti uillicus et seruus mittitur in
agrum ad uineam fodiendam. ille magnis uiribus
sumpto ligone, uites eradicat, easq; comburendas in
uillam humeris cōportat, cum uescitur, panes ingen-
tes frangit, ingentem bouem macerat, fores cellæ ui-
nariæ diruit, easq; pro mensa parat, optimum deliorū
delinit, alterum seruum qui agro præest toruum assi-
ciens, iubet ocyus poma ad se ex arboribus afferre,
deniq; consurgens uicinum flumen in habitationem
introducitur, quod cuncta deleuit. Varro Menippum
imitatus satyras scripsit. Cum in theatro agebantur
satyræ, scena ornabatur arboribus speluncis, monti-
bus, reliquisq; agrestibus rebus. nam in tragædijs co-
lumnis, et fastigijs, signis, regalibusq; ornamentis, in
comædijs, priuatis ædificijs, et mœnibus, prospecti-
busq; fenestras habētibus ad cōmunium ædificiorum
imitationem scena instruebatur. N V D A V I T.
aperuit, q̄ in satyra multa fiunt libere, et dicuntur
liberius. AGRISTES. erāt enim personæ quædā
satyricæ, ut Silenus et Satyrus, tum canus, tum bar-

IN POET. HORA.

balus. Dionysius ludos æditos scribit Romæ, i quo-
rum pompa chori satyristarū in silenorū specie æge-
rentur ornatu & amictu satyrico. **NVDAVIT.**
nudos introduxit. **SATYROS.** satyram scripsit
fabulam. **TENTAVIT IOCVM.** satyram.
GRAVITATE. tum carmine, tum personis, sal-
ua tragædia iocos scripsit. **SPECTATOR.**
populus qui cōueniebat ad ludos. **ILLECEBRIS.**
nugis, iocis. **NOVITATE.** noua oīa habēt gratiā
FVNCTVS SACRIS. qui iam sacrificauerat.
EXLEX. quem nulla lege potes regere. i. qui sacris
& rei seriæ operā dedit, iam cupit uoluptati genioq;
indulgere. **RERVM.** cum dixisset satyram sum-
pisse initium a tragædia, dat legē quatenus & quo-
usq; discedendum sit a grauitate. **COMMEN-**
DARE. laudare, & scriptos dare. **RISORES.**
& satyri leues sint & rideant, serijs iocos mistos ha-
beant. **DICACES.** qui malignis salibus hunc &
illum laceffunt, mordent & latrant. **SERIA.** tra-
gædiam. **LVDO.** i. satyra, id est introducere easdē
personas in tragædia, quas in satyra. **DEVS.** ut Si-
lenus, Bacchus, Pan, & semidei heroes, ut Hercules.
REGALI AVRO NVPER. in tragædia.
OBSCVRAS TABERNAS. in comædiā.
Tabernariæ fabulæ dicebantur apud romanos, hu-

militate personarum et argumentorum similitudine
comædijs pares, dictæ quæ priuatæ domus in qua scena
figebatur tabulis tegeretur. NVBES ET IN-
ANIA. id est des personam tragicam in comædia.
HVMVM. id est comædiam. EFFVTIRE.
inepte et imprudenter emittere significat. Marcus
Varro, Euax nihil significare ait, sed effutitiu esse
uerbum quoddam. Cicero Thufculanarum quinto,
Nec hoc sic agitur, ut ex tēpore quasi effutire uidea
tur. unde Plautus in Truculēto futatim dixit, id est
imprudenter et inconsulte. LEVES. ut puta ex
iambis omnibus, qui culpātur in tragædijs. Incitātur
autem tragædiæ spōdæico carmine, unde M. Tullius
Pacuij carmina in tragædia quæ Teucer inscribi-
tur, spōdealia appellauit. MOVERI FESTIS.
comparatio sumpta a matrona, quæ ita corpus mouet
ut grauitatem seruet. Matronis saltare quibusdā
diebus apud romanos licitum fuisse illud indicat sa-
lustianum, Psallere, saltare elegantius, quæ necesse est
probæ. Erat matronis saltandi cura, sed non curiosa
usq; ad artis perfectionem, unde est illud Horatij.
Doceri motus gaudet ionicos, matura uirgo.
Extant Scipionis uerba, qui queritur in ludum hi-
strionum conuenire pueros uirginesq; ingenuos, ut in
uno ludo quingentos se uidisse testetur. Saltationem

IN POET. HORA.

autem Romanis fuisse non indecoram uel solus exemplo est Appius Claudius, qui salius usq; ad senectutem fuit, et pro gloria habuit, et inter collegas optime saltitaret. Scipio Africanus triumphale corpus suū mouebat ad numeros. quin et Marci Tullij ætate inter Gabinium Ciceronis inimicum et Marcum Cæciliū Metellum, et Licinium Crassum diuitis filium magna cōtentio fuit, quisnam melius saltaret. Orta est saltatio ab illis tēporibus heroicis, et a Socrate et Platone Chrysippoq; probata, a lacedæmonijs celebrata tāquam ad bella utilis, a romanis est in ipsis sacris usurpata. MOVERI. i. ita saltet ut a grauitate non discedat. Ita satyra a tragœdia nō discedet ōnino, quæ eius est filia. NON EGO INORNATA. id est non putabo me satyrographum probum, si rusticis tantum uerbis et procacibus proprijsq; fuerim usus, tantumq; discefferim a tragœdia ut opus comædiæ simile ediderim. sed si finxero aptos satyros ex rebus notis. i. ex argumentis tragœdiarum et comædiarum. quam rem licet multi sint putaturi facilem, nihilominus si aggredi uoluerint, sudabunt multum, et fortasse rei difficultate deterrebuntur. AMABO. non sectabor ut amatores. INORNATA. rustica sic accita de syluis. VERBA DOMINANTIA. propria nō translata, quæ
nullo

nullo possis alio uerbo melius exprimere, ne uerecundia subiacent, ut

Dic mihi simpliciter comædis et cytharædis.

Fabula quid præstet carius ut futuant.

TRAGICO COLORI. characteri et personæ tragicæ. i. non tantum a tragœdia discedat et in comædiam dilabatur. ALVMNI. Bacchi a se nutriti. NOTO. ex nota materia, ex notis rebus, neq; magnificiam, si argumentū sententiæq; aliunde sint quæsitæ, et notæ, dummodo ordo et compositio polleat. SVDET. ex labore. LABORET. exagitetur, crucietur, oleum et operam perdat. POLLET. sibi uendicat. SERIES. ordo, dispositio. IVNCTVR A. decens structura uerborum, et connexio. SVMPTIS. uerbis, scilicet de medio. i. de cōmuni et nota materia. HONORIS. gratiæ, uenustatis et dignitatis. SYLVIS DEDVCTI. caueant, inquit, satyrā scribētes, ne fauni introducti, qui rustici et syluestres esse debent, nimium loquantur elegāter et ciuilitèr, lasciuiantq; urbane, quoniā spectatores non essent latuuri, sed poetam exploderēt. DEDVCTI. aditi in urbem et in theatrum et satyram. SYLVIS. e syluis, q̃ syluicolæ sint satyri. uel SYLVIS. e scena quæ arboribus ornabatur instar syluæ. ME IVDICE. quantum ualeam

IN POET. HORA.

iudicare. IN TRIVIIS. in quibus sunt nuge, &
dicuntur urbani ioci. FORENSES. qui in foro
uersantur, qui habent iocos & mordacia dicta, scom-
mata, & diceria. IUVENENTVR. lasciuiant.
TENERIS. deliciosis, mollibus, suauibus, deli-
catis. CREPENT. diuus Hieronymus ait, cum
Antonius iret ad Paulum heremitam occurrisse illi
faunum, qui magis frendebat quam diceret. CRE-
PENT. i. loquētes crepitū edant. IMMUNDA.
non propria, nō latina. IGNOMINIOSA.
cōtumeliosa. EQVVS. equestris ordo. PATER.
patritij. RES. i. census ut assidui foro adessent. Clo-
dius legem tulit, ne censores quemquam equestri or-
dine equo priuarēt, nisi accusatus fuisset. i. omnes no-
biles & diuites. OFFENDVNTVR. quia plus
habent iudicij. FRICTI CICERIS. in theatro
uendebatur cicer & fricta nux. unde Martialis.
Vendit qui madidum cicer corona.

FRICTVM. a frigo uerbum est, quod torreo si-
gnificat, & frāgo. Plautus in Bacchidibus, tam fri-
ctum illum reddam, q̄ frictū est cicer. & in Penulo,
papauer, triticum, & frictas nuces. pro emptore autē
ciceris & nucis, accipitur plebs illa infima, quæ erat
in gradibus inferioribus. ET SI. etiam si laudat
plebs, docti & seueri nō probāt & ingeniosi. PRO.

BAT. id est si plebs plausum dat. **SYLLABA LONGA BRE.** fabulæ theatrales iambico uersu constant, quod sit orationi similimum. quoniam uerba melius in syllabas longas finiunt et cadunt. nec dici potest quod aptissimus sit iambus in ijs quæ demisso ac humili sermone dicuntur. Sed iambicorum non eadem omnium est ratio. sunt enim uel. monometri, uel dimetri, uel trimetri, uel tetrametri. nam pentametros et exámetros rarissime est inuenire. trimetris et tetrametris frequenter utuntur comici. Græcis magna cura iambi fuit. latini ueteris comædiæ scriptores sequi uoluerunt. prologos, et primarum scenarum actus trimetris comprehenderunt. deinde tetrametros subdiderunt. Postea uariarunt, unde putauit antiquitas, latinorum comædias longe plus habituras gratiæ, si infra trimetros constitissent. **PES CITVS.** unde præpes a Terentiano dictus. et Ausonius uelociorem parthorum sagittis uocat. **VNDE.** ex qua celeritate. **TRIMETRIS.** licet enim senarius sit uersus, quod sex pedes capiat, tamen quia ter feritur, hinc trimetrus dicitur.

Scandendo binos quod pedes coniungimus.

idque ob iambi sit celeritatem. **ACCRESCERE.** addere. **ICTVS.** sex pedes. **PRIMVS.** scilicet uersus iambicus. **SIMILIS.** quoniam omnes iambi

IN POET. HORA.

*erant, alterius opis non egentes. i. nullum admiscens
 pedem nisi iambū. PRIDEM, paulo ante. NON.
 ut cœpit uariari. GRAVIOR, ut moueret popu-
 lum, ut sua grauitate delectaret. STABILES.
 contra iambi celeritatem. AVRES, spectatorum.
 STABILES, ponderosos. IN IVRA PA-
 TERNA, id est locis imparibus. nam impar nu-
 merus maribus attribuitur, par fœminis, impar ergo
 numerus mas, par fœmina nuncupatur. Arithmetici
 imparem numerum patris, et parem matris nomine
 uenerantur, unde monas solum numerorum semina-
 rium, mensurarum, incrementorumq; causa Iuppiter
 dicitur. licet cupidinem, concordiam, pietatem, ami-
 citiamq; alij uocēt. Dias uero Iuno perhibetur, q̃ in-
 ter eā ac monadem prima coniunctio sit, cōsortiumq;
 cōsimile. binc coniux et germana Iouis. RECE-
 PIT. cum enim iambicus uersus nimis celer esset,
 placuit admisceri spondeos, qui impetum illius cobi-
 berent, sed locis imparibus. suscipit autem iambicus
 pedes quinq; iambū, tribrachum, anapæstum, dacty-
 lum, spondeum, et solutiones eorū. COMMODO-
 DVS, qui libens admiserit. SOCIALITER.
 cōmuniter et promiscue. SECVNDA SEDE.
 id est locis paribus. HIC. iambus cōmodus et pa-
 tiens, qui spondeum admittat. NOBILIVS.*

notis, celebratis, ut apud Plautum in *Rudēte*, qui se
 scelere fieri uolunt nobiles. et Cicero, crudelitatem
 Phalaridis nobilitatam dixit. sic Terentius nobile
 scortū appellauit. ENNI. comici poetæ. ACCI.
 Lucius Accius tragædiarū scriptor Marco Pacuio
 iam sene baud paruo iunior, ysdem ædibus Romæ
 fabulam cum docuissent, Pacuio octoginta annos
 nato, Accio triginta. quorum familiare colloquium
 Tarenti habitum celebratur, cum durior acerbiorq;
 Pacuio uideretur Accius. Fuit et Accius poeta, qui
 Caio Iulio Cæsari in collegio poetarum ueniēti non
 assurrexit, neq; ob id superbix aut temeritatis cri-
 mine notatus est. SEDE SECUNDA AUT
 QUARTA, ut loca paria sibi custodiret. IN
 SCENA MISSOS. licet, inquit, iambicus
 spondeos admittat, id tamen obseruādum, ut sciamus
 suis locis et temporibus collocare, ne nimis turgidos
 uersus faciamus et graues, quod spondei faciunt. nō
 est ergo accelerandum, adhibenda cura et seruanda.
 ARS PREMIT. bonus iudex et criticus, item
 spectator in theatro taxat, accusat, sugillat. VER-
 SVS. iambicos. MAGNO CVM PON-
 DERE. i. ponderosos et turgidos. CVRAE. in
 quo nulla sit cura adhibita. OPERE CELERIS
 NIMIVM. cum nihil poetæ sit perniciosius q̄

IN POET. HORA.

ex tempore carmina cudere. Dionysius ad Aclium
Tuberonē, multos, inquit, incidere in uitii ex igno-
rantia, multos ex confidentia, q̄ non putent se posse
aut peccare, aut reprehendi. hos damnat Horatius.
CVRAEQVE CARENTIS. *i. negligentis.*
TVRPI CRIMINE. *quid enim turpius q̄*
uelle id facere, cuius artem ignores? QVIVIS.
criticus spectator grammaticus. **IMMODV-**
LATA. *sine modulo, rhythmo, numero, pauci sunt*
qui intelligent. **DATA.** *a populo, a spectatoribus.*
Iudicum penuria errores non cognoscuntur. **IN-**
DIGNA. *quæ dari non debet.* **ROMANIS.**
latinis, ex ignoratione auditorum. **VAGER.** *ego*
scilicet qui præcepta do, qui sum emunctæ naris, ua-
ger. i. nulla lege ferar, quo me tēpestas detulerit, an
alludit ad rationē iambici uersus, ut nulla lege, modo
iambos modo spondeos inserat, nec numerum ani-
maduertat, et tantum studeat, ut ponderosos uersus
faciat et sonoros. **IDCIRCO.** *q̄ uenia detur.*
SCRIBAM LICENTER. *utar data uenia*
romanis poetis, sine arte. **TVTUS.** *qui abstinebo*
ne peccem. neq; eum satis est a uitio abstinere, maius
quod iam exigit poema. nam si nihil pecces, uitas cul-
pam, non tamen mereris. **INTRA SPEM**
VENIAE. *sic intra famam, cui contrarium est*

extra, q̄ ultra opinionem omninoq; perquāmultum significat. VENIAE. nō credens ueniae promissae. EXEMPLARIA GRAECA. nam graeci diligentius scripserūt et doctius, praesertim iambico uersu. VERSATE. id est eandem quam graeci adhibete diligētiam. neq; enim ars praestat omnia, diligentia opus est, quā animi attentionem, curam, cognitionem, uigiliam, assiduitatē, laboremq; cōplectitur. NOCTVRNA ET DIRVNA. natura et doctrina satis possunt, sed studio opus est uigilandum. ergo nec expectandum, ut alieno tantum labore sis disertissimus. nullus unquam bonus poeta euadet, qui non diu noctuq; studuerit. Alexāder ille Macedo, domitor orientis, noctes ad officia habebat tripartitas, quietis, publicae rei, et musarū. ob eamq; rem, lecto stratus aenea concha supposita brachio extra cubile protento, pilam tenebat argēteam, ut cum neruorum rigore sopor lassasset infusus, lapsa pilae tinnitu somnū abrumperet. Nos quibus haec cura est sola, putamus poeticam assequi, si noctes perpetes somno uinoq; sepulti, uigili tātum naso exegerimus. AT NOSTRI PROAUI PLAV. Plauto uitio datur id quod cum ceteris latinis est cōmune, ut licet musas credamus, si latine loqui uelint, non alio q̄ plautino sermone loquuturas, tamen eius

IN POET. HORA.

iambus paulo laxior et liberior, et a uenere illa solis concessa atticis destituitur, tātumq; a græcis comicis uincitur, quātum ipse latinos supereminet omnes. sed et illud eius proprium ferūt et genuinum, ut nimis multos inserat iocos, aliquādo importunos, et mæstis personis et temporibus datos. quin et quædam nimis abstrusa, quæ a uetustissimis historicis sint requirenda, inculcat. unde fit obscurior multis in locis. sæpeq; apud eum nimis uocē tollit comædia, ut in tragædiā transfiliat. postremo accusatur qd actorē ad populum facit loqui, qd; personis in scenis existentibus, aliam ex occulto nimis loquētem inducat, ut illa personarū expectatio i. decora uideatur, nec uerisimilis. PRO-
AVI. quorum ætate floruit Plautus. SALES. falsum licet in consuetudine pro ridiculo tātum accipiamus, omne significat quod insulsum non est. estq; quoddā simplex orationis condimentū. Cicero omne quod falsum sit, ait esse atticorum. hinc Catullus.
Nulla in tam magno corpore mica salis.
a quo Martialis.

Nullaq; mica salis. ut pleraq; omnia.

VTRVNQVE. et numeros quibus nimis licentiosus extra trimetros uagatur, et sales a quibus abest uenus illa attica. SALES. comædia tum uerborum, tum rerum habet elegātiā. uerborū sex modi
aut ex

aut ex homonymia, quam latini æquiocationem uocant, cum plura eodē uocabulo significantur, ut illud *Ductare*. apud *Plautū*, diuidere, *peniculus*, *limare*. ex synonymia, cum idem diuersis dicitur nominibus, ut eo, accedo. ex loquacitate loquēdiq; *lasciuia*, quam *græci* ἀπολεσχία uocant, cum quis eodem nomine sæpius utitur, ut in *Penulo*, *quippini*. et in *rudente*, licet, et *censeo*. ex denominatione, cum proprio nomini aliquod extra festiuitatis gratia adycitur, ut *Mimax* uocor *Midas*. et in *Menechmis*. seu *tu Cylindrus*, seu *coriembus*. ex diminutione ut *Socratidium*. et in *Sticho*, *Stephaniscidiū*. ex mutatione ut ex *cryfalo* *crucifalum*. Rerum uero modi omnino duo, aut per deceptionem, ut cum in *Mustellaria* credit *Theuropides* domum *laruis* infestari, et in *Tri nummo*, *Philto* agrum putat esse infeliciſſimum. aut per similitudinem, ut de *Amphytrione* et *Menechmis*. SEPONERE. diuidere. IN VRBANVM. urbanitas est sermo arte et risu quendam gestum ex consuetudine doctorum ostendens. cui contraria est *rusticitas*. *Demosthenem* urbanum fuisse dicunt, *dicacem* negant. LEPIDO. id est uenusto, quod cum gratia quadam et uenere dicitur. SONVM. modulum. DIGITIS. credo ad illud alludere quod apud maiores nostros ad manum can-

IN POET. HORA.

*tabāt hīstriones. quæ res in usu esse cœpit autore Li-
 uio Andronico suorū carminum auctore. DICTO.
 id est scimus rationem facetiarum. IGNOTVM
 TRAGICAE. tragœdia initiū habuit a rebus di-
 uinis, cum pro frugibus faciebant, hircumq; aris ad-
 mouebant. dicabatur enim libero patri, unde sibi no-
 men sumpsit, ni malimus a fece dictū. Primum acti-
 tari cœpit in Peloponneso. Eius ortum Dorienses sibi
 adscripsere. autor est Aristoteles. THESPIS. The-
 spidi primū refertur accepta, sed ab Aeschilo in lucē
 producta est, et fortior ualidiorq; constituta, illis tē-
 poribus quibus Romæ tribunos et ædiles sibi plebs
 per seditionē creauit. Illustrauit autē illam potissime
 Euripides osor mulierum, tanti habitus, ut cum in
 Macedonia immisis ab æmulo canibus dilaniatus
 esset, eius ossa per legatos repeterēt athenienses, ma-
 cedones in pernegando persisterunt, putantes eius se-
 pulchro Macedonia decorari. Romani primū Liui-
 Andronico autore spectarūt. CAMOENAE.
 tragici carminis tragœdiæ. VEXISSE. circūuectos
 tragædos circū egregias urbes græciæ in curribus.
 CANERENT. quantū ad chorum. AGE-
 RENT. quantū ad mimos et hīstriones i diuerbijs.
 AESCHYLVS. quem pythagoricū uocat Cicero
 a quo ornati hīstriones uestibus heroum et heroīna-*

rum. quem Plato nugari dicit, q̄ in re leuicula ab Homero diffētiat. Cum Athenis ob aduectā Theſei oſſa tragicorum certamen in eiufdem Theſei honorem inſtitutum eſſet, fabulamq; Sophocles longe iunior dedifſet, uictus iudicum ſententia pronuntiatuſ. grauate id ferens in Siciliā cum deueniſſet, ibi paulo poſt teſtudinis icſtu moriēſ prope Gelam ſepultuſ eſt. Ariſtoteles tradit tragœdiam multiſarie permutatā. in eam faciem quæ nunc eſt ab Aeſchylo conſtitutā, PERSONAE. ne ora eſſent ſecibus perungēda. Apud romanos primuſ Roſcius perſona uti inſtituit q̄ eſſet oculis peruerſiſſimis. Antea non perſonis utebantur, ſed galeris, ut qualitas coloris indicium faceret ætatis. Ad quem uetuſtuſ ritum putō alludere Plautum, cum dat petafum Soſiæ, ni malis, quod peregre aduenerit. omnes autem hiſtriones cogebantur in ſcena ponere perſonam, præter Atellanos, unde perſonati dicti, q̄ perſonata fabulæ. PALLAE HONESTAE. quæ honeſtis tantum dari ſolita ſit. Eſt enī uestiſ muliebris ad uestigia uſq; deducta. Syrmata etiā trahēbāt tragici. TIGNIS INSTRAVIT PVLPITA. neq; enim antea certo loco agebātur fabulæ. Primum Agitharchuſ Athenis Aeſchylo docente tragœdiā ſcenam fecit q̄ de ea cōmentariuſ reliquit. nam theatruſ a Dio-

IN POET. HORA.

nyfio inuectum ferunt. MODICIS TIGNIS.
 uel ad scenarum exiguitatem alludit, uel id uult in-
 dicare, q̄ latinorū pulpitum latius fuit q̄ græcorū,
 qui pulpitum λοςεῖον appellant. **MAGNUM**
QUE LOQVI. propter crebros spondeos, quic-
 quid ornamenti sophistica acceptum refert Gorgias
 Leontino, hoc idem Aeschylum tragædiæ tribuisse
 palam est. uestem enim addidit, pulpitum, personas,
 nuntios, quibus et scenæ et prosæ opus sit. præ-
 terea uehementiam in dicendo, paradoxos, spiritum,
 magniloquētiam, eloquutionem, transgressiones, ad-
 iectiones, uariæq; ornatus genera, quibus tragædia
 potēs magnificaq; emanaret. **NITI COTHVR**
NO. ingentes inducere personas, magnos timores
 incutere, exitus facere funestos, et de historica fide
 argumenta petere. **LOQVI.** i. dedit uim uehemen-
 tiamq; transgressionesq; sumere concessit sibi ipse
 Aeschylus. **VETVS COMŒDIA.** co-
 mædia diu post tragædiam inuenta, et ipsa a rusticis
 primum celebrata est in eorū conuenticulis, unde illi
 nomen impositum. Antiquitus rustici iniuriam a ci-
 uibus passi noctu in urbem uenientes quæ passi fue-
 rant recensabant. cum inuentum placuisset, q̄ uere-
 cundia eius rei multi cohercerentur, in urbem uocati
 dato loco eadem ipsa interdum acsitare cœperunt ne-
 mini

mini parcētes. Susarion primus prodijt, cuius comœ-
diæ initiū fuit, Spectatores aduertite, Susarion hæc
dicit. Turpes fœminæ, attamen sine probro nullā est
domum habitare. Cum potentum luxuria et uitium
creuisset, interdictū est, ne quid dicerent nominatim,
sed nec per ænigmata passa est notari principum po-
tentia, unde in pauperes, hospitesq; cœpere cauillari.
hinc triceps facta comœdia. Prima manifeste repre-
hendēs, in qua Aristophanes, Eupolis atq; Cratinus.
Media per ænigmata mordet, in qua Plato. Nouæ
autem princeps Menāder, quæ ab antiqua differt, tē-
pore, lingua, metro, dispositione, tempore, q̃ noua
Alexandri magni ætate cœpit, antiqua bello Pelo-
ponnesiaco floruit. lingua, q̃ hæc altior fuit et gra-
uior, et illam purior dulciorq; atticus sermo com-
mendat. metro, q̃ noua plerūq; iambico, altera mul-
timodo utatur uersu, dispositione, q̃ in noua chorus
non interuenit in illa frequentius. Rursus antiqua
inter se differt, q̃ circa Susarionis tempora personæ
sine ordine ueniebant. Cratinus constituit tris perso-
nas, eisq; decorem ordinis addidit. Aristophanes de-
inde omni expulsa antiquitate, maiore ei tribuit splē-
dorem, habuit autē comœdia apertos cauillos usq; ad
Eupolidē, cuius casu deterriti cæteri ab mordacita-
tibus abstinuere. Is enī cum Baptas fabulā docuisset

IN POET. HORA:

Alcibiademq; taxasset, ab illo captus, ut q exercitui
 præesset, in mare pietus est. hoc insuper addito con-
 uicio, Eupolis qui in scena toties tinxisset, nūc te falsis
 tingo lymphis. HIS. tragicis. VETVS. Archea
 dicta est, testis est Donatus. SINE MVLTA
 LAVDE, magna enim cōmendatione in urbem
 accepta est, dum Atheniēsium libertas fuit, q multū
 moribus prodesset, q quisq; caueret, ne de se materiā
 daret. VETVS. quantum ad nouam. LIBER-
 TAS. taxādi, carpendi, mordendi nominatim. IN
 VITIUM. quod non ut ante indigne facta, sed
 quæ uellent suo arbitratu carperent, licentiusq; pote-
 state abuterentur, ex libidine laderent. LEX
 EST ACCEPTA. lata enim lege sanxe-
 runt Athenienses, ne quisquam crimen infamiae no-
 minatim in alterum ingereret. si læsisset, capite mul-
 taretur. ACCEPTA EST LEX. ad romanū
 morem alludit. lex enim ubi p̄batur suffragijs om-
 nium, a tribunis accipi dicebatur. CHORVS. in
 quo maledicentiæ gladius perstringebatur. TVR-
 PITER. q lege coercitus. IVRE. potestate, fa-
 cultate data ab Atheniensibus. SVBLATO. an-
 tiquato, aboleto. NOCENDI. taxandi, mordendi,
 lacerādi. NOSTRI. romani. INTENTA-
 TVM. omnia sunt ausi, nam græcas fabulas latini.

tati donarunt. VESTIGIA. quia qui imitatur retro cedit. ausi sunt nouas, latinasq; excogitare fabulas. DOMESTICA. romana, ut scribere Brutum, Tarquinium & similia. FACTA. argumenta latinorū. TOGATAS. togatæ omnes fabulæ appellatæ quæ argumento constarent latino, ut palliatæ græco. Prima earum species prætexatæ dicuntur tragœdijs similes. Secūda tabernariæ, quæ & togatæ uocātur comœdijs similes. Tertia atellanæ ab oscis acceptæ, argumentis iocisq; pares satyris, quas æstilitare nulla erat infamia, quæ & personatæ dicebātur. Quarta Planipes, quæ Mimis a græcis, uel & planis. i. nudis pedibus agatur, uel & implanare ioculariter decipere dixerūt ueteres. Planipedes, Reciniatos a recinio quadrato uestimento uocauerunt. Sic & Rinthonicos, & rinthonē planum appellauerunt. latinæ autem omnes fabulæ per pauciores agebātur personas. NEC VIRTUTE. pro recepto enim est omni uirtutū genere cæteras nationes a romanis uictas, soli græci uidentur literis præstare. quod si alterum Ciceronem uel illum diuturniorem fata condonassent, iam & illam græcis palmam extorseramus. ARMIS. re bellica. LIMA E LABOR. non deest, inquit, romanis ingenium, nō ars, sola carent cura. nec græcis pares esse possunt, quod

IN POET. HORA.

non studeant emendationi. LIMAE. emendationis. LABOR. unde Cuidius.

Non tamen emendi labor hic quæ scribere maior.

*MORA. i. si nõ offenderemur mora. POMPI-
LIVS SANGVIS. diximus Calpurnios Pisones autorem generis Calpurnij Numæ Pompili filium celebrare. Id te ne decipiat, fuisse Romæ Pompilios, qui Lenates sunt dicti, quamvis alij essent Lanati.*

*MVLTA DIES ET MVLTA LI-
nihil præclarum ne a natura quidem rerum cito effici potest. pulcherrimum quodque difficultatem habet propositam, maioraque animalia diutius parvum visceribus continentur. Stultum est et temerarium emitte quod mox sit revocandum. omnia nostra dum nascuntur placent. expectandum est quousque calor ille scribendi refrigerit, ut tanquam aliena sumamus in manus. MVLTA LITVRA. emendationis est*

detrahere, mutare, adijcere, tumetia premere, humilia extollere, luxuriantia stringere, resoluta componere, exultantia coercere. Notum est illud de Virgilio solitum esse ingenij recētes partus rudes facere et imperfectos, deinde tractando, colendoque reddere oris uultusque linimenta. DECIES. crebro. ADVNGVEM. non placet demorso ungue intelligas, sed ad amussim potius, fabre, graphice, ut ne minima quidem

quidem pars tanquā in statua sit non expolita. IN-
 GENIVM. causam reddit negligentia, quod pu-
 tent nonnulli ad poemata conficienda satis esse furorē
 illum poeticum. CREDIT. quia in scriptis re-
 liquit. MISERA. quæ tantum contendatur, et
 in nullo sit pretio. Democritus negabat quemquam
 poetam magnum esse posse sine inflammatione ani-
 morum, et sine quodam afflatu furoris. HELI-
 CONE. a nymphis, a poetica. BONA. magna
 pars poetarū incedit inculta. PONERE VN-
 GUES. i. inculti sunt et sordidi, quo furētes ui-
 deantur magis, et uulgi in se concitent ex neglectu
 corporis admirationem, ut solent pseudophilosophi.
 PONERE. præsecare. i. incessu tantū ostendunt
 se bonos poetas, intus tamē nihil est bonarū litterarū.
 SECRETA PETIT LOCA. fugit et
 borret hominum consuetudinem. BALNEA. loca
 ubi multitudo conueniat. TRIBVS ANTI-
 CYRIS. nō unius Anticyræ solum Helleboro. sed
 si plures sint. Helleborū in Anticyra insula tutissime
 sumi putauit antiquitas. eius uis ut humores noxios
 in quibus morborū causæ sunt, extrahat. eius species
 sunt duæ, nigrum et candidum. obseruatum candido
 stomachū, nigro aluum purgari. COMMISE-
 RIT. ad radendum. TONSORI LICINO.

IN POET. HORA.

Is ille est Licinus de quo distichon incerto autore circumfertur.

Marmoreo Licinus tumulo iacet, at Cato paruo,

Pompeius nullo, credimus esse deos.

de quo item tumulo Martialis.

Altaq, cum Licini marmora pulvis erunt.

LAEVVS. contrarius mihi ipsi, ut illud.

- Si mens non laeva fuisset.

BILEM ATRAM. quæ a græcis melancholia dicitur, quæ affectio est heroica. NON ALIVS.

nisi purgarer nemo esset me melior poeta, quoniam efficerer insanissimus, adeo atra bili laboro. TAN-

TI. non expedit. COTIS. qua ferrum acuitur.

EXORS. sine potestate, facultate secandi, seipsam non potest acuerere. VNDE, ex me. OPES,

poeticæ, ut scias quid dicas. SCRIBENDI RECTE SAPERE EST. poetica sicut reliquarum

rerum fundamentum est sapientia, cuius ignoratione non minus in poematis quàm in uita peccatur. quæ adhibenda non in sententijs solum, sed in uerbis. neque enim

omnis ætas, omnis fortuna, omnis autoritas, necnon locus tempusque eodem aut uerborum genere tractanda

sunt, aut sententiarum. REM, omnis ubertas ex quasi sylua dicendi a philosophia perficitur, quæ mater est

omnium benefactorum benedictorum, sine qua nec quicquam

definire, nec quicquā possumus iudicare, nec copiose lateq; de uarijs magnisq; rebus dicere. Quomodo enī de religione, de morte, de pietate, de charitate patriæ de uirtutibus ac uitijs, de animi perturbationibus sine ea quam dixi philosophia quicquam explicabis? Prius habenda res est de qua dicamus, q̃ cogitandum quibus uerbis quicquā aut quomodo dicamus. Insunt sane nobis quædam semina magnarū cogitationum, quasdamq; adumbratas intelligentias animo ac mente concipimus, quas nisi illustret sapientia, frustra est q̃ speremus illam dari posse lucem. SAPERE. scire diuina & humana, nam sapientia est diuinarum. humanarumq; rerum cognitio. CHARTAE SOCRATICAE. id est philosophia, ex cuius officina multi philosophi emanarunt morales. Socrates primus philosophiam ad mores deduxit, & tanquam aliud agens rem ad nostrum usum detorsit. INVITA MINERVA. quia uerborum est officiū res interpretari. NON INVITA. i. uolente & sponte. QVI DIDICIT. i. qui nouit officia, bonum ac malum, honestum ac turpe, iustum ac iniustum intelligit. quæ fere omnis est poetæ ad scribendum materia. CONSCRIPTI. senatoris. CUIQUE PERSONAE. a se in poemate introductæ. REDDERE. dare, attribuer

IN POET. HORA.

decorum cuiq; personæ. **EXEMPLAR.** unde simile sumat, **IMITATOREM.** i. poetam. Nihil enim aliud est poesis nisi imitatio uitæ & morum, quæ hominis propria est, facitq; ut uel hac una differat a cæteris animalibus, hinc si uel læta, uel mœsta spectemus, uix possumus contineri quin in id ipsum imitationem effingamus. **EXEMPLAR.** i. qua uita quisq; uiuat. **HINC.** i. a uita & moribus. **VIVAS.** ueras, proprias. **SPECIOSA.** culta, ornata, spectata, locis pulchre locata. **MORATA** quæ bene mores omnium personarum imitata sit & doceat. **VENERIS.** gratiæ, lenocini, quæ sit rudis. **PONDERE.** uerborum, clausularum, sententiarum. **ARTE.** in ipsa fabula construenda. **VALDIUS.** magis. **MORATUR.** detinet spectatorem, quod non erit nisi ex delectatione. **VERVS IN OPES.** inanes, uacui, sine hac imitatione. **NUGAEQUE CANORAE.** i. uerba canora, tumida, quæ nugæ sunt, nisi rebus seruiant. Elaborandum est ut poema uerbis rebusq; æque sit pulchrum. Si alterum sit eligendum, malim sapientiam ineloquentem, quam stultam loquacitatem. **INGENIVM.** ad inueniendum res, rotundum os ad eloquendas. Græci & uerbis sunt spectabiles & rebus, quod huic rei operam impendebant,

cum romani a teneris unguiculis studeant lucro.
 ROTVNDŌ ORE. perfectō, pleno, uel sine
 offensione et asperitate ī se reuoluēte. NULLIVS
 rei, nisi gloriæ solam laudem affectāt. ROMANI
 PVERI. poetica Romæ malis temporibus in usu
 esse cæpit. Olim dum illa uiguit romana uirtus, quæ
 et græci cæteraq; nationes sunt superatæ, rudi ad-
 huc populo non se insinuauerat poetica, quæ postquā
 aduenit, iam boni mores pessum ire cæperunt, præ-
 sertim sub Octauio. ad quæ tempora alludit poeta,
 quum bonum hominem inuenire non erat. non ergo
 reprehendit arithmeticam Horatius poetis necessa-
 riam, sed in ea queritur omnem pueritiā lucri causa
 occupari. Desciuit autem populus romanus a uetere
 illa gloria, non hominum inopia, sed desidia iuuentu-
 tis, et parētum negligentia, et inscitia præcipientiū,
 et obliuione moris antiqui. LONGIS RA-
 TIONIBVS. singulorum dierum. DEDV-
 CERE. diuidere, continuare. FILIVS ALBI-
 NI. Albinorum familia ab ultimis tēporibus Romæ
 habita est in pretio. hinc qui sacra curru excepit, or-
 tum putarim. nam eum qui post reges exactos unus
 e quinque trib. plebis fuit, pro recepto habemus, fuisse
 ex hac familia. Notam familiæ inussere Spurius ad-
 furcas caudinas, Aulus corruptus a Iugurtha, et

IN POET. HORA.

Luceius bello sociali saxis fustibusq; a militibus casus. Posthumios illos, Tubertos, Barbatos sexcentis claros triumphis, ut Albinos fuisse nō satis cōstat, sic manifestum, Posthumiorum cognomen Albinis consertum fuisse. FILIVS ALBINI. i. quicumq; nobilis. AD HAEC. ad lucrum & uitia. ERVGO. pecunia ex ære, quæ seruata rubiginem contraxit. i. auaritia. CEDRO. cedrino oleo, quo inunctæ chartæ a tineis custodiebantur. CVPRESSO. in arculis ex cupresso fabricatis. LEVI. polita, ornata. AVT PRODESSE VOLVNT habent inter se nōnullam similitudinem uescentes & scribentes, ut quibusdam utatur ad uoluptatem, quibusdam ad necessitatem. Docendi necessitas, in rebus est constituta, delectatio uero, in modo, quo docemus. Profumus autem, cum morata recte est fabula, delectamus cum iucunde scribimus, ut non solum primo placeant, sed sæpe repetita uoluptatem offerant legentibus. DELECTARE. iucunde narrando. ET IOCVNDA ET IDONEA. huiusmodi est omne opus uirgilianum, in quo nulla est inutilis delectatio, nulla insuavis utilitas, quædāq; omnium disciplinarum scientia, tanquam ab aliud agente interposita, ueluti unum illud e multis. Cum in sexto puniri patriæ uenditores, contra, præmia

patrīæ defensoribus solui ostendit, nihil aliud nisi fūgienda uitia, et sectandas docet esse uirtutes. nullam enim maiores nostri artem esse uoluerunt, quæ non aliquod reipublicę cōmodū daret. hinc Plato cogēdos censuit poetas, ut bonos uiros felices appellarēt, malos uero miserrimos. si qui secus fecerint omni re publica eliminandos putauit. quod dum malas ferrēt sententias, domesticam disciplinam corrumpere, et uirtutis omnes neruos eliderēt. IDONEA. quæ profint. IVCVNDIA. quæ delectent. QVICQVID PRAECIPIAS ESTO BREVIS. breuitas licet in uniuerso laudem non habeat, laus tamen est interdum in aliqua parte dicēdi, praesertim si quid praecipias ubi non est euagandum, ne praecepta animo effluant. Sic et in sententijs quæ acutæ esse debent et uibrantes, ut

Trahit sua quemq; uoluptas. et

Degeneres animos timor arguit. et sexcenta huiusmodi. Est autem breuitas, cum nullum uerbum redundat, tantumq; est uerborū quantum est necesse. Homerus Menelaum ipsum dulcem quidem tradit, sed pauca dicentem. sicut enim gratus est qui cognoscēda aperit, sic grauis q cognita inculcat. PRAECIPIES. cum uolueris prodesse. DOCILES. quos uoles docere. PERCIPIANT. intelligant,

IN POET. HORA:

TENEANT, apud se diutius. PECTORE.
discētis. FICTA, cum delectamus uoluptatis causa
figere omnino oportet. poetaingat sane nō aspera, nō
immitia, quibus nulla possit fides adhiberi. Virgil. de
telis Polydoro infixis quæ reuiruerāt, finxisset sane
quam absurde, ni sumpsisset ex romana historia de
hasta Romuli, quæ de Auentino monte in Palatium
iacta fronduit, et arborem fecit. nō potuit tamen nō
male audire de nauū in nymphas mutatione, deq; per
aureum ramum ad inferos descensu, quodq; Irim fe-
cit Didoni comam secantem, licet hoc sumpserit ex
Euripide. Plato ī secūdo de republica Hesiodum, et
Homerū insectatur, quod nimis de dīs absurda fin-
xissent. quo dicto puocatus C. Caligula de Homeri
carminibus abolēdis cogitauit. VOLVPTATIS
ut iucunda fingamus quæ delectent. PVERVM
LAMIAE. Dion Chrysostomus Lybicam scripsit
historiam, in qua hæc de lamijs. Haud longe a littore
maris curuum esse locum, arenosum mari per simile,
in quo littora magna existunt, et ageres arenosi. in
mari uero ab undis circumuicina omnia deserta fere
manent. uerumtamen si naufragi forte cieclli fue-
rint feræ apparentes eos omnes qui uel peragrāt uel
aberrant rapiunt. quarum natura et corporis figura
talis habetur. Facies est mulieris, et formosæ qui-
dem,

dem, ubera & pectora longe pulcherrima, quæ neq;
pictor possit effingere. color splendidissimus. gratia
quædam ab oculis & mansuetudo in animum incidit
quoties aliquis eam uiderit. reliqua pars corporis
dura & infrangibilis ob squamas. inferiora sunt ser-
pentis, ut ima pars in caput desinat serpentis ualde
quidem horrendi. Hæ feræ alas nō habent quemad-
modum spbinges, neq; enim loquuntur ut illæ, neq;
aliam uocem emittunt, sed solum sibila acutissima
quemadmodum dracones, terrestrium omnium uelo-
cissima, ut nullum possit eas animal effugere. Cæte-
ra quidem animalia uiribus expugnant homines, hæ
solū deceptione. Pectora aperiunt, & ubera ostentāt.
eum uero qui aspexerit ueneficijs cogunt ad deside-
riū cōfabulationis, & hi quidem uelut ad mulieres
accedunt. illæ intrepidæ manent, inferius sæpe re-
spicientes, ornatumq; mulieris imitantes. atq; ita qui
propius accesserit, rapiunt. nanq; manus sunt ferarū,
quas aliquantisper occultant. cæterum serpens mor-
dens ueneno interficit. cadauer comedunt serpens &
quod reliquum est feræ. Philostratus in Apollonio de
Lamia uiuos pueros inglutiente ab ipso Apollonio
compressa meminit. Lamias etiā esse terriculamenta
puerorum, uel ex Apuleio satis cōstāt. nam Lamiam
mulierem a Demetrio amatam, ciuitatis perniciem a

IN POET. HORA:

comicis dictam, Plutarchus celebrat. quin et de La-
 mijs in politicis meminit Plato. quo cognomento Ae-
 liorum familia Romæ non inter postremas habita.
PRANSÆ. quæ uorauerit. **EXTRAHAT.**
 poeta. **CENTVRIÆ SENIORVM.**
 Romulus re sabina composita, Tatioq; in consortem
 regni accepto, cum populum in curias triginta diui-
 sisset, centurias tris equitum cōscripsit, rhamnenses a
 Romulo, titienses a Tatio, luceres a Lucumone, uel
 a Luco. i. asylo. quarum numerū cum augere uellet
 Tarquinius Priscus ab Accio Nauio augure probi-
 bitus est. **CENTVRIÆ.** senatores nobiles.
AGITANT. deiciunt, oderunt, deturbant, in-
 sectantur. **EXPERTIA.** inutilia, quæ nō ha-
 bent partem in fruge, quæ non prosunt. **AVSTE-
 RA.** insuauia, imitia, dura, aspera. **RHAMNES**
 equester ordo. i. iuuenes. **PRAETEREVNT.**
 contemnunt, nihili faciunt. **AVSTERA.** quæ nō
 delectant. **TVLIT OMNE PVNCTVM.**
 sumptum de suffragijs in campo Martio, quæ pūctis
 notabātur, non scribebantur. In ponte erat suggestus
 locus ubi sedebant consules. adstabant qui suffragia
 prætereūtis populi notabāt puncto in certis tabellis.
 qui plura habuisset is consul per præconem renun-
 tiabatur. Posset et referri ad iudicia, et dum dixit

centuriæ seniorū pro senatoribus accipi, **R**hannes
 uero pro equestri ordine, inter quos cum de iudicijs
 lis esset, tandem pepigere ut promiscue iudicarent.
 licet in iudicys non punctis notarentur sententiæ, sed
 tabellis cæreis, quæ in cista coniiciebantur, insculptas
 habentes literas. **A**, absolutionis. **R**, cōdemnationis.
N. L., ampliationis, i. quod non liqueret. Iudicum ta-
 men decurias dixerunt, nō centurias. **MISCVIT**.
 qui docuit et delectauit. Laus poetæ est ut profit do-
 ctrina, delectet elegantia. nam et doctam lectionem
 sine ulla delectatione negligere se ait Cicero in Tu-
 sculanis. **OMNE P VNCTVM**. omnium
 omnibus suffragijs cōmendatur. **MONENDO**.
 docendo. **LIBER**. huiusmodi scripta. **SOSIIS**.
 Sosy bibliopolæ clari tunc erant. **AERA**. affert
 magnum lucrum. **NOTO**. quem notum facit.
AEVV M. semper eum uiuere facit, licet moria-
 tur, superest tamen semper eius fama. **S VNT**
DELICTA. non minima, inquit, in poemate fa-
 ciunt ut sit uitiosum. Donatur multa poetis, quæ uel
 negligentia contraxit, uel fortasse ignoratio. neq. enī
 potest humana natura nosse omnia, uerrucula tamen
 et lenticula plus offendit si in facie sit, q̃ magna ci-
 catrix in reliquo corpore. **POSCENTI**. ci-
 tharædo. **GRAVEM**, crassum, **CHORDA**.

IN POET. HORA.

carmini comparatur, arcus ingenio. SEMPER
 FERIET. collimabit. NITENT. plura sint
 bona. OFFENDAR. mouebor. MACV-
 LIS. peccatis, erroribus. INCVRRIA. negligētia.
 NATVRA. ingenium. QVID. quod uelis.
 SCRIPTOR. exscriptor. VSQVE. iugiter,
 continuo, sapius. CESSAT. ignoscēdum poe-
 tis quandoq; unde critici saepe multa poetica licen-
 tia dici fatētur, & multa poetis dentur, quibus possint
 opus ornare. sed tamen in lōgo tantū est opere igno-
 scendum, in quo difficile est nō quandoq; dormire.
 CESSAT. negligens est, & dormitat poeta. BIS
 TERQVE. duos aut tres uersus. CHERY-
 LVS. Alexandri poeta Samius ab Herodoto eru-
 ditus, tam malus, q̃ bonus Homerus. cui aureum nu-
 misma pro bono uersu dabat Alexander, colaphum
 pro malo. sed cum res gestas Alexandri scripsisset
 septem tantum uersibus laudatus. MIROR. non
 laudo, quasi fieri non possit, ut bonum carmen a malo
 possit poeta prouenire. INDIGNOR. bono
 carmine mali poetæ irā suscipio. DORMITAT
 HOMERVS. sumptum ex sententia Marci
 Tullij. cui quādoq; ipse uidetur dormire Homerus
 & Demosibenes. neq; enim possunt omnia esse per-
 fecta. quæ etiam boni autores dicunt, labuntur ali-
 quando,

quando, cedunt oneri, indulgent ingenio, nec semper intendunt animum, aut fatigantur. Est tamen magno iudicio, circumspiciendum, ne ea damnemus quæ non intelligamus. BONVS. boni poetæ interdum labuntur. Homero nullum unquam ingenio feliciorum extitisse conuenit, siue operis fortuna, siue materia æstimetur, fertur tamen dormitasse, quod cum deos hominibus inferuerit, egregia hominibus facinora tribuit, dys uero humilia. Cumq; constet Paridem cum Helena uiuentorū in Aegyptum delatos, præfentes faciat oppugnationi, et ipsam spectantem Paridem Menelaumq; pugnantem. quam æquius fuisset abditā domesticis parietibus stare, cū Hector, Priamusq; totq; matronæ troianæ, tot filys, fratribus, uirisque orbatæ, nō potuissent cōtineri, quin in eam impetum facerēt. Tertium est, q̃ cum bellum troianum se scripturum profiteatur, post Hectoris interitum moræ impatiēs ad Vlyssē festinet, nec de urbe expugnata ullum uerbū facit, nisi q̃ Demodochum ac Pheemium in cōuiuijs canentes ad citharam inducit, fingitq; tot deas, et Circen Vlyssis deperisse amore, cum senex laboribusq; assiduus attritus iam esset, licet Pallas fingatur illi hyacinthinas comas appēdisse, unde Homericus mōrio dictus. Iram Neptuni in Vlyssē ob Polyphemū ortā fabulatur, cum æquius

IN POET. HORA.

fuiſſet ob Palamedem Neptuni nepotem, cum etiam
 in prima marina cuſpide perſoſſus interuiſſet. Sic et
 Achillem non ob amicam iratum græcis, ſed ob Pa-
 lamedis necem. OBREPERE. ſub intrare.
 SOMNV M. tenuem negligentia. PICTV-
 RA POESIS. ſæpe a nobis dictum, pictorem
 eſſe mutum poetã, poetam uero loquentem pictorem.
 nam ut mittam q̃ uterq; fingit, quæ ratio, quæ ora,
 qui locus græciæ, quæ ſpecies. formæ, quæ pugna,
 quæ acies, quod remigiũ, qui motus hominũ, qui fe-
 rarum, nõ ita ab Homero expictus eſt, ut ne Apelles
 quidem, aut Parrhaſius melius ante oculos ponere po-
 tuerit. CAPIAT. delectet. HAEC. alia pictura.
 ARGVTVM. ſapiens iudicium, ingeniũ doctum,
 intelligens. I V V E N V M. piſonum. VOCE.
 diſciplina, arte, doctrina. L. Calpurnij piſonis. FIN-
 GERIS. doceris, inſtitueris. DICTVM. ſentẽ-
 tiam, ſummam præceptorũ. TOLLE. aufer tecũ.
 MEDI V M. inquit, medium ut in uirtutibus eſt
 optimũ, ſic in poetica non admittitur. ſunt ſane quæ-
 dam diſciplinæ, in quibus perueniſſe ad mediocritatẽ
 laudi datur, poeta nil patitur mediocre, niſi optimus
 ſit, nequam eſt. Vt enim qui demerſi ſunt in aqua,
 nihilo magis reſpirare poſſunt, ſi non longe abſunt a
 ſummo, ut iamiam poſſint emergere, ꝑ̃ ſi etiam cum

essent in profundo. ut nec catulus ille qui iam appro-
 pinquat ut uideat, plus cernit q̄ is qui modo est na-
 tus. Item qui processit aliquantulum ad poeticam, nisi
 pernorit unde optimus euadat, nihilominus exclusus
 est Helicone, q̄ ille qui nihil processit. Putat enim
 Marcus Tullius honestū esse poetis, in secundis, ter-
 tijsq; consilere. **ACTOR.** orator quicumq; peritus
 iuris mediocris. **AVLVVS CESELLIVS.** iuris
 consultus. **MESSALAE.** Marcus Valerius
 Messala, cui nobilitati par fuit eloquētia, dignitatem
 a maioribus acceptā seruauit, libertatē patriæ quo ad
 potuit tutatus est. Felix si nō genuisset, quippe cuius
 filio Messalino Cottæ, q̄ palmas anserum condire
 inuenerit, palma sit tributa. Eius uxor, Terentia,
 quæ Ciceroni nupsit, et Sallustio. sed familiæ inde-
 lebilem maculam iniecit Messalina postremæ libidi-
 nis, quæ uiginti quatuor horis quinquies et uigesies
 concubuit. nec soli Messalæ Valerij sunt appellati,
 nam Maximi, Sorani, Anciatæ, Leuini, Coruini,
 Publicolæ, Falcones, Potitij, Flacii, Proculi, sub
 Valeriorum nomine censentur. **CESELLIVS**
AVLVVS. A. Cessellius Vindex optimus habitus
 consultus iuris. De cuius erroribus dicitur scripissē
 Terentius Scaurus Hadriani temporibus. **CO-**
LVMNAE. Basilicæ, theatra, porticus. **VT**

IN POET. HORA.

GRATAS. comparatio, qua ostendit, ideo poetica non admittere mediocritatē, & cum animis delectandis sit inuenta, nisi id faciat, quod non nisi perfecta facit, offendit potius, q̃ ullam afferat uoluptatem.

SYMPHONIA. concentus. **CRASSVM.**

an crassum sic uocat malum, ut leue bonū, uel potius crassum quasi surdum quod nō penetret. **PAPAUER.** pro quibuscunq; bellarijs malis posuit, & tragematis, quæ nisi bona sint, frustra est & mensa adhibeantur.

PAPAUER. placenta uel condimentū ex papauere & melle amaro. **SARDO.** quod pessimum est. **IVVANDIS.** delectandis, excitandis.

SVMMO. a perfectione. **VERGIT.** declinat. i. si paulum a perfecto abest, nihilo plus bonum est, q̃ si in imo esset. **AD IMVM.** ad infimum. i. ad malum. **LVDERE QVI NESCIT.** exclamatio, ad id alludit quod dicitur.

Qua pote quisq; in ea conterat arte diem.

CAMPESTRIBVS ARMIS. campesiria arma sunt exercitamentā ī cāpo Martio, ubi tyro ad palū exercebatur, & cursu, luctādo, hasta, pila, disco, fūgillatu, saltuq; firmabatur, Tyberiq; pximo sudorē, puluerem, ac lassitudinem natando deponebat. **ABSTINET.** non ludit. **DISCI.** discus erat sphaerica forma aenea, uel lapidea pila, in qua erat annulus

annulus ad inferendum digitum, ut aptius iacerent.
 CORONAE SPISSAE. spectatores frequētes. IMPVNE. habebitur ludibrio a spectatoribus. QVID NI. cur non possim poema scribere, et audeam cudere carmen? LIBER. qui liber sum. CENSVS. censi more ueterum dicebantur, qui centum milia in professione detulissent. huiusmodi facultates census dicebantur. CENSVS. participium, ut doctus grammaticam. MINERVA INVITA. repugnante natura. OLIM. quandoq. EST. pro sit. IUDICIUM. poetam non diuitijs, et dignitate fieri, sed natura fauente. IUDICIS METII. seueri iudicis. quis Metius hic fuerit, non pro cōperto habetur. Sensus est, recita alicui seueri et docto amico. PATRIS. tui L. Calpurny Pisonis. INTVS. domi tuæ. POSITIS. cōstitutis in tuo musæo coercitis et conditis. REVERTI. i. non potest emēdari quod est semel editum et emissum. SYLVESTRES HOMINES. quo quæq. res difficiliorē habet accessum, eo solet esse præstantior, quod natura non semel inclusit quæ pretiosa tulit. Poetica cum nullam recipiat mediocritatem, sane oportet esse pretiosissimam. Eam ob rem eius enumeratur laus ab Horatio, nec immerito, quum poetis hæc uita ciuilis leges, cōgre-

IN POET. HORA.

gati homines in urbibus, boni deniq; mores, quin et
omnis religio referantur accepta. Primus Orpheus
fertur ad māsuetiores cultus humanum genus rede-
gisse. hūc Ciconæum, uel a Bisaltica Thracia fuisse
aiunt, discerptumq; a mulieribus, & marium scēta-
retur libidinem. Fulmine tamen ictum indicat epi-
gramma de eo in Dio Macedonia insculptum.

Orphea candenti transfixum fulmine Thracem
Cum curua Aonides hic posuere lyra.

Scripsit de fabulis, epigrammata, hymnos. Aelianus
tradit falsa de eius sapientia narrari, cum Thracum
sit nescire literas. Eius cythara dys uolentibus ad
Lyrnesia saxa delata est. caput uero a mulieribus
euulsum Lesbos appulit, hiatusq; cauernosa terræ
quendam incoluit, unde consulentibus respondebat.
nec Lesbij Aeolesq; omnes ac finitima Ionia solum
concorrebat, sed usq; ad Babylonem responsa trans-
mittebātur, unde Cyrus maior accepit, Quæ mea sūt
eadem et tua sunt, mortem innuens, quod ille nō in-
tellexit. Eius statua in Lybethris ex cupressō Ale-
xandri magni temporibus emisit sudorem. Fuit et
alter Orpheus Crotoniata sub Pyssirato tyranno,
qui scripsit Argonautica. SYLVESTRES et
& i syluis habitaret, et & duris, sæuis, sædisq; essent
moribus. SACER. semideus. INTERPRES.

ut poetæ, et theologi, et sacerdotes. CAEDIBVS
 qui nulli erāt coerciti legibus. LENIRE TY-
 GRES. tolle hominibus sapientiam et leges, lupus
 erit homo homini, nō homo. sunt tamen qui fabulam
 non putent de Orpbeo, quod animalium sensus cantu
 detineantur. cerui enim fistulis capiuntur, cycnos bi-
 perboreos cytharæ cantus adducit, pisces in stagno
 Alexandria strepitu detinentur, fistulis aues alliciū-
 tur, elepbanti indici organica uoce permulcētur, in-
 fantibus crepūdia uagitus abrumpūt, fides delphinis
 amicitiam hominum persuadent, cantu dirumpuntur
 serpentes, grandines, messeſq; transeunt, manes cien-
 tur, laborat luna. In Lydia insula tibiarum cantu
 mouentur. quid maius loquar? ira diuina carmine
 placatur. THEBANAE CONDITOR
 ARCIS. qui Thebas a Cadmo conditas muro cin-
 xit lyræ cantu. TESTVDINIS. lyræ. SAXA.
 homines stultos et duros. PRECE. suauibus car-
 minibus. FVIT HAEC SAPIENTIA.
 in hoc uno uersatur sapientia, ut doceret quomodo
 esset uiuendum. VAGAE. habere uxores cōmu-
 nes more ferarum. IVRA. ut quisq; suam haberet
 uxorem. QVONDAM. cum non erant diuisa,
 nunc autem non esset sapiētia, quia diuisa sunt. LE-
 GES INCIDERE LIGNO. quernis

IN POET. HORA.

*tabulis leges olim scribebantur, cum non dum æris
usus esset. Solon cum in poetica sat clarus esset, leges
uersibus scribere exorsus est, sic incipiens.*

*Legibus his oro primum rex Iuppiter adsit,
Fortunamq; ferat felix, nomenq; secundet.*

*Græcarum etiam urbium multæ ad lyram leges, et
decreta publica recitabāt. SIC. ex hac sapiētia. DI-
VINIS, qui deorū interpretes essent, quos Plato
uocat diuinos. POST HOS. scilicet primos, qui
homines coegere esse mansuetiores. post Orpheum,
Linum, Musæū. DIRCEVS. emēda THYR-
THEVS. neq; enim intelligit de Pyndaro, licet
quidam eloquentiæ fluuius fuisse dicatur, sed de
Thyrtheo Atheniense, de quo interrogatus aliquādo
Leonidas respondisse fertur, ad iuuenum animos in-
citandos bonum sibi uideri, quod illius permoti car-
minibus, tanquam aliquo furore correpti, nullis par-
centes periculis in pugnas ruerent. Hic claudus, lu-
scusq; et toto corpore deformis ludibry causa Lace-
dæmonijs datus ab Athemensibus pro duce, cum iam
rebus suis diffiderent Spartani, composita carmina
exercitui pro concione recitauit, in quibus ornamēta
uirtutis, damnorum solatia, belli consilia conscripse-
rat, tantumq; ardorē militibus adiecit, ut raro usquā
cruentius pugnatum, uidtumq; sit. ANIMOS.*

Sparthanos apud quos etiam mulieres uirili sunt animo. DICTAE SORTES PER CARMINA. ante troiana tēpora cum poetæ nō essent, responsis oraculorum poetica facultas continebatur. nec solum carmine semper respondebant, uerum et responsis poetæ quasi diuini laudabantur, ut et Homerum felicissimum et quasi deum futurum prædixerint. Re christiana firmata cœpere oracula cōticescere, et Bæotia quæ ppter oraculorum multitudinem multiuoca dicebatur obmutuit. Id factū est postquam per Thānum nūtiatum est magnum Pana perisse. *SORTES.* uatum responsa per carmina dicta. *VITAE MONSTRATA VIA.* hinc græcorū ciuitates liberos in poetica erudiebant, quod soli poetæ essent sapiētes, unde alibi Horatius. Os pueri tenerum, balbumq. poeta figurat, Mox etiam pectus præceptis firmat amicis, Instruit exemplis, inopem solatur et ægrum. Plato et Aristoteles poetarum exemplis, suis dictis per sæpe fidem aucupantur. et fons christianæ eloquentiæ Paulus Epimenidis Menandriq. dicta usurpat. Varro, Empedocles, Lucretiusq. philosophiam uersibus cōprehenderunt. Zeno a poetica profectus. Ipsa demum Aeneis quid aliud est q̃ ethica, atq. nescio quo modo efficacius præcepta salutaria uersibus

IN POET. HORA.

comprehensa in animos hominū dimittuntur. Dicere solitus erat Cleāthes, quemadmodum spiritus noster clariorem sonum reddit cum illum tuba per lōgi canalis angustias tractum patenti ore nouissimo exitu effundit, sic nostros sensus clariores carminis arcta necessitas efficit. negligentius audiuntur, quæ soluta oratione dicuntur. ubi accessere numeri, et egregium sensum adstrinxere certi pedes, eadem illa sententia uelut lacerto excussa retorquetur. **V I A.** ratio uiuendi. i. philosophia. **TENTATA MODIS.** accepta carminibus et acquisita. unde illud Ouidij. Cura ducum fuerant olim regumq; poetæ. Sic Aristophanem Ptolemæus, Cherylum etiā pessimam poetam Alexander, Ennium Scipio, Archiam Lucullus, Virgilium Augustus, Claudianum Honorius, Ausonium Gratianus, in suis maxime reposuerunt. **LVDVSQVE REPER.** posset de Sirpis intelligi. i. de nodosis et de se implicitis poematis, ut enodari nō possint. Græci ænigmata uocāt. De quibus Apuleius meminit Floridorū primo, uel ludum accipere pro quiete et animi relaxatione, quæ in poetica est quam maxima, atq; ideo subiūgit operū finem, ni malis referre ad theatrales ludos, quod non placet. **FINIS.** quies a magnis laboribus. **P V DORI.** ne turpe putes, **SOLERS.** docta, perita.

NATURA FIERET. uetus est uerbum,
nasci poetam, quasi nullo egeat artis adminiculo. Si
enī, ut a nobis antea dictū est, poetica nil aliud est, q̃
imitatio naturæ, quid arte opus est ad ea exequēda,
quæ nobis ipsa suggerit natura, unde ōnis ars p̃fecta
est, quæ nisi naturā cōmoueat, nihil egisse iudicatur?
Quod si tanti est natura, ut in picturis, signis, alijsq;
operibus, ad quorum intelligentiam minus habemus
instrumenti, recta tamen et praua iudicamus in na-
turæ imitatione, cuius neminem uoluit natura esse
inexpertem, quippe qui ea omnia in nobis sentiamus
nostris infixis sensibus, cui dubiū est, ad ea diiudicāda
satis esse naturam. Adde q̃ si ars earū rerum est quæ
sciuntur, sitq; ex penitus prosectis planeq; cognitis,
atq; ab opinionis arbitrio seiunctis, quomodo potest
esse ars in ea facultate, quæ tota ingenio conslet, et
quibusdam igniculis quasi diuinis, ut ipse poeta cum
sua legat obstupe scat, admireturq; illa esse orta. Est
sane uerum, magnam et potissimā partem possidere
naturam, cuius ui quædam artis simulachra, quarum
in nobis habemus semina, sine doctrina mouentur,
primamq; illam uim et ingenium a natura tribui, q̃
nos acutos faciat ad excogitandum, uberesq; ad ex-
plicandum, quæ nulla possunt arte comprehendī, sed
infirma ætate, imbecillaq; mente uis naturæ per cali-

IN POET. HORA.

ginem cernitur, quæ nisi arte confirmetur, progredi longius non potest. cumq; ad illustrem naturam ratio quædam cõfirmatioq; accesserit artis, præclarum, ac singulare quiddam solet existere. atq; ut tota poetica arte non constet, sic sine quibusdam præceptis ab æritis notatis & obseruatis bona esse non potest. ars enim dux certior est q̃ natura. certas habemus rationes, quæ ordinem habent, & quasdam errare non patiētes uias. quæ ars cum naturæ conseruandæ causa inuenta sit, & id quod a natura datum est, quia fortuitum est, nec semper paratum esse potest tuetur, & quod deest acquirit. nec semper tamen sectanda ars. nam ut natura æmulam suarum uirium nonnunquã artem esse patitur, sic irritam quandoq; fessò labore dimittit. Coniungenda ergo utraq; ita, ut altera alterius ope sustentetur. **QVAESITVM**. disputatũ est longa uentilatione. **LAUDABILE**. bonum poema. **STVDIVM**. ars. **VENA**. longo ingenio. **RVDE**. nõ excultũ arte. **NON VIDEO**. sumptum ex uetustò iudicandi more. solebant enim iudices cum sententiam pronuntiabant, addere, si quid mei est iudicij. **PROSIT**. pdesse possit. **SIC**. studium sine diuite uena. **OPEM**. i. natura poscit auxilium ab arte. **CONIVRAT**. conuenit, coniungitur. **QVI STVDET**. non satis est ualere

uallere ingenio, nec callere artem, nisi diligētiam ad-
 bibeamus. quæ etiam ingenium ex tarditate incitet,
 et artē cura, et cogitatione adiuuet, et utrisq; quasi
 lumen aliquod adhibeat. ars demonstrat tantum ubi
 sit illud quod quæras, reliqua in cura, cogitatione, la-
 bore, uigilantia, i. diligētia consistunt. Non enim ut
 quisq; uersum pedibus instruxit, sensumq; teneriorē
 uerborū ambitu intexuit, cōtinuo in Heliconē uenit.
 Sudādum est ut ad montē Parnassum perueniamus.
 METAM. meta idem est q̄ inuersus turbo. καὶ vos
 a græcis appellatur. at hic pro fine ponitur. PVER.
 iam inde a pueritia assueuit et didicit currere. SV-
 DAVIT. in aestu. AL SIT. in frigore. PY-
 THIA; pro quibuscunq; posuit cantionibus. Mu-
 sicorum magna est cura, non artis solū, sed et uocis.
 unde Nero Cæsar pomis abstinebat, clystere uomi-
 tuq; augendæ uocis causa purgabatur. VINO.
 quod obest arterijs et uoci. VENERE. frequēs
 uenus obest uoci, et raucedinem concitat. hinc fiebat
 comædis et ijs quibus uox erat custodienda infibu-
 latio, cute quæ super glandem est transuta, filioq; re-
 licto, donec circa foramina cicatriculæ fierent, tunc
 imponebatur fibula, quæ erat aeneus circulus. TI-
 BICEN. qui tibia canit. PRIVS. quam di-
 cet se peritum. NVNC. cum nulla fiat exercitatio,

IN POET. HORA.

nil laboris impēditur. PANGO. scribo. Pangi dicuntur uersus figi in cerā ueluti plantæ cum in terrā admittuntur. OCCVPET EXTRĒ. SCA. sumptā e ludo puerili, qui in cursura ultimo scabiem imprecātur, quasi omnes præter unum sint uictores. MIHI TVRPE RELINQVI EST. loquitur ex persona respondentis, qui dum ultimus non sit, sat secum putat actum belle. ET QVOD NON DIDICI. licet poeticam nō didicerim, tamen poemata pulchra pāgo, & poeticam profiteor. PRECO. precones lapide qui in foro sublimior erat & editior populos cōuocabant ad emendas merces, & oblata pretia pronuntiabāt. Argentarij habebant summā rerum uenaliū, ab his accipiebant forarij, a quibus demum coactores nūmos exigebant. Quæ uolumus emendare primum diutius nobiscum tractamus, duobus deinde aut tribus legimus, mox alys tradimus adnotāda, notasq; eorum si dubitamus cum uno rursus, aut cum altero pēsitamus, nouissime pluribus recitamus, sed amicis certis electisq; quibus credamus, quos & tanquam singulos obseruemus, & tanquam nō singulos timeamus. Oriturq; ex hac recitatione magna utilitas, ut de quibus dubitat quasi ex consiliij sentētia statuatur, multa; multi admoneāt & uultu, oculis, nutu, manu, murmureq; ostendant,

quin etiam silentio, quod si acce sit et intentum non minor quandoq; plausus, q̄ clamor redditur. Inspiciendum tamen, ne quædam sæpe sint quæ singulis fortasse nō placent, omnibus plurimum. unde Pomponius secundus tragædiarū scriptor, si quid tollendum amicus, ipse retinendum putabat, dicere solebat, ad populum prouoco. Primus omnium romanorum qui aduocatis hominibus sua scripta recitauit, fuit Asinius Pollio, qui iniquam cum Cicrone de eloquētia litem habuit, tamq; paulatim ea res excreuit, ut miseri poetæ rogarent ultro, et ambirent qui dignaretur audire, et ne id quidem gratis, nam et domum mutuabatur, et auditoriū extruebant, et subsellia conducebant, et libellos dispergebant, ut beatissimus recitationis eorum euentus consequeretur.

POSITIS IN FOENORE. unde apparet malum esse poetam. VNCTVM. lautum conuiuium opulentam et opiparam cœnam. PONERE. apponere. SPONDERE. sponsionē facere, et uadem fieri pro tenui suppellectile. ERIPERE. eximere. BEATVS. diues poeta. PLENUM LAETITIAE. admonet eos qui aut acceperint aut expectent nō posse esse bonos iudices. PALLESCET. ex magna admiratione. ROREM. lacrymas præ lætitia. VT QVI

IN POET. HORA.

CONDUCTI. *præficas intelligit, quæ ante domum mortui laudes eius canebant. dictæ q̃ ancillis lamentantibus præficerentur, præficaq; uocatæ usq; ad secundum bellum punicū. Populus tandiu astabat, quādiu cadauer cōsumeretur, cineresq; colligerētur. pronuntiabatur, illicet. interim respondebat flentibus præfica, quæ planctus princeps erat, nō doloris. Plautus de præficis, et Lucilius in Horatij sententiā. Mercede quæ conductæ flent alieno in funere præfica multo, et capillos scindunt, et clamant magis. ὁπνὸς αἰς græce dictæ. Nam et threni lamentationes dicuntur, et ὁπνὸς Nenia. DERISOR. adulator, qui imponit misero lectori. magna enim iactura oritur ex adulatione. nam etiam si non statim nocet adulator, semina in animo relinquit, sequiturq; nos etiam cum ab illo discessimus, resurrecturum postea malum. ut qui symphoniam audierunt, ferunt secum in auribus modulationem, quæ actiones impedit, nec ad seria patitur intendi. Sic adulatorum, et prauus laudantiū sermo diutius hæret q̃ auditur. nec facile est animo dulcem sonum excutere. LAUDATORE VERO. proprie dixit laudatorem. Laus non ad uocem refertur, sed ad sententiam, ut laudatus sit ille qui iudicatur laude dignus. laudatio uero uocem exigit. unde nemo laudem fu-*

dem funebrem, sed laudationem dixit, cuius officium oratione constat. **LABORANT.** student cum labore, tentant. **CVLLVLIS.** multis poculis et cibis. **VRGERE.** pun gere. **CONDES.** si recitabis poema. **SVB VVLPE.** nō decipiēt te callidi, uafri, et astuti nō uulpinabūt. **QVINTILIO.** hic ille est Quintilius Varo emūctissimi in iudicandis poematis ingenij iudicij, cui emendandi uirgiliani operis ab Augusto demandata est cura. Qui in Germania cum tribus legionibus, legatis, auxilijsq; cāsus est. qua clade tantum consternatus est Augustus, ut caput foribus illideret uociferans, **Quintili Vare** redde legiones, Suetonius auctor. **SODES.** o amice si audes. **DELERE.** totū opus. **MALE TOR-**
NATOS. male politos et compositos. **VER-**
TERE. mutare, et emendare. **INANEM.** quæ nihil afferat utilitatis et lucri. **RIVALI.** nemo præter te amaret tuum carmen. **VIR BO-**
NVS. officiū boni iudicis describit, q̄ p̄ nibilo ducit si amicū suo offendat iudicio, dum admoneat errorū. Illi enim patiētissime reprehēduntur, qui q̄ maxime laudari merentur. Versatur autem potissimū emendatio in adyiciēdo, detrahēdo, mutando. Docta auris, in parū expletis desiderat, fragosis offenditur, leuibus mulcetur, et contortis excitatur, stabilia probat,

IN POET. HORA:

clauda deprehendit, redundantia ac nimia fastidit.
 Legem uero emendationis ipse Horatius exequitur
 in epistolis ultimis. INCOMPTIS. nō accu-
 ratis. ALLINET, superinducet. TRANS-
 VERSO. non puerſo nec recto, ſed in latus ducto.
 unde tranſuerſus uerſiculus Ciceroni ad Atticum,
 aduerſa charta marſidi. ATRVM. id eſt delebit
 omnia. AMBITIOſA. luxurioſa redundantia.
 CLARIS PARVM. breuibus, obſcuris. NO-
 TABIT. aſterisco, obeliſco, cærulea miniatula.
 ARISTARCHVS. criticus ꝓ grammaticus,
 cui a Pyſiſtrato demandata eſt cura Homericorū car-
 minum in unum corpus redigendorū. Qui ſimul ac
 offenderat malum carmen, negabat Homeri eſſe.
 Rhapsodiæ ob eam rem dicūtur Homeri libri, quaſi
 in unum uolumen conſuta carmina. Carmina autem
 homerica in theatris cum uirga pronuntiabāt home-
 riſtæ. hinc apta uirgæ carmina. in Floridis Apuleius,
 a qua uirga poetarum interpretes Rhabduchi a Pla-
 tone dicuntur. NVGAE. quas tu nugæ putas eſſe.
 IN MALA SERIA. incipiet enim ex illo
 inſanire poeta, nec deinde ꝓficiet. magnos enim ꝓle-
 runq; ꝓfectus perdidit arrogans de ſe ꝓſuaſio.
 SINISTRAE. cōtrariæ in malum ſuū omen.
 REGIVS MORBVS. quem ꝓ Arguatiū ꝓ

Auriginem uocant. colore potissimū delectitur, cum in oculis quod album esse debet, sit luteum, totumq; corpus cum pallore quodam albescit. Regius putatur dictus, p̄ eo laborantes basilice curantur, exercitatione, frictione, si hyems sit balneo, si æstas frigidis natationibus, lectoq; et cōclauī cultiore, clauso loco, ludis et lasciuiā adhibitis, per quæ mēs exhilaretur.

PHANATICVS. ut sunt lymphati, ceriti, laruatī. nam in templis et sacris locis corripīūtur sacro furore et diuino.

IRACVNDA DIANA. quā nemini licuisse uidere impune testis est Actæon.

VESANVM. minus sanum, cuius mens quodam motu perturbata sit, unde exisse potestatem dicitur, et in mētis potestate, cui totius animi regnum tribuitur, non sit.

QVI SAPI. qui prudentes sunt.

TIMENT TETIGISSE. ne quid ipsi cōtrahant insanīæ ex contagione.

AGITANT. prætereūtem insequuntur, et eius augent insaniam.

INCAVTI. qui nesciunt q̄ magnum sit periculum insanos insectari.

SVBLIMIS. uel ad recitationē alludit eorū, qui solebant esse in foro et quādoq; recitātes supra cippum se imponere, ut de Caluo legimus. uel sublimem pro turgido accipit et elato.

RVCTATVR. i. temere et nullo cōsilio euomit

ERRAT. non solū corpore, sed scribendo.

IN POET. HORA.

CIDIT. exemplo Tbaletis Milesij, qui irrisus est, q̃ dum intentus nocturna sydera inspicit, in puteū deciderit, nec uiderit quæ erant ante pedes, dum remotissima inuestigat. Huiusmodi erit poeta, qui dum sibi ipsi applaudit, et inania nubesq; sectatur, in manifestissimos errores tanquam in ignorantia puteum decedit. unde si auxilium petat, nemo sit qui manum uel funem porrigat, q̃ putet uolentem illum illuc se demisisse, quippe qui admonitus non uitarit. quin et timebunt omnes auxilium ferre, ne si rursus se præcipitet, oleum perdât et operâ. **INTENTVS.** qui sectatur. **IO.** exclamantis est. **LONGVM.** multū, ut longū formose uale, diuq;. **SVCCVR-**
RITE. adeste o ciues, et opē ferte. **DEMIT-**
TERE. magnitudinē significat putei, ut illud Virg.

- Demissi per funem.

quo signatur equi magnitudo. **POETAE.** Empedocles fuit Didascalus poeta, qui uersibus philosophiam comprehendit. ut immortalis a suis crederetur, in Aetnam se præcipitauit. et iam uoti compos fuisset, ni illum crepida flammis emissa, quibus æneis utebatur, prodidisset. **DICAM.** illi uolenti offerre auxilium, et funem demittere poetæ, qui per imprudentiam ceciderat in puteū. **SICVLI.** mali Agri-
gētini. **HABERI.** dici, existimari a suis discipulis.
Frigidus.

FRIGIDVS. an ad eius alludit opinionem, qui hominum ingenia frigido circa præcordia sanguine impediri aibat, an potius frigidus pro stulto posuit et segni. qui si quid hominibus persuasisset, ideo se immortalem persuadebat futurum. **AETNAM ARDENTEM**. quæ plurimis locis ignem euomit, non editis solum, sed adiacentibus. unde cur unicus mons a Messala et Valgio dictus sit, dubitare se ait Seneca. **LICEAT PERIRE**. nihil tam in potestate hominis est ac mors. uel testis Portia. libertatem autem mortis uelle eripere, hæc quidem uis est. **IDEM FACIT OCCIDENTI**. idem facit ac si occideret. utrunque enim uim est inferre. Veteres, facto idem tibi, dicebant græca constructione, id est idem quod tu facis. **NEC SEMEL**. quod condonandum esset, nam semel uicinum est ad pene nunquam. ex eodem sensu est, quod Crassum semel in uita risisse scribit Lucilius. unde illud Virgilij.

Tum primum nostri Cæcum uidere timentem.
id est semel. **NON FIET HOMO**. brutum erit animal. nihil sapiet, ut illud Terentianum, Censen' hominem me esse. uel refert ad Empedoclem, ob cupiditatem famæ immortalitatis adipiscendæ. **AMOREM**, cupiditatem. **FAMOSAE**.

IN POET. HORAT.

diuulgatæ, celebratæ, uel infamis. Anima enim in corpore dimittēda est arbitrio eius qui dedit. NEC SATIS APPARET. non liquet. id est fuerunt sunt carmina, sed ignoratur quo læso numine is illi furor sit immissus. utrum impius in patrios manes, an loca sacra uiolarit. utcumq; uitādus est et fugiendus, ne si nos arripuerit malorum carminum lectione enecet. MINXERIT IN CINERES PATRIOS. magna quondam fuerat sepulchrorum religio, ut etiam extra gentem inferri fas negarent esse, illa uiolare capitale erat, nulla ui deleri neq; moueri poterant, atq; ut cætera extinguebātur, sic sepulchra uetusta sanctiora reddebantur, ac locus ipse multa religiosa iura completebatur, qui in loco publico eligi non poterat, sed extra urbem secus uias. quin et sepulchra mutare nō licebat. unde illud Diploma uetustum, Cum ante hos dies coniugem et filium amiserim, oppressus necessitate corpora eorum fœtili sarcophago commendauerim, donec his locum quem emeram ædificaretur uia Flaminia inter miliaria secundum et tertium, euntibus ab urbe parte leua, rogo domine imperator permittas mihi in eodem loco in marmoreo sarcophago quem mihi modo comparauī, ea corpora colligere. et quādo me esse desiero, pariter cū eis ponar.

Placet. Lubentius Celsius promagister subscripsi.
 Tertio nonas nouembres Antio Pollione et Opti-
 mo consulibus. CINERES. comburebant enim
 corpora Romæ ab ipsa populi romani infantia. unde
 lex in duodecim tabulis, In urbe non sepelito, neue
 urito. BIDENTAL. loca tacta fulmine acri
 studio procurabant maiores nostri. sacerdotem adbi-
 bebant, colligebantq; dispersa fulminis uestigia, ter-
 ræq; sacris rite peractis, constructa ara, cæsaq; bi-
 dente eum locū Bidental appellabant, quem uiolare,
 piaculum erat. INCESTVS. pollutus. Ince-
 stum dicitur quæcunq; pollutio. MOVERIT.
 uiolauerit ligone uel aratro. TRISTE. quod in
 malorum procuratione fieret. sic et Persius.
 Triste iaces lucis euitandumq; Bidental.

An potius triste dixit, q; quædam etiam sint fulmina
 læta, quæ cum a prima cæli parte uenerint, et in
 eandem concesserint, summam portendant felicitate-
 tem. POLLVTVS. eo ipso q; mouit Biden-
 tal. CERTE. agatur, inquit, quo uis scelere, fu-
 riosus est. CAVEAE. caueam ne pro arena po-
 suit, in qua feræ exhibebantur, quam et Virgilius
 pro confessu populi accipit in quinto libro: an caueâ
 receptaculum intelligit, qua non solum auiculas in-
 cludi mos erat, sed et feras ad ludos, quam aulam.

IN POET. HORA.

uocat Petronius his carminibus.

- Premit aduena classes

Tygris *et* aurata gradiens uectatur in aula,
 Ut bibat humanum populo plaudente cruorem.
 Sed nec imperite, cum caula septum ouium græcum
 sit nomen, addita C litera. CLATHROS.
 cancellos, repagula, quæ pede inter se discent, unde
 clathrata fenestra Plauto ac Catoni, clatbrare Co-
 lumellæ. Propertius.

Et canis in nostros nimium experrecta dolores,
 Cum fallenda meo pollice clatbra forent.
et Virgilius, insertas fenestras dixit, id est clatbra-
 tas. RECITATOR. qualis Ligurinus ille
 apud Martialem. HIRUDO. apta similitudo.
 ut enim kitalo si corpori hæserit, nequit euelli, nisi
 plena sanguinis sic poeta sitientes nactus aures tan-
 tum recitat *et* tam mala carmina, ut ne dum sangui-
 nem, sed animam misero exugat auditori. Danda est
 ergo opera, ne phanatica, ne cerasia, ne urfi, ne biru-
 dines simus. Ad perfectam illam poeticam, quæ me-
 diocritatem non admittit, contendendum est. Quam ut
 assequi possimus, primum boni *et* haberi *et* esse
 quæramus, ab omni corporis sensu, contagioneq, ani-
 mum auertamus, imitemurq, agricolas, qui sentibus
 omnem prius agrum perpurgant, postmodum semina

iaciunt. sic nos cum ex animis omnem rerum sordidarum cupiditatem eiecerimus, ceterosque affectus igne ferroque extirpauerimus, omni iam cupiditatum quasi spinarum commistione suffocata, tunc demum hæc diuina poetices semina excipiemus. Fallimur, si putamus, corruptis obscænisque moribus speculationes spiritusque immisceri. Diuinos nec nos labor terreat, qui ardua ingredientibus primus sese offert, conantesque ascendere deturbat. An usquam est quo possimus utilius gloriosiusque hoc quod superest æui exigere? Nam quod utilitatem in ea negent esse ullam, est sane nulla ijs qui omnia mercede metiuntur, eaque affectant, quæ lucellum afferunt, famique potius quam famæ, oneri quam honori, cæno quam cælo student. sed quos aurea delectat uirtus, nihil habent maius quod sufficiant, quippe quæ omnem uiuendi rationem contineat, fortium res gestas interire non patiatur, impiæ facta quasi iniusta nota ulciscatur, perpetua stigmata improbis inurat, bonos sempiterna muneret gloria. Quil enim aliud herouici, nisi perfectum hominem describunt. Elegiographi inanes cogitationes, stulta amantium consilia, amoris quam intollerabile iugum ostendunt. Tragici tyrannorum exitus, fortunaque aleam patefaciunt. Comici priuatam uitam quasi in speculo demonstrant, Satyrici uitia sectantur, Lyrici

/ ? e

IN POET. HORA.

fortium res gestas commemorant. Deniq; quocunq;
graditur pede, nihil habet, nisi præcepta exemplaq;
vitæ saluberrima. suis cultoribus, qui non quantum
quidq; profit, sed quanti, quidq; sit metiuntur, quæ
magnum præbet præmium, quæ se ipsam largitur
posidendam, ut qui illam adipiscatur, nullis immotus
sit casibus, nullius externæ opis egeat, suis animosus
diuitijs, et tanquam e specula mortalia despiciens.
Et nos tam duri sumus, tam inepti, tam barbaris
ipsis immaniores, qui tantû cœlesti munus, uirtutum
omnium seminarium, ex quo tot clarissima lumina
lumen acceperint, in situ squaloreq; neglectum ia-
cere patiemur? tantum doctrinæ sapientiæq; the-
saurum contemnemus? tam suauem concentum pi-
catis auribus negligemus? Quin agite signû hoc no-
strum Horatianum attollamas. hæc ipsa præcepta
pro aquila hastæ alligemus. En ego ultro nomen do-
profiteor inuocatus, procedoq; in medium miles uo-
luntarius, et si per uos licet, antesignanum me uo-
bis polliceor, non mea fretus eruditione, quæ tenuis
est, magnitudinemq; tantæ professionis non ignoro,
sed nonnulla fortasse diligentia, ut quod, uel inge-
nio, uel doctrina non possum, labore saltem et cura
perficiam. Itaq; non hortor iam uos ad hæc studia,
quos uideo incitatos, sed desiderium uestrum ardens

*et concitatum peto. Diligentia uero et constantiam
 expostulo. Facile est quod uelis excogitare, uerum
 illud quod cogitaueris consequi, difficile. Conseque-
 mur autem si inuigilare uoluerimus. quid enim tam
 arduum esse potest et seclusum, quo humanum in-
 genium penetrare non possit: nihil tamen agit, qui
 sine puluere et sudore ad ea sperat posse peruenire,
 quæ nos populo et habenti nubila terræ eri-
 piunt, cæloque insertât, ipsa ipsa opus cõ-
 stantia, ne aut ignauia ab incepto
 desistamus, aut quasi diffi-
 cultate uicti pedẽ
 referamus,
 neue
 tanquã adul-
 terini pulli e scho-
 la præcipitemur, sed ue-
 luti soboles generosa, quorum
 acies consilias in solem per-
 daret, educemur, et
 recipiamur.*

F I N I S.

IMPRESSVM NEAPOLI VI
IDVS IVLIAS ANNO A RE-
DEMPTO ORBE M. D. XXXI
OPERA ET DILIGENTIA
IOANNIS SVLTZBACHII
HAGENOVENSIIS GERMANI.

ERRATA.

Fol. 2. a. uersu. 24. lege *dramatico.*

Fol. 24. b. uer. 1. lege *execrandus.*

Fol. 35. a. uer. 1. lege *præclarus.*

Fol. 38. a. uer. 3. lege *comœdia.*

Fol. 40. a. uer. 2. lege *poetam.*

Fol. 56. b. uer. 6. lege *luxus.*

Fol. 67. a. uer. 5. lege *contemnatur.*

Fol. 70. b. uer. 19. lege *per similem.*

Fol. 72. a. uer. 6. lege *C pro R.*

Fol. 74. a. uer. 6. lege *inhonestum.*

Fol. 76. a. uer. 2. lege *nullis.*

Fol. 83. b. uer. 20. lege *locus.*